


আরতি

শ্রীপ্রমথনাথ রায় চৌধুরী প্রণীত

সন ১৩০৯

কুন্তলীন প্রেস হইতে
শ্রীপূর্ণচন্দ্র দাস কর্তৃক মুদ্রিত ও ৩৫১২ বিডন ষ্ট্রীট,
শ্রীঅনুকূলচন্দ্র বসু কর্তৃক প্রকাশিত

মূল্য ১৥০ দেড় টাকা



উৎসর্গ

শ্রীযুক্ত দেবকুমার রায় চৌধুরী

প্রিয়তমেষু ।

কাব্যের কারণোত্তর

‘চাঁদ সওদাগর’ সেকালের অনন্যসাধারণ কবি-প্রতিভার একটি উৎকৃষ্ট সৃষ্টি এবং একালের ও সকল কালের বরণীয় চরিত্র। কবি ইচ্ছা করিয়াই নিজের সৃষ্টি সেই উজ্জ্বল উন্নত চরিত্রের আগাগোড়া সঙ্গতি রক্ষা করেন নাই; অপিচ উহাকে শেষকালে ক্ষুণ্ণ ও খর্ব্ব করিয়া ছাড়িয়াছেন; নহিলে; মনসার মাহাত্ম্য জাজ্জ্বল্যমান হইয়া উঠে না! ইহাতে কাব্যসৌন্দর্যের সঙ্গে সঙ্গে ভগবতীভক্তি বা ভগবদ্ভক্তি অজ্ঞাতে আঘাত প্রাপ্ত হইয়াছে। তাই এমন চাঁদেও কলঙ্ক স্পর্শিয়াছে!—দুঃখের সহিত সসম্ভ্রমে এ কথা বলিতে হইতেছে। এই পদাঙ্কানুবর্তী চাঁদের গৌরবের দিনের একটি চিত্র বাছিয়া লইয়াও মতভেদবশতঃ আদর্শের সম্যক অনুসরণ

করিতে পারিল না। যাঁহারা একাল ও সেকাল তুলনা করিয়া সহজ মীমাংশায় আসিবেন, তাঁহাদের নিকট এ সকল কথা নিতান্তই অত্যাক্তি মনে হইবে। কিন্তু ইহা বোধ হয় কেহ অস্বীকার করিবেন না যে, পৌরাণিক চরিত্র বা চিত্রগুলির ভিত্তি ও বিশেষত্ব বজায় রাখিয়া উহার আধুনিক অঙ্গরাগ যদি মূলের সঙ্গে স্থলবিশেষে বর্ণভেদ ঘটায়, তবে সে অমিলে ক্ষতি নাই; বরং লাভ আছে।

ঝান্সীর রাণী লক্ষ্মীবাই ব্রিটিশসিংহের বিরুদ্ধে অস্ত্রধারণ করিয়া পরাস্ত ও নিহত হ'ন। কথিত আছে, শেষযুদ্ধযাত্রার প্রকালে তিনি স্বীয় সৈন্যগণকে উন্মদ-উদ্দাম উদ্দীপনায় উত্তেজিত করিয়া তোলেন, এবং সে যুদ্ধেও সয়ং তাহাদের অধিনায়কতা করেন। তদবলম্বনে 'রাণীর রণযাত্রা' রচিত। উহাতে লক্ষ্মীবাই যে ভাষায় আপন দলবলকে উৎসাহিত করিতেছেন, তাহা একজন স্বাধীন রাজ্যের অধীশ্বরীর মুখেই শোভন; অন্যত্র উহা প্রলাপ মাত্র। দুঃখের বিষয়, ঝান্সীর রাণী ন্যায়তঃ একছত্রী ইংরাজরাজের অধীনস্থ হইয়াও সেই ইংরাজসরকারের বিপক্ষেই বিগ্রহে বা বিদ্রোহে

প্রবৃত্ত হন। কিন্তু তথাপি কাব্যসৌন্দর্যের খাতিরে এ ক্ষেত্রে রাণীর মুখ দিয়া ঐরূপ প্রলাপ বাহির করানই আবশ্যিক। ইতিহাস কি বলে জানি না, জানিবার প্রয়োজনও নাই; কাব্যের পক্ষে কিন্তু, বর্ণিত রাণীচরিত্রের প্রকৃতি অনুযায়ী এই কল্পনাই সহজ, স্বাভাবিক ও সত্যের অনুকূল যে, রাজ্ঞী তৎকালীন দুরাশাপ্রেরিত, উদ্ভ্রান্ত-উদ্ধত উৎসাহ-উত্তেজনার আতিশয্যে ও আকস্মিক উচ্ছ্বাসে মূলেই ভুল করিয়াছিলেন;—আপনাকে স্বাধীন রাজ্যের অধিকারিণী জ্ঞান করিতেছিলেন।

বরেণ্য ভক্তরচিত বহু জীবনচরিতে গৌরাজ্ঞে অতিপ্রাকৃত গুণগ্রামের আরোপণা এবং ঈশ্বরত্ব স্থাপনা হইয়াছে। এ নগণ্য ভক্তের সামান্য জ্ঞানে চৈতন্যচন্দ্র অসামান্য মানুষীমহিমায়ই সমুজ্জ্বল।—তাই আমার ‘গৌরাজ্ঞ’ সেই ভাবেই চিত্রিত হইয়াছেন। কিন্তু এই ক্ষুদ্র লেখকের শক্তি কি যে, মহাপুরুষের অপূর্ব কার্যকলাপের অনুসরণ করে; তথাপি সেই মহাত্মার চরিতমহাত্ম্য যতদূর বুঝিয়াছি, যথাসাধ্য প্রকাশ করিতে প্রয়াস পাইয়াছি। কোন সম্প্রদায়বিশেষ যেন বিশ্বাসকে বিদ্বেষ এবং

প্রকাশকে প্রতিবাদ বলিয়া ভ্রম না করেন। পাঠক-সাধারণের নিকট নিবেদন, আমি সকল স্থলে উক্ত চরিতকারগণের বর্ণিত প্রামাণ্য-অপ্রামাণ্য ঘটনা-বলীর যথাযথ অনুসরণ করি নাই; তবে কোন স্থানে মূল সত্য হইতে ভ্রষ্ট হইয়াছি বলিয়া মনে করি না। বর্ণনীয় চরিত্রগুলির ক্রম-বিকাশ ও পরিণতি সংসাধন এবং ঘটনানিচয়ের যথা-বিন্যাস ও সুসঙ্গতি সম্পাদনে দৃষ্টিদান, সর্বপ্রধান কবিকর্তব্য। তাই রসের সৃষ্টি, পুষ্টি ও প্রসাধন এবং সৌন্দর্যের শৃঙ্খলা, সামঞ্জস্য ও সমন্বয়ের জন্য মূল সত্য ও স্থূল তথ্যকে অব্যাহত রাখিয়া, কল্পনার নিরঙ্কুশ রাজপথে সচ্ছন্দ স্বাধীন বিচরণের অধিকার কাব্য ও কাব্য-কারের আছে।

গ্রন্থকার

সূচী

বিষয়	পৃষ্ঠা
আরতি	১—১০
বর্ষমঞ্জল	১১—১৭
দ্রুতের সীমানা	১৮—২৭
সিন্ধুর প্রতি	২৮—৩৩
বিপ্লবীক ও বিধবা	৩৪—৩৯
আত্মীয়দম্পতি	৪০—৪৭
চাঁদ সওদাগর	৪৮—৫৭
ভীষ্ম	৫৮—৬৫
রাণীর রণযাত্রা	৬৬—৭০
বাহিনীতা ও লাক্ষিতা	৭১—৭৪
উত্থান-গীতি	৭৫—৮৪
সমালোচনার সমালোচন	৮৫—৮৯
গৌরাজ	৯০—১৭৮

আরতি

১

জাগিয়া উঠেছে অযুত ভক্ত
করিতে তোমার আরতি ;
নূতন বরষে নূতন হরষে
বস' হৃদাসনে, ভারতী !
তুষিত ব্যাকুল অযুত ভক্ত,
করিবে তোমার আরতি !

হাসে নিশ্চল উজ্জ্বল দিনে
বিমলানন্দে ধরণী ;
শুভ্র বাসনা করে আরাধনা
তোমাতে, হে শ্বেতবরণী ;
তোমারি অকূল কূলের লক্ষ্যে
ছুটিছে সাধন-তরণী !

আরতি

দুয়ারে তোমার কাঙ্গালের মত
ফিরিব বিফল ভ্রমণে ?
মেলি স্নেহ-আঁখি নিবে না কি ডাকি
পূজার গোপন ভবনে ?
কুসুম-অর্থ্য উঠিছে শুকায়ে,
অশ্রু কাঁপিছে নয়নে !

সে কোন্ সুদূর স্বপ্নলোক হ'তে
বহিয়া আসিছে চেতনা,
সারা জগময় ছুটিছে হৃদয়,
জীবনে জাগিছে সাধনা ;
এ কি বিচিত্র নবীন ছন্দে
বক্ষে বাজিছে বেদনা !

গেল, হের, গেল জরি' পুরাতন
নৃতনের নব-কুহকে ;
অতীত আহত দুঃস্বপ্ন মত
মিলাল আঁধারে পলকে ;
দৃপ্ত-হাস্তে আসিছে নূতন
বরণ মাগিয়া ভুলোকে !

আরতি

জাগিয়া উঠেছে এ দীন ভক্ত
করিতে তোমার আরতি,
নূতন বরষে নূতন হরষে
বস' হৃদাসনে, ভারতী !
তুষিত ব্যাকুল এ দীন ভক্ত
করিবে তোমার আরতি !

২

বস' প্রাণে, দেবী, উথলি উঠুক
হৃদয়-সাগর মম ;
ফণা তুলি' তুলি' উঠুক দাপটি
রাগিনী নাগিনী সম !

সেই ত রে গান, জ্বালা আছে যার,
পোষা নাহি যায় বুকে ;
কোলাহল তুলি' বাহিরি' যে আসে
মদমত্ত গতি-সুখে !

আরতি

লক্ষ্য হয় তার,- সুনীল আকাশ,-
সুকুমার তনুরুচি
বিশাল বিশ্বেরে উদ্ধাপানে টানে
তার আঁখিধারা মুছি !

রহস্যের অভ্রে বিঁধে দিয়ে আসে
আপনার আরাধনা,
মরণের লৌহকবাটে আঘাতি'
ভুলে' আসে বনবনা !

দেখিতে দেখিতে, ছড়ায়ে সে পড়ে
লোক-লোকান্তরময় ;
সে যে কভু ছিল একেলার গান,
কার সাধা চিনে লয় ?

সে গান গাহিলা আদি মহা করি
মহান্ আদিম যুগে,
স্বর্গের সংস্কার ভুলে নি তখনো
মর্ত্য পদে পদে ভুগে' ;

আরতি

উদার, উদাত্ত, নিষ্মল নিখিল,
জানে শুধু ভালবাসা ;
তখনো তাদের হৃদয়ের মাঝে
ব্যথা বাঁধে নাই বাসা ;

পশু পক্ষী সব পোষ্য পরিবার,
স্বচ্ছ নিরাময় প্রাণ ;
তপোবনচায়ে উঠিছে মুখরি'
অলৌকিক সামগান !

সে নব জগৎ পায় নি তখনো
প্রথম প্রাণের গীত ;
তৃষিত শ্রবণ ল'য়ে জনস্রোত
সবেমাত্র তরঙ্গিত !

কেহ নাহি জানে, কিসের লাগিয়া
হৃদয়ের এ বিকার ;
মনে জাগে তবু, কার মুখে যেন
পাবে কোন সমাচার !

আরতি

কোন নব সত্য, অপূর্ব নির্যোষ
জাগিবে ভুবন ভরি ;
চাতকের প্রায় উদ্ধমুখে সবে
রহিল প্রতীক্ষা করি !

ধ্যানমগ্ন কবি আপনার মাঝে
করিলেন অনুভব
নিখিলের সেই নাড়ীর কম্পন,
আশার সে কলরব !

তখন কবীন্দ্র উঠিলেন গাহি',
—সে কি শুধু তাঁর গান
সকলে মিলিয়া যোগাইল তাঁরে
সঙ্গীতের উপাদান !

সে দিনের সনে হয়ে গেছে লীন
সে সুরসঙ্গীত-পাখী,
বারেকের তরে নামিয়া মরতে
পদ-চিহ্ন গেছে আঁকি !

আরতি

আদি অকৃত্রিম সে সাহস কই
এবে সঙ্গীতের মাঝে ?
স্বফীত বক্ষপুটে উড়ে সে যখন,
সভ্যতা-শৃঙ্খল বাজে !

তবু যদি ওই পদ-স্পর্শমণি
পড়ে এ হৃদয়'পরে ;
সোণা হবে, দেবী, মোর ধূলি-মাটি
বুঝি চিরদিন তরে !

যদি স্নেহভরে ঘুরাও আমারে
তোমার একটি পথে,
যেথা কেহ কভু যায় নি হেলায়---
কম্পমান্ মনোরথে !

তব বনবীথি ভরিবে এ ডালি ;
শিখাবে মর্ম্মর স্বরে,—
কোন্ ফুল লাগে তোমার সেবায়,
কোন্ ফুল যায় ঝরে' !

আরতি

ভারতীর জয় —গাহিব বসিয়া
তখন নিকুঞ্জতলে,
ধোয়াইয়া দিব রাজা পা দু'খানি
সঘন নয়নজলে !

৩

তন্দ্রামগনা স্বরসুন্দরী,
মনোমন্দিরবাসিনী ;
শয়ন-প্রান্ত তাজি একান্তে
ব'স প্রাণে, প্রাণতোষিণী !
জাগ নিশ্চল নৃত্যতি,
লহ আরতি, লহ আরতি !

নিশার শান্তি আসি নি ভাঙ্গিতে
নৃক মন্দির সকাশে ;
আমি যে এসেছি লোলুপ-কর্ণ,
প্রভাতশুভ সম্ভাষে !
আমারে শুনাও ভারতী ;
লহ আরতি, লহ আরতি !

আরতি

নাহি সে ভ্রান্তি, অশান্তিগয়
বিনিত্র খর পিপাসা ;
এবে জর্জর, হৃদয়ের'পর
শ্রান্ত দুরাশা-কৃয়াসা !
আমি গো আহত, বিরথী ;
লহ আরতি, লহ আরতি !

দূরে আদর্শ, অর্গল আঁটি'
বসায়েছে দ্বারে প্রহরী ;
সে নব ভুবনে করাও যাত্রা
তব সান্দনে, স্তন্দরী,
ধরিও রশ্মি, সারথী ;
লহ আরতি, লহ আরতি !

নিশ্চিতি-স্বপ্তি ছাড়ি অশ্বরে
উঠে বিশ্বের চেতনা, .
জড়তা দীনতা করি বিলুপ্ত
জাগিছে সাধন-বেদনা :
অস্তে নামিছে বিরতি ;
লহ আরতি, লহ আরতি !

আরতি

বাজে মঙ্গল শঙ্খ পরাণে,
শুন, লো পাষণী প্রতিমা !
এসেছে ভক্ত জাগাতে সত্ত্ব
মৌন দেবীর মহিমা ;
জাগ, নিদ্রিত ভারতী,
লহ আরতি, লহ আরতি !

বর্ষমঙ্গল

১

“প্রভাত, প্রভাত!”

কার তুরী ঘোষে অকস্মাৎ—

“প্রভাত, প্রভাত!”

কোন্ মহা জাগরণে জাগাইতে বিশ্বজনে,

কার হেন মঙ্গল-উৎপাত ?

সে ইঙ্গিতে গ্রহতারা আচম্বিতে গতিহারা,

চমকি চাহিল পরস্পরে ;

ক্রীড়াশীল বিশ্ব-যন্ত্রে যেন কোন যাদুমন্ত্রে

অবসাদ এল ক্ষণতরে ;

কালের অক্লান্ত রথ চলিতে চলিতে পথ,

ফিরিয়া দাঁড়াল সন্ধিস্থলে ;

ধরি নববর্ষ-ছবি উঠে এল শিশু রবি

জগতের উদয়-অচলে !

আরতি

ডাকি' ফিরে তুরী !—

কাঁপে শব্দে ভীত মর্ত্যপুরী !

ডাকি' ফিরে তুরী !—

কি দুশ্চর পুণ্য-ব্রতে, কীর্ত্তির দুর্গম পথে !—

ডাকে ধ্বনি ঘরে ঘরে ঘুরি' !—

কোন্ মহা রণাঙ্গনে যুদ্ধিবারে প্রাণপণে,
ফলাফল দিতে বিসর্জন :

কোন্ দীর্ঘ পরীক্ষায়— তাগে, তপে, তিতিক্ষায়
ধর্ম্মধন করিতে রক্ষণ !—

উত্তরিতে কোন্ পারে— মরণের সিংহদ্বারে,
বিপদের কোন্ তুঙ্গচূড়ে !

—উঠুক তুরীর তান, ছুটুক চেতায় প্রাণ
তাপিত পতিত বিশ্ব জুড়ে' !

৩

রটা, কবি, রটা, ..

“রৌদ্রে নাই মাধবীর ছটা !—

রটা, কবি, রটা !—

স্বর্গের ধিক্কার চুপে কাল-বৈশাখীর রূপে
সাজিতেছে করি ঘোরঘটা !”

এবার, স্বপন-মেশা— রে লঘু স্তূথের নেশা,
 যাছু নাই তোদের কুহকে ;
 এ যে কার অগ্নিবাণে ধরণীর মন্ম হানে,
 রক্ত টানে বলকে বলকে !
 উন্মোচিয়া অন্তরাল দাঁড়ায়েছে মহাকাল
 যাত্রাপথে, জলদাৰ্চি সম ;
 হের, দাঁপ্ত মূর্তিখানি, শুন, হুহুকার-বাণী,
 নর-নারী, সম্মুখে প্রণম' !

৪

এস, হে নূতন,
 স্বর্গদ্রষ্ট আত্মার মতন !
 এস, হে নূতন !
 এস, আদি প্রাচী-পথে আলোকের অগ্নিরথে
 উড়াইয়া লোহিত কেতন !—
 উঠ নর, ভীতিভরে, রহ অভ্যর্থনাতরে ;—
 কাল-শিশু !—কে তাহারে জানে ?
 এ যদি গো, সেই হয়, যার আশে বিশ্বময়
 প্রতীক্ষা জাগিছে প্রাণে প্রাণে ?

আরতি

কীর্তির কীরিট-মালে ভবিষ্যের অন্ধ ভালে
মণ্ডিয়া যে দিবে থরে থরে !
আসি' সে চপল পাখী পাছে দিয়ে যায় ফাঁকি,
জাগ সব, আজি ঘরে ঘরে !

৫

এস হে প্রবাসী,
জগতের মোহজাল নাশি !
এস হে প্রবাসী !
হানাহানি, হাহারব শান্ত করি দাও সব
বরষিয়া তব শুভরাশি ;
মাতিয়া বিদেহ-ধূমে নাচে নর প্রেতভূমে ;
স্নেহ মায়া হ'য়ে গেছে ছাই !
কবিরো বীণায় উঠে শোণিতের স্তব ফুটে' ;
রক্ত পিয়ে মাতাল সবাই !
হে নূতন, তব সনে জাগুক্ সবার মনে
অতীতের প্রকাণ্ড প্রমাদ ;
শান্তিতে পড়ুক্ ঢাকা দু'দিনের রক্তমাখা
ধরণীর কলঙ্ক-সম্বাদ !

৬

ঝটিকা উঠাও,
 প্রাণে প্রাণে বিছাও ছুটাও ;
 ঝটিকা উঠাও !
 এস শ্যামায়িত হয়ে, বজ্র-বৃষ্টি সাথে লয়ে,
 রক্তজটা আছাড়ি, উধাও !
 ঘোষ' ঘন ঘণ্টাধ্বনি ;— ঘোর বিভীষিকা গণি'
 সাবধান হোক্ সবে ত্রাসে ;
 উড়ায়ে ধরার ধূলি উদ্ধপানে লও তুলি'
 বঙ্কাসম উদগ্র উচ্ছ্বাসে !—
 জয়পত্র বাঁধি শিরে ছাড়' গতি-অশ্বতীরে,
 বিশ্ব যুরি আনুক্ সে জয় !
 তখন বন্ধুর রূপে জানায়ে সবারে চুপে,—
 হে ভয়াল,—তুমি স্নেহময় !

৭

বিদায়, বিদায়,
 হে অতীত, সময় ফুরায় ;
 বিদায়, বিদায় !
 তোমার করের অসি ধীরে পড়িতেছে খসি',
 ধ্বজদণ্ড ধূলায় লুটায় ;

আরতি

নিমেষে যযাতিপ্রায় জরাগ্রস্ত তুমি হায়,
চেয়ে আছ সজল নয়নে ;
তোমার রাজত্বে এসে কে পশিল রাজবেশে,
বসিল তোমারি সিংহাসনে !
সাজ যদি তব কাজ, আবলা-বালাই আজ
লয়ে যাও আপনার সাথে ;
বানপ্রস্থযাত্রীমত শক্তি সাধা কীৰ্ত্তি যত
রেখে যাও নৃতনের হাতে !

৮

যাও, তবে যাও,
পুরাতন, পাতালে লুকাও !
যাও, তবে যাও !
কস্ম-সাগরের তীরে আর আসিও না ফিরে ;
অন্ধকারে আরামে ঘুমাও !
মনে নাই,—তব প্রাতে, তব আগমন সাথে
করেছিলু জয়-উচ্চারণ ?
তোমার বিদায়-সাঁঝে রহি' ভক্তদল মাঝে
করিব না শেষ-সম্ভাষণ ?

আরতি

অশুভ দিয়েছ যঁত, সয়েছি যে ব্যথা ক্ষত,
 স্মৃতি হ'তে যেতেছে সরিয়া ;
 আজ শুধু তব তরে নব অনুরাগভরে
 আঁখি দু'টি উঠিছে ভরিয়া !

দুঃখের সীমানা

১

যুগে যুগে জন্ম আমাদের
নাহি জানি কেন ধরামাঝে ;
যে যাহার ধার্য্য কাজ সারি'
নিরালয়ে ফিরিতেছি সাঁঝে !

কেহ স্মখে, কেহ হেঁ
একে একে দাঁড়াই সকলে
দয়ায় নির্ভর করি শুধু
প্রভুর বিচারাসনতলে ।

আরতি

ঝরে' পড়ে পুরস্কার-ছলে
কারো ভালে বৈজয়ন্তীমালা ;
কারো ভাগ্যে জন্মজন্মান্তরে
নাহি কাটে খাটিবার পালা !

কালের জোয়ার-ভাঁটা মাঝে,
চিরদিন জলবিশ্ব প্রায়
কোটি কোটি জন্ম-উৎসধারা
এই উঠে, এই টুটে' যায় ।'

তবু কিন্তু অক্ষয় ভাণ্ডারে
কোনদিন পড়ে নাই টান ;
এত হ্রাস, এত নাশ সহি'
দান-স্রোত নিত্য বহমান !

অনন্তের বিরাট জঠরে
লক্ষ লক্ষ নূতন জগৎ
ক্রম সম আছে কি আড়াল
ব্যাপ্ত করি দূর ভবিষ্যৎ !

আরতি

৩

আমরা বুঝি না অতশত ;
মৃত্যু যবে বড় কাছে আসে,
দুর্বল কল্পিত হিয়া ল'য়ে
শূন্য পানে চাই অবিশ্বাসে !

এই যে আমরা সঙ্গী ক'য়
একতরে বেঁধেছিছু বাসা ;
এনেছিছু পাথেয় সম্বল,—
বুকভরা আশা, ভালবাসা ;

ভাবিতাম আমাদেরি চাহি
ফুটে ফুল, নভে উঠে তারা ;
বায়ু বহে নাচায়ে পরাণ,
শিরে জ্যোৎস্না ঢালে স্নিগ্ধ ধারা

একদিন চেয়ে দেখি, শেষে,
সেই ফুল, সেই তারা হাসে ;
সবাই জুটেছি খেলাঘরে,
সঙ্গী এক আর নাহি আসে ।

আরতি

ধরণীর শেষপ্রাস্তে খুঁজি’
উদ্ধপানে তখন তাকাই ;
ডেকে বলি,—এই তব দয়া ?
হে নির্দয়, নাই, তুমি নাই !

ঝঙ্কাসম এসেছে জগৎ
দিশাহারা অন্ধকার হ’তে,
ছুটিয়াছে উন্মাদের মত
আপনারি নিপাতের পথে !

পাপ-পুণ্য—মিছে কোলাহল,
দুর্বলের মানস-বিকার ;
পরকাল মূর্খের স্বপন,
ইহকাল দুঃখের আধার !

৪

তখন কে তুমি স্নেহভরে
ধরায় পাঠায়ে দাও আলো ;
অজ্ঞানের কক্ষে কক্ষে পশি’
কে তুমি অঁধারে দীপ জ্বালো !

আরতি

কে তুমি, মুছায়ে অশ্রুধারা
শান্ত কর দুর্দান্ত হৃদয় ;
কে তুমি গো, ক্ষান্ত করি দাও
মনোরাজ্যে উদ্ভ্রান্ত প্রলয় ;

কে তুমি গো, ভুলায়ে ভুলায়ে
স্মৃতি হ'তে উঠায়ে সে দাগ,
কে তুমি, সে মরুভূমে রোপ'
নব নব আশা অনুরাগ !

তা না হ'লে, কি ছিল উপায় !-
নিরাশা চলিত যদি বাড়ি' ;
আবেক উঠিত ছাপি' বেগে
সংঘমের শান্ত কূল ছাড়ি' ?

ধন-তৃষা, প্রণয়ের নেশা,
ঘাতকের হিংসা-ছত্যাশন ;
পারিত না মোহান্ধ আবেগে
ভস্মিবারে সোণার ভুবন ?

আরাতি

কিন্তু কি বিধান !—যে নিয়মে
ভ্রাম্যমান্ গ্রহতারাकुल
কেহ কারে নাহি দেয় বাধা,
কোনদিন নাহি করে ভুল ;—

সেই সত্য, শাস্ত্র, ধ্রুব, শুভ
নিখিলের শৃঙ্খলানিচয় ;
এত ঘাত-প্রতিঘাত সহি
লক্ষ্য হ'তে ভ্রষ্ট নাহি হয় ।

আবর্তনে বিবর্তনে ঠেকি',
বিপ্লবে বিগ্রহে উঠি' পড়ি',
শৃঙ্খলাই হতেছে সূদৃঢ়
নব নব শুভ সূত্র ধরি' ।

আমাদের মরনেত্র আগে
লাগে সব প্রহেলিকাবৎ ;
স্থির ইহা,—ক্রমোন্নতি পথে
উঠিতেছে অকূর্ণ জগৎ ।

আরতি

আশ-ত্রাস পাশাপাশি ল'য়ে
বিস্মিত স্তম্ভিত চরাচর !—
তঁার আশ্চ চির-হাস্যময়,
স্নেহ-কোল পাতা নিরন্তর ।

৫

একদিন বিয়োগে বিধুর,—
ওহে মৃত্যু, মনে নাই তা কি ?—
গেয়েছিল তব জয়গান,
আমার এ ভীত প্রাণ-পাখী !

ভেবেছিল,—লভি' পরাজয়,
তুমি বুঝি সর্ববশক্তিমান ;
চেয়েছিল অন্ধভক্তিভরে
তব দ্বারে অসম্ভব দান !

তারি মুখে আজ ভিন্ন ভাষা ;
—শুনে কি গো লেগেছে বিস্ময় ?—
পঙ্কর-পিঙ্করছিদ্র দিয়া
দেখেছে সে,—নভ আলোময় !

আরতি

ব্যথা দিয়ে নিলে যারে কাড়ি',
ফিরাতে চাহি না তারে আর;
আমি তার পেয়েছি সন্ধান,
রুদ্ধ কর তব লৌহদ্বার !

মনে আছে ?—এসেছিলে তুমি
ছায়া করি রাহুর মতন,
করেছিলে সংসার আঁধার
পূর্ণিমায় লাগায়ে গ্রহণ !

মোহজাল পড়ে গেছে খসি',
ব্যর্থ গেছে তব অভিশাপ ;
লাগে নাই আমাদের চাঁদে
তোমার ও কলঙ্কের ছাপ ।

সুখা সে সুখাই আজো আছে,
তিলমাত্র পায় নি বিকার ;
তুমি তার ভারবাহী হ'তে,
পেয়েছিলে ক্ষণ-অধিকার !

আরতি

৬

জানি আমি,—প্রেম জাতিস্মর,
দু'দিনের বিরহ সহিয়া
ধায় বেগে পুরাতন পথে
মিলনের আবেগ বহিয়া !

আমাদের আপনা বলিতে
যে যেখানে আছে বিশ্বময়,
জন্ম জন্ম আছে তারা সাথে,
নূতন আত্মীয় কেহ নয় !

কেহ কারে চিনিব না,
পিতা মাতা ভাই বন্ধু সনে
জন্মান্তরে মিলিব সবাই
নব নব বিচিত্র বন্ধনে !

এক মন্ত্র সবাকার,—প্রেম ;
মোহে অন্ধ, বন্দী পরস্পরে ;
কেহ কারে চিনি না,—কি 'তায়
প্রিয়েরে ত পেয়েছি অন্তরে !

৭

ঢাল ঢাল, ওহে শশধর,
শান্তির কিরণ থরে থরে ;
প্রাণে প্রাণে শোকের শ্মশান
ভেসে যাক্ সুধার লহরে !

শুকাইছে নয়নের ধারা,
চিতানল হ'তেছে শীতল ;
আপনার গীতধ্বনি শুনি'
জাগিতেছে বুকে বজ্রবল !

এ পারে আঁধারে রহি যেন
ও পারের দেখেছি নিশানা ;
অকূল অনন্তে সন্তুরিয়া
পেয়েছি বা দুঃখের সীমানা !

সিন্ধুর প্রতি

(পুরীতে সমুদ্র দেখিয়া)

১

গর্জ্জ' গর্জ্জ,' হে জলধি, ওকি ভাষা ?—শুনি দেখি ফিরে ?
শব্দে শব্দে রচি মায়া জাগাইয়া তোল এ বধিরে !
টুলে' আসে বারবার ধরণীর তন্দ্রালস আঁখি,
তাই কি এ হৃৎক্লার, দারে আসি ডাক থাকি থাকি ?
লক্ষ্মে লক্ষ্মে ভীম কম্পে তোমার ও তরঙ্গসংঘাত
ভৈরব ক্রকুটিভঙ্গে ধরাবক্ষে করিছে আঘাত !
—মোহ-নিদ্রা ভাঙ্গি তার অকস্মাৎ ফিরে কোথা যাও ;
অমৃত অঙ্গুলি তুলি অতি দূরে কি তারে দেখাও ?
যেথা ধৃ ধৃ উন্মি শৃধু সারি বাঁধি গিশেছে অম্বরে,
ও বুঝি পারের সেতু, রচিয়াছ দীন মর্ত্যতরে ?

২

বহ বহ,—বহিতেছ যুগ যুগ, হে নিলাম্বুরাশি,
ধোত কর, পূত কর ধরণীরে ধূলি গ্লানি নাশি !
প্রত্যহ প্রভাত-সূর্য্য সঙ্গে ল'য়ে অরুণ সারথী
বহুক তোমার রাজ্যে অমরার মঙ্গল আরতি ;

নক্ষত্রমালিনী নিশি ভালে পরি' চন্দ্রমার টিপ্
জ্বালুক তোমার হর্ষো প্রতিদিন সন্ধ্যার প্রদীপ ;
রজনী গভীর হ'লে দেবাত্মার ভক্তি-অশ্রুজল
একান্তে ধোয়ায়ে দি'ক্ তোমার নিবিড় নীলতল !
অখণ্ড রাজত্বমাকে তুমি একা, হে জঙ্গমবর,
প্রচণ্ড প্রকৃতিসনে বারমাস রঞ্জে কর ঘর !

৩

তিষ্ঠ তিষ্ঠ, হে বারিধি, কি করিতে চাহ বসুধারে ?
নখে দস্তে নিপীড়িয়া উৎপাটিয়া নিবে যেন তারে !
এ নহে বিশ্বাসঘাতী নদীর ভাঙ্গন,—ক্ষুদ্র দ্বেষ !—
—হয় ত, এ দ্বন্দে আছে তব রক্ষ মঙ্গল নিদেশ !
তবু ধরা শাস্তি তার কোন্ অনিশ্চিত মোক্ষ-আশে
তব দস্যুতার পদে বিসর্জন দিবে অনায়াসে ?—
কভু ভাবি,—এ পারের আরাধনা বহিছ ও পারে,
ও পারের আশীর্বাদ আনিতেছ ভাসায়ে এ পারে !
তাই ভাল, আর বেশী কাজ নাই, কে চাহে নির্বাপণ ?
তুমিই কি জান সেই আনন্দের নিগূঢ় সন্ধান !

৪

ঢাল' ঢাল' সুধাধারা, আমি তব ভক্ত মাতোয়ারা,
বসিয়া তোমার কূলে উল্লাসে উচ্ছ্বাসে দিশাহারা,

আরতি

শুধু চেয়ে আছি ; রূপোন্মাদ, শুধু মত্ত আছে পানে,
অলৌকিক বাণী তার পশিতেছে লুক্ক মুক্ক কাণে ;
স্বপ্নে মগ্ন পড়ে আছে পাংশু পাণ্ডু বালুকার স্তূপ,
শুনিতেছে সেই ধ্বনি, হেরিতেছে ভীমকাস্ত্র রূপ ;
লইতেছে পূত পদোদক—স্নেহাশীষে উচ্ছলিত ঢেউ !
দেখি শেষে বেলা যায়, বেলাভূমে নাহি আর কেউ ;
তরঙ্গ-হিন্দোল সনে খেলি দোল-ঝুলনের খেলা,
দেখিতে দেখিতে, ধীরে, জলে জলে তলাইছে বেলা !

৫

শোন শোন, হে মোহন, প্রাণ মোর চাহে না বিদায়,
তবু জানি, যেতে হবে ; কিন্তু আজ সুধাই তোমায় ;—
এ কি স্বপ্ন দেখিলাম, এ কি রত্ন লুটিবু অধীরে,
যার ভারে শ্রান্তি এল ঘনাইয়া আত্মার শরীরে ?
ধবল উষ্ণীষধারী —বল, তব উন্মি-মল্লগণ
কোন্ পুণ্যে অহোরাত্র রঙ্গভূমে করে বিচরণ ?
তাদের কি তৃপ্তি নাই ? শয্যা নাই ও শীতল তলে ?
সুখী তারা ; ধূলার ঢুলাল মোরা কোন্ কৰ্মফলে,
সৌভাগ্যেরে প্রাণ ভ'রে সম্ভোগ করিতে যবে ধাই,
মৃত্যু যদি ছাড়ে, তবু আসে শ্রান্তি, তৃপ্তির বালাই !

৬

হান' হান' ওই তব উন্মি-শৈল অশনিনির্বোধে
মোরে চাহি' ; তোমার অনন্ত নাগ তীর অসন্তোষে
আসুক আমার পানে উন্নত উদ্ধত ফণা তুলি !—
তবে যদি সুপ্ত আত্মা উঠে ত্রস্তে চেতনায় ঢুলি !
জ্বলেছ বাড়বানল যে মহৎ দুঃখে তব বুকে ;
যে ধিকারে হাহাকার অবিশ্রাম হুঙ্কারিছ মুখে ;
সেই হোমাগ্নির কণা দাও জ্বালি আমার গহনে,
বহুদিন মরে' আছি কোণে পড়ি' আলোক বিহনে !
আজি বীজমন্ত্র লভি, হে বিরাট, তোমার নিকটে
জীবন প্রতিষ্ঠা হবে এই ক্ষুদ্র অচেতন ঘটে !

৭

নমোনমঃ, মহাতীর্থ, আর তীর্থ নাহি মোর মনে ;
খোল দ্বার, আসিয়াছে উপবাসী অতিথি ভবনে ;
সুনীল ফেনিলাচ্ছাদ !—সেথা খিন্ন দৃষ্টি নাহি জাগে,
অতুল ভাণ্ডার তব খুলি দাও মর-নেত্র আগে !
কিছুই কি নাই সেথা, স্তব্ধপুরী আঁধারে আঁধার ;
জীয়ন্তে সমাধি আর প্রলয়ের গুপ্ত লীলাগার ?
ওখানে যে রত্ন হাসে, তারো হাসে পরিহাস-জ্বালা ?
বিদ্রপের লক্ষ্য,---তব কবলিত নৃ-কপালমালা !

আরতি

না-ই যদি পাই কিছু তব কাছে নয়নাভিরাম,
শিখিব পদান্তে বসি,—জীবের কি ধ্রুব পরিণাম !

৮

ধন্য ধন্য,—সেই তুমি —পরদুঃখে দুঃখী একদিন,
স্নেহে সর্বদাঙ্গ সহি পাষণের বন্ধন কঠিন
বিরহী শ্রীরামচন্দ্রে প্রিয়া সনে ঘটালে মিলন !
আর একদিন, দন্তে উপেক্ষিল তোমার তর্জ্জন
যদুপুরী !- শেষে যবে সে রাজশ্রী হইল শ্মশান,—
উদ্বেলি উঠিল ক্রুপা, পতিতেরে ক্রোড়ে দিলে স্থান !
রাঘব যাদব আজ বিরাজিত স্বপ্নে আর পটে ;
তুমি সেই, নির্বিকার জেগে আছ মৃত্যুর নিকটে !
বিস্মিত, স্তম্ভিত, ভীত, হেরি রূপ শোভন ভীষণে,
বুঝিতেছি, তব দ্বারে বার্য্য বাঁধা ক্ষমার শাসনে !

৯

ধর ধর, জলনিধি, আমার এ গীতি উপহার ;
মনে হয়, তারি মত মুগ্ধ মত্ত জীবন আমার
নিশে গেছে তোমার অতলে ! করিতেছি অনুভব
যেন তব হিমস্পর্শ ; অভিনব ভীম জলোৎসব !—
অবশেষে, তুলি মোরে তোমারি পরশ-পূত পোতে
দেখাতে কি নিলে,—নাই কোন দিকে কূল তব স্রোতে !

কাছে মোর ছিলে জাগি ল'য়ে ওই খল খল হাসি,
 দিলে নিরাপদ-যাত্রা পথে পথে ভীতিবিঘ্ন নাশি ;
 সে দিন কি ভুলিয়াছি ?- স্বপ্ন সম জাগে তাহা প্রাণে ;
 তাই মোর চোখে অশ্রু, কৃতজ্ঞতা উছলিছে গানে !

১০

বল বল,—কি নির্ভরে তোমার অসংখ্য পরিবার
 আজন্ম পাতালবাসে,—শ্লাঘা মানে ভাগ্য আপনার !
 তুমি ত্রাতা তাহাদের, ঝঞ্ঝা-বজ্র লও শির পাতি ;
 আমরা ত সে স্নেহেরে ভাবি, শুধু অন্ধ মাতামাতি !
 মোরা কোথাকার জীব ? কে জানে সে আদিম আবাস ?
 এ ধরা ত আমাদের দু'দিনের মধুর প্রবাস !
 হয় ত, আশ্রয় বলি', বরি' লব কোন জন্মান্তরে
 তোমারি মতন এক অনাদি-অনন্ত ভয়ঙ্করে !
 ও ভীষ্ম উচ্ছ্বাস তাই স্নেহ সম লাগে যেন মনে,
 সিংহশিশু প্রীত যথা স্বজনের শাণিত লেহনে !

বিপত্নীক ও বিধবা

(বিপত্নীকের উক্তি)

‘লক্ষ্মীছাড়া’ ব’লে যবে আমারে দেখায় সবে,
হেঁটমুখে শুনে’ চলে যাই ;
ভাবিয়া তোমার কথা, অয়ি সতী পতিব্রতা,
আঁখিনীরে শিথান ভিজাই !
বামুন গিয়েছে বাড়ী, উনুনে চড়ে না হাঁড়ী,
ভাঙ্গা-চোরা মোর গৃহস্থালী ;
এলান’ তৈজসপাতি, জ্বলে না সন্ধ্যার বাতি,
বিছানায় পড়ে’ থাকে কালী ;
দুরি’ রোদে দুপহরে খোকাটা পড়েছে জ্বরে,
হেন কেহ নাই, করে সেবা ;
আফিসেতে খেটে-খুটে’ আজ বাড়ী এলে ছুটে’,
কলিকারি সেজে আনে কেবা !

কিন্তু প্রিয়ে, জেনো স্থির,— মোর প্রেম স্নগভীর,
 খাঁটি যেন জাহ্নবীর জল ;
 শুধু এইটুকু ভেদ, মোর বুকভরা খেদ,
 তার মুখে হাসি খল খল !
 হা-হতাশ দীর্ঘশ্বাস,— নাম দিয়ে ‘শোকোচ্ছ্বাস’
 ছাপায়েছি পরিপাটি করি ;
 যত সব মাণ্ড-গণ্য পড়ি’ তাহা, দিলা ধন্য,—
 ‘কবি কিবা লিখেছে, আ মরি !’
 স্মরিয়া তোমার প্রেম, পরায়ে সোণার ফ্রেম
 ছবি তব রাখিয়াছি ঘরে ;
 তারে প্রতিদিন, আহা,— কাজ কি বলিয়া তাহা ?—
 করি যাহা কল্পিত অধরে !

সবে বলে,—শোক-ভোলা রঙ্গালয় আছে খোলা,
 যাও শীঘ্র, নহে, যাবে মারা !
 জন ক’য় বন্ধু মিলে, সত্য সত্য কি না নিলে
 সেথা মোরে টানি !—ধিক্ তারা !

আরতি

রোগী যথা গেলে পথা, শুনিমু, অকথা, কথা :

—দেখিলাম আগাগোড়া, হায় !

তবু নাহি যুড়ে বুক : বন্ধুরে জানানু দুখ :

সে কহিল, ‘শুনে হাসি পায় !’

শেষে, একদিন এসে করিল সে সর্ববনেশে

কাণ্ড এক অতি গুরুতর ;

বলে, — শোকহরা সত্ত্ব লও একটুকু মত্ত্ব !

কহিলাম, আরে, ও কি কর !

মাগী মাসী একত্বরে তলে তলে যুক্তি করে :

শেষে, দেখি স্ত্রী এক ক’নে

ধরিয়াছে একেবারে আমারি চক্ষের ধারে !—

এত ছিল তাহাদের মনে ?

বাজায় চটুলা দাসী শাঁখ ল’য়ে হাসি হাসি,

বেগে তারে করিলাম তাড়া ;

সে আমার মুখ চেয়ে উঠিল না ভয় পেয়ে,

কর্তব্যে রহিল দিব্য খাড়া !

শেষ-ভিক্ষা শুনি তব, বলেছিলাম,—‘নাহি হব
 আর কারো; ক্ষম, প্রাণেশ্বরী!’—
 —সতীবাক্য ঠেলি পাছে ধর্ম ও তোমার কাছে
 ঠেকি, এবে তাই ভেবে মরি!

(বিধবার কথা)

জন্ম জন্ম তুমি মোর স্বামী ;
 চিরদিন দাসী তব আমি ।
 আজ যে এ ছাড়াছাড়ি, যমে প্রেমে কাড়াকাড়ি !
 এমন হয়েছে কতবার ;
 তাই মোর এ বিরহে চক্ষে যত ধারা বহে,
 নাহি তাহে দাহ নিরাশার ।
 এ যদি হইত ভুল, তবে হৃদয়ের কূল
 ধ্বনিত না এমন বিশ্বাসে ;
 তব ছায়া-মূর্তি আনি’ আশা শুনাত না বাণী
 হেন ধীর মধুর আশ্বাসে ।
 জন্ম জন্ম তুমি মোর স্বামী ;
 চিরদিন দাসী তব আমি ।

আরতি

কাণে যে দোলায়ে দিতে ছুল,
খোপায় পরাতে যে যে ফুল,
সেই ছুল তোলা আছে, সেই ফুল ফোটা গাছে,
কে তাদের দেখে আজ চেয়ে ?
তবু তাহাদেরি মাঝে তোমারি যে স্পর্শ রাজে !
—আসে কাছে দ্বার খোলা পেয়ে !
যে দিত গো হামাগুড়ি, সেই খুকু সাজে বুড়ী,
দেখে', কেঁদে ছুটিয়া পালাই ;
তবু তারি মুখে, এ কি ?— তোমারি মূর্তি দেখি !
যুরে'-ফিরে দেখিবারে ধাই—
কাণে যে দোলায়ে দিতে ছুল,
খোপায় পরাতে যে যে ফুল !

বড় ভালবাসি স্নান বেশ,
যত্নে রাখি রুদ্ধ করি কেশ ।
মা বলেন,—‘এ কি, মা গো !’ আমি বলি ‘তুমি, হাঁ গো,
সাজ নি কি যৌবনে যোগিনী ?’
আর মুখে বাক্য নাই,— তবু কি বলিব চাই,
ছলে বলে স্নেহ-পাগলিনী

যোগাইছে মোর তরে সুখ-স্বস্তি থরে থরে ;
 বুঝেও বুঝে না ওরা, হায় ;
 রত্ন চুরি গেছে যার, যত্নে সে কি ভুলে আর ?
 আমি তাই ভুলাই সবায়—
 বড় ভালবাসি ম্লান বেশ ;
 যত্নে রাখি রক্ষ করি' কেশ !

আছ আছ আছ, তুমি নাথ,
 উদ্দেশে তোমারে প্রণিপাত ।
 আছ মোর মনোমাবে মনোমোহনের সাজে,
 তারি কাছে চাহি গো বিদায় !
 সে কি গো বিদায় তবে ? না, না প্রেম ঢাকা রবে
 ক্ষণকাল কর্তব্য-ছায়ায় ;
 গৃহকর্ম ডাকে মোরে ;— সেবা দিয়ে, স্নেহ ক'রে
 মিটে যেন এ জন্মের সাধ ;
 অপরের হাসিমুখ —পুরস্কার এইটুকু,
 চাই, পাই ;—কর আশীর্বাদ ;—
 আছ আছ আছ, তুমি নাথ,
 উদ্দেশে তোমারে প্রণিপাত !

আভীরদম্পতী

কস্ম্যবাস্তু, একদিন জনাকীর্ণ রাজপথে

ছুটিয়াছি, ব্যাকুলিত মন ;

নারী এক সঙ্গে ল'য়ে দেখি, বসে' কুষ্ঠরোগী,

ভীষণ-দর্শন !

স্বণায় কুঞ্চিত নাসা, কহিনু তাহারে রোষে

এ তোমার কোন্ বিবেচনা ?

সারাখানি পথ যুড়ে' বসে আছ তুমি, বাপু,

ডাকিলে নড়' না !

কত লোক চলিতেছে দিনরাত এই পথে,

ছড়াতে চাহ কি তব রোগ ?

আর কেন ?—সেই ভাল, ভুগিছ একাই ভোগ

নিজ কস্মভোগ !

এত বলি, তেজে বেগে কিছু দূর চলে' যেতে,
 কাণে এল রোদনের স্বর ;
 দেখিনু পশ্চাতে চাহি, লুটায় লুটায় ভূমে,
 বক্ষে হানি কর
 কাঁদিলে অভাগা রোগী । লাজে দুঃখে মন্মাহত,
 ফিরিয়া আসিনু কাছে তার ;
 দেখিলাম, নারী তারে ক্রোড়ে লইয়াছে টানি,
 মুছি' অশ্রুধার ।
 যত্নে প্রবোধিয়া দোহে কহিলাম সকাতরে,
 'অকারণে করেছি ভৎসনা,
 তোমাদের কাছে আমি গুরুতর দোষে দোষী,
 কর গো মার্জ্জনা !'
 চকিতে মুছিয়া অশ্রু চাহিয়া রহিল দীন
 ক্ষণকাল মোর মুখপানে,
 কহিল কম্পিত কণ্ঠে- 'ভাগ্য যারে ছেড়ে যায়,
 কে তাহারে টানে !
 শোন বাবু, মোর কথা, - চিরদিন এই ভাবে
 কাটে নাই জীবন আমার ;
 আমারো আছিল গৃহ, কোলাহলমুখরিত
 বৃহৎ সংসার ;

আরতি

গোয়ালে গোধন আর গোলায় সোণার ধান ;
ঘাটে বাঁধা পান্সীখানি ভারি ;
স্বর্ণগাঁয়ে ঘর মোর, কে না জানে মোর নাম ;
আমাদের বাড়ী ?
জাতিতে গোয়াল। আমি, মোর দুগ্ধ, স্নাত, দধি,
খ্যাতি তার ছিল সর্ব ঠাঁই ;
ছিল না এমন ঘট।, হেন পর্ব, নিমন্ত্রণ,
ঘাতে আমি নাই !
দেখিছ যে,—বসি পাশে শীর্ণ দেহে জীর্ণ বাসে,
এ আমার বিবাহিতা নারী ;
এককালে ছিল এও রূপসী গ্রামের মাঝে ;
আজিকে ভিখারী !
বালিকা আছিল যবে, খেলিতাম এর সাথে,
স্বপ্নেও ভাবি নি কভু মনে,—
ভাগ্য মোর বাঁধা আছে এই বালিকার সনে
অচ্ছেদ্য বন্ধনে !
ছিল সে খেলার সার্থী, জীবনসঙ্গিনী হ'ল,
এ সম্বন্ধ লাগিত না ভালো ;
তার পরে কোনদিন সেই মোর হয়েছিল
জীবনের আলো !

আরতি

সকলে বলিত স্তৈশ, সে ধিক্কার স্তুতি সম
পুষ্পবৃষ্টি করিত আমারে ;
দৌহে ঘরকন্না করি, দুঃখ কি তা নাহি জানি
সোণার সংসারে ।
পাড়া-প্রতিবাসী সবে বলিত,—দুর্ভাগা এরা,
নাহি দিলা বিধাতা সন্তান !
মোরা কিন্তু ছিনু তৃপ্ত, দৌহাকার মাঝে ডুবে
মুগ্ধ দুটি প্রাণ !
এমনি আরামে মোহে কাটিছে আলস্তে স্নেহে
আনন্দের মিষ্ট দিন গুলি ;
ছয় ঋতু আসে যায় সৌন্দর্যের নব নব
দৃশ্যপট খুলি' ।
কুসঙ্গ জুটিল শেষে ; ইহকাল পরকাল
বিপথে ভাসায়ে দিনু আমি ;
স্বপথে ফিরাতে মোরে, প্রিয়া মোর যা করেছে,
জানে অন্তর্যামী !
বার্থ হ'ত যত্ন সব ; বাঁক লয়ে তারে রোষে
করিতাম নিষ্ঠুর তাড়না ;
তবু চিরক্ষমাময়ী মৃদু হাসো, মিষ্ট ভাষে
করিত সান্ত্বনা !

আরতি

অবশেষে একদিন, --স্মরণীয় সেই দিন,
বসে আছি আজিনার মাঝে,
ঘুন্স ঘুন্স ঘণ্টা বাজে, ঘরে ফিরে মেঘপাল
নিদাঘের সাঁঝে :
আকাশে একটি তারা মারিতেছে উকি-ঝুঁকি
অন্তগামী দিবার পশ্চাতে ;
ডাকিছে শিবর দল ; প্রিয়া দ্বারে দাঁড়াইয়া
সন্ধ্যা-দীপ হাতে !
-কহিলাম ডাকি তারে, 'কম্প দিয়া এল জ্বর !
বলি', সেথা হারানু চেতনা :
সেই যে পড়িনু রোগে, আর না উঠিনু, তবু
প্রাণ ত গেল না !
বেধে গেল কণ্ঠ তার, শ্বাসিতে লাগিল শুধু,
কাঁদিয়া উঠিল প্রিয়া তার :
রুমালে মুচিয়া আঁখি কহিলাম, 'তার পর ?'
কাহিনী আবার
কহিতে লাগিল যুবা, "কি আর বলিব ? শেষে,
কাল-ব্যাপ্তি ধরিল আমারে ;
ঝঞ্জে গেল যথাসর্ব, নিমেষে পড়িনু ছুটি'
অকল পাথারে !

আরতি

আমার দুর্দশা দেখি, পল্লীজমীদারপুত্র,
পূর্বের মোর ছিল সহচর !
দৃতীমুখে জানাইল একদা প্রিয়ারে চুপে,—
ছেড়ে যেতে ঘর !
সে পাপ-প্রস্তাব শুনি জ্বলিয়া উঠিল সতী,
দৃতীরে করিল অপমান ;
সেই রাত্রে পলাইলু প্রবলের গ্রাস হ'তে
লয়ে প্রাণ মান !
গলিত দুর্গন্ধ দেহ, সকলে ছাড়িয়া গেছে,
আপনা বলিতে কেহ নাই ;
হইলাম দেশান্তরী, পথে পথে ভিক্ষা করি'
উদর পূরাই !
এই নারী, কি বলিব ? চিরদিন ছায়া সম
সুখে দুঃখে আছে সাথে সাথে,
জননীর মত স্নেহে বাঁচায়ে রাখিছে মোরে ;
বহিতেছে মাথে !
করবার মালা দিয়ে বেড়িয়া কবরী যবে
চক্ষে পরি' আসিত কাজল,
তখন ত বুঝি নাই, স্বর্গীয় সৌরভে পূর্ণ
এ স্বর্ণ-কমল !

চাঁদ সওদাগর

চাঁদ । বড় দুফটা সেই কাণী ; কহে কি না মোরে,—
পূজা দাও, পূজা দাও !—এত স্পর্শে তার !—
চাঁদ দিবে পূজা ? ভাবিস্ কি পদ্মা তুই,
চাঁদ ডরে তোর ক্রকুটিরে ? ঢাল্ বিষ,
ডাক্ তোর পাতালের অনুচরদলে,
নিভা তোর হিংসাজ্বালা মোর রক্তধারে !
জয় মা ঈশানী, তব নামে ভরে প্রাণ ;
জগতজননী, অকৃতি সন্তান আমি !

পাশ্বাজ—একতারা :

ও গো, আমি কি তোমারে জানি !
মানসে তোমার সোণার মহল,
হৃদয়ে রাজধানী !
স্থিতি তব খচিত গগনে,
গতি রটিত চল-পবনে,
আমি কান্দাল, তুমি রাণী !

বিশ্ব পাঠায় ভারে ভার হৃদয়-রক্ত উপহার ;

তুমি কোটি সাধকের সাধনা,

তুমি কোটি ভকতের বাসনা,

আমি কান্দাল, তুমি রাণী !

কোথা আমি পড়ি', তুমি কোথায় ;

টেনে লও মোরে চরণের ছায়,

আমি কান্দাল, তুমি রাণী !

(শূন্তে পদ্মার আবির্ভাব)

পদ্মা । চাঁদ, চাঁদ, মিটিয়াছে সাধ ?

চাঁদ । কভু নহে !

পদ্মা । কোথা তব পুত্রগণ ?—বলি তবে, শোন,
রত্নভরা সপ্ত ডিঙ্গা আসিনু ডুবায়
অকূল সাগরে ; তব সাত পুত্র, তারা
ছট্‌ফটি', পলে পলে লভি' নিদারুণ
মজ্জন-যাতনা তলাইল একে একে !
কি আনন্দ, কি আনন্দ আজ ! চাঁদ, চাঁদ,
এখনো দুর্ন্যতি ছাড়্ ; বৎস, বলি তবে,
আমি নহি বাম তোর প্রতি ; কিন্তু তুই—

চাঁদ । রাক্ষসী, পিশাচী, দূর হও, এখনও
ছাড় নি দুরাশা ? যতক্ষণ আছে প্রাণ

আরতি

এই দেহে, জেনো, সাধনার রক্তজবা
 রহিবে অগ্নান ! ডুবুক সহস্র পুত্র
 জন্ম জন্ম ধরি', উপদেবী, তোর পূজা
 বহিব না এই হাতে !

পদ্মা । মৃত্যু, কোথা তোর
ইষ্টদেবী ভবানী মা ? ডাক্‌ তারে আজ,
জবা দিয়ে পা' দুখানি দে তার রাজস্নায়ে !
চাঁদ, আজ তোরো বঝি আনন্দের দিন ।

চাঁদ । শোন, পদ্মা, নহে ইহা পরিহাস-কথা,—
সত্য সত্য আজি মোর আনন্দের দিন :
পুত্র গেছে, পাইয়াছি পুত্রাধিক সেই
রাজ্য পা দুখানি বড় কাছে !

পদ্মা । চলিলাম,
ভেবে দেখো,---নব নব ছুরদৃষ্ট ভোগ,
সেই ভাল ?—না, বারেক এ চরণে রাখি'
দৃপ্ত শির---ভালো, চিরদিন তরে লাভ
মুত-পুত্রগণ সনে বিনষ্ট-সম্পদ ?—
ধিক্ মোরে, চাঁদ যদি নাহি দেয় পূজা !

(অসুদান

(বেগে সনকার প্রবেশ)

সনকা । নাথ, এ কি সত্য কথা ? ভেঙ্গেছে কপাল !

হায়, হায়, বাছারা আমার ! প্রাণাধিক,
জীবনসর্বস্ব, মায়ের নয়নমণি,
হা মাতৃবৎসলগণ, যবে ত্রুর নীর
আক্রমিল আচম্বিতে চারিধার হ'তে,
না জানি তখন কতই ডাকিলে মায়ে,
শূন্যে মুঠি তুলি ভেবেছিলে স্নেহ বুঝি
সিঙ্কুরে ফেলিবে শুষ্ক ! হা অবোধগণ !
—প্রভু, চরণে পতিত দাসী, নিজ হাতে
বধ ক'রে যাও তাঁরে ; নহে, ফিরে দাও,
ফিরে দাও দুঃখিনীর অঞ্চলের ধন !

চাঁদ । প্রিয়ে, ক'র না কাতর মোরে ! কেন ঢাল
শোকের কলুষ-বারি বিশ্বাসের'পরে ?
ভক্তির স্ফুলিঙ্গটুকু চাহ কি নিভাতে !
আমি কি সহি নি কিছু ? পিতা নহি আমি ?
জন্ম আর মনুষ্যত্ব দান করি' সবে
ছিছু না কি আশাপথে দেখিতে সবারে
সিদ্ধকাম, কৃতকার্য্য, সংসারের মাঝে ?
হায় প্রিয়ে, পুত্রশোক তীক্ষ্ণ শেলসম

আরতি

পলে পলে বিঁধিতেছে এই বক্ষোমারো !
পাষাণ ত নহি আমি ! কিন্তু, ভেবে দেখ,
এ সব পরীক্ষা তাঁরি, সেই শুভঙ্করী
ভক্তেরে সঙ্কটে ফেলি' কাঁদেন আপনি !
তবু তারি শুভ লাগি' রাখেন জাগায়ে
বিঘ্নবিপত্তির রাশি !

সনকা ।

ক্ষমা কর, নাথ :

অভয়া থাকুন শিরে !—ক্ষুদ্র নারী আমি,
নাহি বুঝি তর্ক, তত্ত্ব ; কিন্তু, বল মোরে,
এ জীবন যদি গেল কাঁদিতে কাঁদিতে,
কে জানে কোথায় তার হবে পুরস্কার ?
নিশ্চিতেরে ধরা ভাল আঁকড়ি' আবেগে,
যতটুকু দেয় তাতে তৃপ্ত প্রীত হ'য়ে ;—
অনিশ্চিত স্বর্গ থাক্ মাথার উপরে !

চাঁদ ।

বিষহরি, এই শেষে ছিল তোর মনে ?
পুত্র নিলি, ধন-রত্ন হরিলি সকল ;
শুধু ক্ষুদ্র গৃহ মোর ছিল শান্তিময়
প্রেমে পুণো, তাও তোর সহিল না প্রাণে '
হায় প্রিয়ে, এত দূর হয়েছ পতিত ?
এ ত নহে ভুল শুধু ; এ যে অবিশ্বাস,

উঠিয়াছে দুকূল ছাপায়ে, ধরিয়াছে
 স্থূল সম্ভোগের চিত্র কাছে !—তাই, এবে
 পুণ্যেরে রাখিয়া পণ গেছে বুঝি সাধ,
 পাপের দুয়ারে গিয়ে হইতে অতিথি ;
 বাসনার বিশ্বগ্রাসী উদর পূরাতে !
 ধিক্, প্রিয়ে, ধিক্ !

সনকা ।

ক্ষমা কর অধিনীরে !

হায় নাথ, প্রবোধ মানে না যবে মনে,
 শূন্য-নির্ভরের মুঠি খসে পড়ে যায় !—
 মোর মাতৃহিয়া ! শুধু মায়াপুঞ্জীভূত,
 অজ্ঞান, অবোধ একখানি মাতৃহিয়া !
 শুধু ব্যাকুলতাভরা, স্নেহ-তৃষাতুরা
 একখানি মাতৃহিয়া !—ক্ষমা কর তারে !
 স্বামিন্, প্রসন্ন হও, ভিক্ষা আছে পদে,—
 ষোড়শোপচার দিয়ে পূজিব দু'জনে
 শ্রাবণসংক্রান্তি দিনে বিষহরি মায়ে !
 দেখা দিয়ে कहিলেন মাতা মোরে,—
 'সাধু যদি দেয় পূজা, তোর বাছাদের
 ফিরে দিব রত্নভরা সপ্ত ডিঙ্গা সনে !'
 প্রভু, স্বামী, স্নেহময়, আজি করপুটে

আরতি

জননী চাহিছে ভিক্ষা সন্তান তাহার !
প্রভু, ফিরে চাও, কথা কও ; আজি আমি
গৃহে গৃহে যত আছে পুত্রহারা মাতা,
সবার হৃদয় ল'য়ে চাহিতেছি, অতি
তুচ্ছ একবিন্দু রূপা তব !

চাঁদ ।

হায়, প্রিয়ে,

বধির, বধির আমি আজ ! অক্ষমের কাছে
চাহিও না অসম্ভব দান ! ওই শোন,
খল খল অটুহাসি হাসিছেন মাতা,
হেরিছেন সন্তানের মোহ-দুর্বলতা !
ওই দেখ, ধীরে ধীরে দশ হস্তে আঁটি
ধরিলেন প্রহরণ ! দ্রুত ললাটে !
ঘূর্ণিত লোহিত আঁখি ! লুটাও, লুটাও ;
মৃঢ় নারী ! —জয় মা তারিণী, রক্ষা কর !

সনকা ।

বিলাপ প্রলাপ হ'য়ে ফুটিছে বা মুখে ;
তবে আর ভয় নাই, হয়েছে উপায় !
সন্তানেরে কতকাল ভুলে থাকে পিতা ?
পণের পাষাণ-দুর্গ ধূলিসাৎ করি'
স্নেহ মায়া তাই ফিরে তুলিয়াছে শির !
এইবেলা ডেকে আনি প্রতিবেশী সবে ।

বৎসগণ, কোথা যাবি ছেড়ে জননীরে !

(প্রস্থান)

(অন্তরীক্ষে ভগবতীর আবির্ভাব)

ভগবতী। চাঁদ, মুখ তোল, কথা কও ; বৎস মোর,
পেয়েছ কি বড় ক্লেশ ? জাগিয়াছে তাই
অভিমান ? ক্ষমা কর, করিস্ বিশ্বাস,
তোর দুঃখে দুঃখী ছিনু ; কাঁদায়ে কেঁদেছি !
সঙ্কটে ফেলিয়া তোরে—তার ভাগ ল'য়ে
স্নেহায় ভুগেছি দুর্ভাগ্যের অভিশাপ !
আজ জয়ী তুই ! আজ পূর্ণ মনস্কাম !
রে যশস্বী, করিতেছি এই আশীর্ব্বাদ,—
যাবৎ তপন শশী উদবে অম্বরে,
তোর এই কীর্ত্তি-কথা রটবে ভুবনে,
অমর করিবে তোরে যুগ-যুগান্তরে !
বৎস, চেয়ে চাখ্, রত্নভরা সপ্ত ডিঙ্কা
উঠিছে সলিল হ'তে ; পুত্রগণ তোর
আনন্দে বসিয়া সেথা হেরিতেছে ওই,
অকূল সিন্ধুর লীলা !

চাঁদ ।

দেবী, দয়াময়ী,

ভক্তপ্রাণা মা আমার, দাঁড়াও, দাঁড়াও

আরতি

আলো করি অন্ধকার মাঝে ! এই ভালো !-
গৃহে মোর ধুমায়িত অবিশ্বাস !—তাই
স্থূল লীলা প্রকটিয়া উদিয়াছ আজ
জন্মান্বের ফুটাতে নয়ন !—ভ্রান্ত নারী,
কোথা গেলে ? দেখে যাও, শিখে লও এবে
বিশ্বাসের বীজমন্ত্র ; এস এস, প্রিয়ে,
দুইজনে পান করি আনন্দ-সলিল ;
সুদিনের নব উষা দেখিতে দেখিতে,
সৌভাগ্যের আবির্ভাব হৃদয়ে ধরিয়।
সিংহবাহিনীর জয় গাই ঐকতানে !

বাহার—একতাল।

এল কে, আজি রে,
আমার শূন্য মন্দিরে ;
ঝুন্ঝু ঝুন্ঝু ধ্বনি বাজিছে সঘনে
রাঙ্গা চরণের মঞ্জীরে !
চমকে' পরাণ নূতন ছন্দে,
পুলকে' ধূপ অগুরু গন্ধে,
আরতি-শব্দ অতি আনন্দে
বাজে মধুর গম্ভীরে !

আরতি

সাধন-সিদ্ধ-মন্ত্ৰ-করা',
আজি বন্ধনে দিল কি ধরা ?
কোথা রাখি, কোথা ঢাকি,
চঞ্চল সেই বন্দীরে !
এ কি বরাভয় এনেছে সঙ্গে,
মানস-ভৃঙ্গ ধাইছে সঙ্গে,
পার হবে সে যে ভবতরঙ্গে
পদপঙ্কজ চুম্বি' রে !

(ধীরে ভগবতীর অন্তর্দান)

হায় মাতা, দশভূজা, হ'লে অন্তর্হিত !

(সমাপ্ত)

ভীষ্ম

একদা যুগয়া লাগি ফিরিছেন শান্তনু নৃপতি,
বার্থকাম ! হেনকালে যুগ এক বায়ু-গতি,
বাহিরিল ; ছুটিলা পশ্চাতে শূর ; বহুদূর এসে
শরাহত যুগ হ'ল অন্তর্হিত গহনে নিমেষে ।

নিঃসঙ্গ, চাহিলা নৃপ গতপ্রাণ তুরঙ্গম পানে,
ক্লান্ত দেহে, শ্রান্ত ভগ্ন প্রাণে !

গাছে গাছে গুচ্ছে গুচ্ছে ফুটে' আছে বনফুল কত ;
অদূরে যমুনা বহে বিবাসিনী করুণার মত ;
তৃষ্ণার্জ, অঞ্জলি পূরি' করিবেন বারি যবে পান,
'পারে যাবে ?' কোথা হ'তে মুগ্ধ কণ্ঠে আসিল আহ্বান !
হে পিয়াসী, অবগো কি ছিল তব ক্ষুদ্র তৃষাভরে
ওই সুখা-ধ্বনিটার তরে ?

চাহিয়া দেখিলা রাজা,—অপরূপ ষোড়শী রূপসী,
 গলে দোলে গুঞ্জামালা, হাসিতেছে তরী’পরে বসি !
 দেহের সৌরভ তার উছলিছে সমীর-সম্পাতে !
 বিমুগ্ধ কহিলা তারে,—অয়ি বালে, যাব তব সাথে ;
 এত বলি,’ তরী’পরে আরোহিলা পুলকিত মন,
 বেলা ধীরে নামিছে তখন !

জানিলেন পরিচয়ে, আজো তরী নহে পরনারী ;
 বিখ্যাত ধীবরপতি, এই বাল্য তাহারি কুমারী ;
 কহিলেন মোহিনীরে,—‘চল, তব পিতার সদনে,
 অতিথি হইব আজ তোমাদের উদার ভবনে !’
 নীরব প্রগল্ভা বাল্য ;—কি জানে সে, মুক্ত বনচর,
 এ অতিথি হস্তিনা-ঈশ্বর !

চতুর্থীর চাঁদ যবে দেখা দিল প্রদোষ আকাশে,
 ভিড়িল অস্থির তরী স্তব্ধ এক আশ্রমের পাশে ;
 তরুণী উঠিল ত্রস্তে, কহিল সে অতি মৃদু রবে,—
 ‘পিতা রয়েছেন গৃহে, হেথা তাঁরে ডেকে আনি তবে’ ;
 এত বলি,—উন্মাদিনী সৌদামিনী মেঘে যথা মেশে,
 মিশাইল আঁধারে নিমেঘে !

আরতি

—অতিথি ?—গর্জিল দাস, উদ্দেশে পাড়িল লক্ষ গালি,
কণ্ঠারে ভৎসিল কত !—অনিচ্ছায় বর্তিকাটি জ্বালি',
বকিতে বকিতে শেষে উত্তরিল মন্থর গমনে
যেথায় কৌরব বসি তরী'পরে চিন্তাকুল মনে !
সভয়ে চিনিল দাস, ছদ্মবেশী হস্তিনা-ঈশ্বরে ;
দাঁড়াইল ত্রস্তে যোড়করে !

আরন্তিল সসম্মমে,—‘ক্ষুদ্র প্রতি যদি এত প্রীতি,
দয়া করি মোর দ্বারে এলে যদি, হে রাজ-অতিথি,
দিয়ে তব পদধূলি দীন-গৃহ ধন্য কর আজ !’
—চলিলা ভূপাল মোনে ; দেখিলেন পশি' কক্ষগারো, —
দীপ জ্বালা ; সুখাসন, স্নিগ্ধ বারি রাখা যত্নভরে
অজানিত অতিথির তরে !

বিবিধ বিশ্রান্তালাপে রাত্রি যবে হ'ল স্তম্ভীর,
উঠিলা ধীবরপতি আক্সা ল'য়ে রাজ-অতিথির ।
সে নিশি শান্তনু শুধু যাপিলেন স্বপ্নাবিষ্ট হ'য়ে
একখানি মধুমুখ, মিষ্টবাণী, সুধাগন্ধ ল'য়ে !
—শিহরিলা স্মরি',—যেন আরো কেহ, বলদিন গত,
ভেসেছিল প্রাণে এই মত !

পৌরব প্রত্যাষে উঠি দাসরাজে তুষি' শিফটাচারে
 कहিলেন সসঙ্কোচে,—‘ভিক্ষা এক আছে তব দ্বারে ;
 পরিণয়যোগ্যা কন্যা আছে তব গৃহ আলো করি !
 যদি মোরে কর দান,— করি তারে হস্তিনা-ঈশ্বরী ।’
 চুহিতা-বৎসল পিতা নাড়িতে লাগিল ঘন শির,
 আঁখিপ্ৰান্তে দেখা দিল নীর !

লোভ শেষে হ’ল জয়ী !— কহে প্রৌঢ় ধীরে মুছি আঁখি
 ঈষৎ ক্রভঙ্গি করি’ রেখাঙ্কিত ভালে কর রাখি,—
 ‘বিষম সমস্যা !—প্রাণোপম কন্যা তোমা করিব অর্পণ,—
 যদি কর ত্তাজীকার,—পুত্রে তার দিবে সিংহাসন !’
 চমকি ‘চাহিলা ভূপ ;— বংশীধ্বনি শুনি’ ব্যাধ পানে
 ফণী যথা চাহে একধ্যানে !

একখানি দেবমূর্তি দেখা দিল মানস-দর্পণে,—
 প্রাণাধিক দেবব্রত !— মাতৃহীন !—সহস্র আননে
 কি মহিমা, কি প্রতিভা ! পিতৃভক্ত, পরহিতে রত,
 শৌর্য্যে সিংহ, ক্ষমাময়, স্ত্রী, সাধু, বিনয়ে বিনত !
 ধিকারিলা আপনারে,— হেন পুত্রে অবহেলি, হায়,
 অর্ঘ্য দিব লালসার পায় ?

আরতি

কহিলা,—‘ধীবরপতি, তব পণ কঠিন, নিশ্চয়ম ;
বিদায়, স্বরাজ্যে যাই !—সমাগত সঙ্গীগণ মম !’

—তার পরে, যথাকালে উত্তরিল। আপন প্রাসাদে !
কেহ নাহি জানে, কেন সে অবধি বিরলে বিষাদে
কাটান দিবসনিশি ; রাজকার্য্যে নাহি দেন মন !—
রাজদুঃখে দুঃখী পৌরজন !

বিশ্বস্ত সচিবমুখে দেবব্রত শুনিল। যখন
শোকাকুল জনকের বিষাদের নিগূঢ় কারণ,
উদ্দেশে পিতার পদে বার বার করি’ নমস্কার,
কহিলেন,—‘পিতা, তুমি পালিয়াছ কর্তব্য তোমার ;
পুত্র তব, কাজ তার যদি আজ না করে সাধন,
বৃথা তবে ধরে সে জীবন !

তখন পূর্ণিমা-শশী ঢলিয়াছে পশ্চিম গগনে ;
নিঃশব্দে তাজিলা পুরী রাজপুত্র দ্রুতগ স্রন্দনে ;
‘বসন্তের উষা’—পাখী জানাইল কিছু দূরে যেতে !—
দেখা দিল পথে পথে স্রগ শত্রু, হাসিতেছে ক্ষেতে ;
বিকশিছে চূত-কলি ; মাধবী নাচিছে সঙ্গীরণে !—
ধায় রণ আকুল গমনে ।

উত্তরিলে শেষে, ---যেথা আনমনে দাসরাজসুতা
 অঙ্গনে গাঁথিছে বসি মালা, ---এ লোকললামভূতা,
 ---বাথানিলা সৌম্য নিজ মনে, ---ত্রিলোকমোহিনী বটে !
 রথ হ'তে অবতরি' দাসরাজে হেরি' সন্মিকটে,
 দাঁড়াইলা দৌহাকারে যথাযোগ্য করি' সম্ভাষণ,
 মূর্ত্তিমান্ স্কন্ধের মতন !

স্নাগত-কুশল-প্রশ্ন সারি', ক্ষণেক বিশ্রাম লভি',
 নিভৃতে লইয়া দাসে কহিলেন কুরুবংশরবি, ---
 'ক্ষুদ্র ভিক্ষার্থীর মত, আসি নাই আজি তব পাশে ;
 সুধাইতে আসিয়াছি, ---উপেক্ষা করিছ কি দুরাশে,
 আপনি হস্তিনাপতি যে মহিমা তব কণ্ঠ্য'পরে
 সমর্পিতে চাহেন সাদরে !'

উত্তর করিল চক্ৰী, ---'তব যোগ্য সে কণ্ঠ্য, ধীমান্ ,
 জরায় যৌবনে কভু নাহি মিলে, বিধির বিধান !
 ওহে ভাবী নরপতি, কাহারে বলিছ রাজ্যেশ্বর ?
 সেই বৃদ্ধে ? ---তঁার পরমায়ু যতদিন ! ---তার পর ?---
 কহ, মোর কণ্ঠ্যগর্ভে যদি ভাগ্যে জনমে কুমার,
 সে রাজ্যে তার কি অধিকার ?'

আরতি

কুমার কহিলা হাসি, —‘চিন্তা নাই, শাস্ত কর মন !
শুন তবে, — আজি হ’তে ত্যাজ্য মোর, পিতৃসিংহাসন ;
সমাগরা-ধরাপতি হবে সেই দৌহিত্র তোমার ;—
ক্ষত্র আমি, তব কাছে করিতেছি এই অঙ্গীকার !’
বিস্মিত স্তম্ভিত দাস, কর্ণ যেন হয়েছে বধির ;
নাড়িতে লাগিল শুধু শির !

আপনা সম্বরি’ শেষে সুধাইল শঙ্কাকুল মনে, ---
‘যদি তব পুত্র করে রাজ্য লাগি দ্বন্দ্ব অকারণে ?’
বুঝিয়া কহিলা বীর, —‘ভয় নাই, করি অঙ্গীকার,
দার পরিগ্রহ কভু করিব না জীবনে আমার’ ।
এবার গলিল ক্রুর, —কম্পকণ্ঠে কহে সকাতরে, ---
‘মহাত্মন, ক্ষম এ পামরে !’

দাসরাজে প্রবোধিয়া, কণ্ঠ্যারত্নে তুলি’ নিজ রণে,
কহিলা কুমার সূত্রে, —চল দ্রুত হস্তিনার পথে ।
—নাই জ্ঞান ! করেছেন, হেন ভীষ্ম-আত্মবলিদান !
উন্নত অটল সে যে অভ্রভেদী অচল সমান
বৃহৎ মহৎ প্রাণ, —পিতার আনন্দ-মূর্ত্তি স্মরি’
ক্ষণে ক্ষণে উঠিছে শিহরি !

অচিরে থামিল রথ হস্তিনার প্রাসাদ-তোরণে !
 — যবে পুত্র নিবেদিল শুভ বার্তা পিতার চরণে,
 শাস্ত্রনু কহিলা শুধু, নতজানু হ'য়ে অকস্মাৎ,
 ‘নেত্রে বহে দরধারা শূন্যে তুলি’ বিকম্পিত হাত,-
 তাত, চন্দ্রবংশচূড়া, কি করিলি ? ডুবালি পিতারে
 জন্ম জন্ম পুত্র-ঋণভারে !’

রাণীর রণযাত্রা

কহিলা রাজ্ঞী দাঁড়ায়ে দুর্গে, —‘ঝান্সী দিব না ছাড়ি !’

—শতে শতে সেনা ঘিরিয়া দাঁড়াল মাজি,

গ্রীবা বাঁকাইয়া দাঁড়াইল রণ-বাজী,

ভল্লধারীরা অঁটিয়া ধরিল ভালা,

বাজিল ডঙ্কা কর্ণে লাগায়ে তালা,

শত শত অঁখি উঠিল রাজ্জায়ে রোষে,

শত শত অসি কাঁপিতে লাগিল কোষে !

ক্ষেপায়ে চেতায়ে মাতায়ে তুলিল এ কাহার বরনারী !

—প্রাণে প্রাণে প্রাণে প্রতিধ্বনিত,— ঝান্সী দিব না ছাড়ি !

‘ঝান্সী দিব না ছাড়ি, এ সোণার ঝান্সী দিব না ছাড়ি !

উঠ, জাগ, ছাখ, বজ্র পড়েছে ঘরে ;

ঘাও, যুঝ’, মর’, প্রাণ দিতে কেবা ডরে ?

অরিদল দ্বারে দাঁড়ায়ে অনল জ্বালি ;

শ্মশান করিতে ঝান্সী চাহিছে ডালি,

ধরম-করম দিবে সব রসাতল,

ধন-মান নিবে বিচারের করি ছল ;

লুঠিবে, ভাঙ্গিবে, নাশিবে, শাসিবে, স্বাধীনতা নিবে কাড়ি ?’

—রোষে, আক্রোশে গর্জ্জিল সব,—ঝান্সী দিব না ছাড়ি !

আবার আবার উঠে সে ধ্বনি, ‘ঝান্সী দিব না ছাড়ি !—

এ উদার ভূমি দেয় নি মোদের প্রাণ ?

আপনার হাতে বাঁটে নাই ধন-মান ?

শুভবিধায়িনী, বিঘ্ননাশিনী আজ

সন্তান-পাশে চান অস্তিম কাজ !

আজ তাঁর বুকে অরি করে পদাঘাত,—

দেখিবি সে সব, নতজানু, জোড়হাত ?

কে সে কাপুরুষ,— চাহে না মুছাতে মায়ের নয়নবারি ?’

—অব্র ভেদিয়া উঠিল আরাব,—ঝান্সী দিব না ছাড়ি’ !

আরতি

তুরীতে মিশিয়া ছড়াল সে রব,—‘ঝান্সী দিব না ছাড়ি !

শত শত গৃহ, ঠাখ্ চেয়ে, চারুখার,—

শোন্ শোন্ ওই অনাথার হাহাকার ;

—পিশাচের মত জয়ের গরব নিয়ে

নাচিছে কা’রা নির্দোষীর লহু পিয়ে !

—স্বজন-শোণিতে, আয় সবে, করি স্নান ;

প্রাণের বদলে চাই—চাই মোরা প্রাণ !

পঙ্গুর মত রহিবে কে শুধু ভাগোরে ধিক্কারি’ ?

—সিংহনিলাদে কাঁপিল দুর্গ,—ঝান্সী দিব না ছাড়ি !

প্রভাতপবনে রটিতে লাগিল,—‘ঝান্সী দিব না ছাড়ি

যদি চাস্,—যা দন্তে তৃণ ল’য়ে তবে,

আয় পর-পদে অসি ভেঙ্গে রেখে সবে !

হেঁট মুখে শেষে ফিরিবি যখন ঘরে,

অবলা, তারাও স্বণায় রবে না স’রে ?

বালকেরা গায়ে ধূলি ছিঁটাবে না কুমি’ ?

গাহিবে না ভাট আজিকারে সদা দুমি’ ?

—তবু যদি চাস্ ?—রণতরঙ্গ কাজ নাই দিয়ে পাড়ি !’

জীমূতমন্দ্রে এল উত্তর,—ঝান্সী দিব না ছাড়ি !

এই ত শিক্ষা পরম, চরম,—‘বাল্মী দিব না ছাড়ি !

খেলা নহে আজ, জানিও, বন্ধুগণ,

নিয়তির ঢাকা ঘুরাবে আজের রণ !

মৃত বন্ধুরা, কুতূহলী চরাচর

অলক্ষ্যে রহি’ হেরিবেন এ সমর !

হেরিবেন মাতা,—যাঁর সবি যায়, আহা !

—দৃঢ়তর কর পণ মন স্মরি’ তাহা ।’

—যথা ঘোর ঘোষে গরজে সাগর জোয়ারে সহসা বাড়ি’,

ডাকিয়া উঠিল মত্ত কটক,—বাল্মী দিব না ছাড়ি !

—নাচিছে নিশান ; বাজিছে বিমাণ ;—বাল্মী দিব না ছাড়ি !

—সবাকার মুখে শৌর্য্য ধৈর্য্য মাথা,

সকলের ভালে দৃঢ়-প্রতিজ্ঞা আঁকা ।

খুলিয়া দুয়ার বাহিরিল বীরগণ,

অধীর, আকুল সাধিতে ভীষণ পণ !

‘রাণীজীর জয়,’—ফুকারিল চমূচয় ;

কহিলা রাজ্ঞী,—‘জননীর ঘোষ’ জয় !’

—অমনি নিমেষে উঠিল মুখরি’ ক্ষুদ্র সেনার সারি,—

জয় জয় জয় জন্মভূমির !—বাল্মী দিব না ছাড়ি !

আরতি

‘ঝান্সী দিব না ছাড়ি ; আরে মোর ঝান্সী দিব না ছাড়ি !’

—রণরঙ্গিণী কে ওই রে ভীমা-বেশে ?

রণতুরঙ্গ বহি’ তারে ঘন ত্রেষে !

বর্ম্ম আঁটিয়া, চর্ম্মটি হাতে ল’য়ে

কি উৎসাহে সে ধায় ছাড়ি’ লাজ-ভয়ে ?

দুলিছে পিধান, জ্বলিছে কৃপাণ করে ;

ঝলিছে অনল সজল নয়ন’পরে !

পলকে পলকে, পুলকে, কুহকে উঠিতেছে হুঙ্কারি,—

‘ঝান্সী দিব না ছাড়ি,—আরে মোর ঝান্সী দিব না ছাড়ি !’

সম্মুখে অরি !—মুখে সে প্রলাপ,—ঝান্সী দিব না ছাড়ি !—

পতঙ্গ যথা কাঁপে রে অনলমুখে,

কুরঙ্গ যথা ধায় ব্যাধপানে স্রুখে,—

মরিতে চলিল ঝান্সীর ভগ্ন-বল !

—জীবন রাখিয়া, পরিবে কে শৃঙ্খল ?

কি ভয় ?—এ রণে সেনানী আপনি রাণী ;

কি বীর-মুরতি, কি ধীর-গভীর বাণী !—

ক্ষ্যাপায়ে চেতায়ে মাতায়ে চলিল আগে আগে বীরনারী ;

মরণোৎসাহে হাঁকিল সকলে,—ঝান্সী দিব না ছাড়ি !

বাঞ্ছিতা ও লাঞ্ছিতা

জন্মভূমি অয়ি,
তোর নামে চোখে আসে জল ;
হে আনন্দময়ী,
তোর বুকে আজি চিতানল !

অতীত-মহিমা,
তোর কথা স্বপন এখন ;
শ্রীহীন-প্রতিমা,
হয়ে গেছে তোর বিসর্জন !

ঐক্যে-বিরাজিতা,
তোর পুত্রদের সখ্য ভাণ ;
হে কাব্যকুজিতা,—
আজ কুঞ্জে গানো লাজে ম্লান !

আরতি

বেদের বন্দিতা,
আজ তোরে বক্তা করে স্তব ;
সাধন-নন্দিতা,
স্বার্থ—আজ তোর সামরব !

গীতার জননী,
আছ শূন্য ধর্মধ্বজা তুলি' ;
সভ্যতার খনি,
পর-চাকটিকো গেছ ভুলি' !

গুণীর লক্ষিতা,
বণিকের লক্ষ্য এবে তুমি ;
হিমাদ্রিরক্ষিতা,
ধন্য মান' পদধূলি চুমি' !

সাগরবসনা,
আজ তোর নাহি ঘুচে লাজ ;
বিশ্বের বাসনা,
ভোগের পুত্তলী তুমি আজ !

করুণাভূষিতা,
 তোর গোলা দেশে দেশে লুটে ;
 সেবা-নিঃশেষিতা,
 আজ তোরি অন্ন নাহি যুটে !

দানপুণ্যব্রতা,
 রক্ত-মাংস বেঁচিস্ আপন ;
 হে দাসত্বরতা,
 বিকাইছ বিবেকো এখন !

বিদ্যার তরণী,
 —পল্লবগ্রাহিতা,—বিদ্যা আজ ;
 জ্ঞানের অরণী,
 —জ্ঞান আজ ‘মুখস্থে’ বিরাজ !

কলাগরবিনী,
 চতুঃষষ্ঠি কলা যার ঘরে ;
 হে অনুকারিণী,
 তারি শিল্পী আজ ভিক্ষা করে !

আরতি

শান্তিসমাহিতা,
আজ বাঁট' উকিলে জীবিকা ;
স্বাস্থ্যবলয়িতা,
আজ লক্ষ বৈद्यের পালিকা !

আশ্রিতবৎসলা,
আশীর্ব্বাদে নাই তোর বল ;
সজলা-সফলা,
দক্ষ মাঠ কাঁদে,—কোথা জল !

রত্নপ্রসবিনী,
অন্ধে খণ্ডে ভরিতেছ দেশ ;
স্নেহপাগলিনী,
আদরে করিছ সবে শেষ !

হে কবিমোহিনী,
তোরে ছাড়ি,—হেন সাধা নাই ;
কিন্তু অভাগিনী,
স্তুতি তোর খুঁজে' নাই পাই !

উপস্থান-গীতি

2

জাগ জাগ, রে বর্বর,
আপনাতে করি' ভর !

প্রকৃত যে জাগে, সে কি কভু মাগে
পরের নির্ভর-কর ?

পরি' চারুভূষা ডাকে কারে উষা,
সুকৃতি-শিখরোপর ?--

আয় হেথা উঠে' ;— দলে দলে যুটে'
এল ছুটে' চরাচর !—

রে পতিত জাতি, শোন্ কাণ পাতি'
নব প্রভাতীর স্বর !

রে অধম, দীন, মূঢ়, পরাধীন,
আপনাতে কর ভর ।

আরতি

২

উঠ উঠ ফুল প্রাতে,
মিলন-পতাকা হাতে !
স্বার্থের পসরা, পরার্থের ভরা,
পাশাপাশি লহ মাথে ;
ধর্মের বিশ্বাস— কর্মের উচ্ছ্বাস
চালা'ক সত্যের খাতে ;
ক্ষমা সনে শক্তি, জ্ঞান সনে ভক্তি,
বাঁধা থাক একসাথে !
হবে যদি বড়,— নিয়তির গড়'
পৌরুষের অনুপাতে ;
তবে স্ননিশ্চয় লেখা হবে, 'জয়'
নব শতাব্দীর পাতে ।

৩

ও রে অকস্মার দল,
এত বড় জনবল !
—কর কোণে ব'সে অপার সম্ভ্রামে
দলাদলি কোলাহল ?
হিয়া বীতস্পৃহ, স্বভাব নিরীহ,
ও রে ভাবুকের দল !

নাহি রহ গোলে ;— খেয়ালে বিভোলে

টিপিছ মুক্তির কল !—

গণনার ফলে, কল্পনার বলে

মাপিতেছ ভাগ্যফল,

আপনার কাছে তাই গুপ্ত আছে

আপনার বাহুবল !

৪

যুগ-যুগান্তের গ্লানি

যে জাতির মর্মে হানি'

জগতমাঝারে ধরেছে তাহারে

• অথর্বের বেশে আনি',

—বহুকাল হ'তে সে মন্ত্রর স্রোতে

বাহিলে ত তরীখানি !

আজো, এই যুগে ঠেকে' শিখে' ভুগে'

নিবে তাই শ্রেয় মানি' ?

করিবে না আর গতির বিস্তার,

স্থিতিতে নিপাত জানি' ?

ভাসাবে না রঙ্গে তরঙ্গী তরঙ্গে

উন্নতির পাল টানি' ?

আরতি

৫

তোমাদের দেশাচার,
দেশযোড়া অঙ্গকার !
—ভীষণ কবলে পিষিছে দুর্বলে
চাপায়ে পাষণ-ভার !
বিধাতার বলে পেয়েছে সকলে
সৌভ্রাতের অধিকার ;
উত্তম অধম,— এ গড়া-নিয়ম,
তোমাদেরি অবিচার !
ভা'য়ে ভা'য়ে তাই সাম্য মৈত্র নাই :—
মিছে ভাণ—দেশোদ্ধার !
—তাই সুখে দুখে জাতিত্বের বৃকে
বাজে না ঐক্যের তার ।

৬

আপনারে, রে সমাজ,
সংশোধন কর্ আজ ;
শিরে নিরঞ্জন ; প্রজ্ঞার কিরণ
জ্বালায়ে হৃদয়-মাঝ ।
মা'র পদধূলি কে লইবে তুলি' :
কে করিবে তাঁর কাজ ?

নবযুগ সনে প্রীতিফুল্ল মনে
 কে পরাবে তাঁরে সাজ ?
 পরদ্বারে যাও, মাথাটি লুটাও,
 জননীর লাগে লাজ !
 নবযুগ সনে প্রীতিফুল্ল মনে
 পর আপনার সাজ ।

৭

পর-প্রসাধনে আশ ?—
 সেধে পরা নাগপাশ !
 সিন্ধুনীরে ভেসে এসেছে রে দেশে
 • স্তম্ভুর সর্বনাশ !
 কঙ্কালের গায়ে দিয়েছে চাপায়ে
 শোভন ভূষণ-বাস !
 সেই ছিল ভালো,— অনাবৃত কালো,
 ভালো লেখা ছিল,—‘দাস’ ;
 —কদলীর পাতে শাক অন্ন সাথে,
 ক্ষুধার মিটিত আশ ;
 হেরি’ তালপত্র আজিকার ছত্র
 করিত না পরিহাস !

আরতি

আগুন লেগেছে ঘরে
উৎসবের দীপে, ও রে !
নিবাও রে বাতি, এ নিলজ্জ রাতি
উষালোকে থাক্ মরে' !
কোন্ মুখে হাস', সুখে ভালবাস'
কেমনে পরাণ ভরে' ;
ছুড়ি' ফুলরাশি আনন্দের বাঁশী
বাজাও রে অকাতরে :
কি সুখ-শয়নে ভবনে ভবনে
মগ্ন আছ স্বপ্নভরে ?
দেখিছ না চেয়ে, আবর্জনা বেয়ে
আগুন লেগেছে ঘরে !

৯

ছাড় ছাড় বীরপনা,—
কল্লনার আরোপনা !
হাসি পায় দেখে,' বঙ্গবীর লেখে
রাশি রাশি উদ্দীপনা !
এশ্মে-চশ্মে সাজ্, অসি ভল্ল ভাঁজ্ !—
কাজ কি এ আলোচনা ?

আরতি

বিপ্লব বিদ্রোহ পৈশাচিক মোহ,
সভ্যতার বিড়ম্বনা !
শান্তির ছায়ায়, মঙ্গলের পায়
ঢেলে দাও আরাধনা ;
দানে হও বীর, জ্ঞানে স্মৃগভীর,
ধ্যানে ধীর, স্থিরমনা !

১০

কি হবে জানায়ে ব্যথা
অসময়ে যথা তথা ?
চুপে চুপে সহ, চুপে চুপে বহ
• দুর্গতির দুর্ভরতা ;
চুপে খেটে যাও, মাথা পাতি' নাও
সিদ্ধি সনে নিষ্ফলতা !
বৃথা ঘ'ষে মেজে' ঘোষ' তীব্র তেজে
প্রাণভরা ব্যাকুলতা ;
আপনার ভারে চলিতে না পারে
সে পঙ্গু কলঙ্ক-কথা :
স্বপ্নীত বক্ষপুটে পেচক কি উঠে,
উধাও চকোর যথা ?

আরতি

১১

তবু চাই, ভাষা চাই ;
আশাধ্বনি যাহে পাই !
যে জাতির নাড়ী যায়-যায় ছাড়ি,—
তার উদ্দীপনা চাই !
—শুনিয়া যে গীতি, ভুলি' বাধা ভীতি
তরঙ্গ-তুফানে ধাই ;
গাও তাই, কবি, শিল্পী, গড়' ছবি,
কস্মী, ক'রে তোল তাই ;
ভালো করে জ্বালো' ঘরে ঘরে আলো
ঝাড়ি' অজ্ঞানের ছাই !
লক্ষ ছেলে মিলে মা'রে সাজাইলে,
কিসের ভাবনা, তাই ?

১২

এই কি সে পুণ্য-দেশ ?
চিহ্ন তার নাহি লেশ !
সে ঐশ্বর্য-ছটা, শৌর্য-বীর্ঘ্য-ঘটা
হয়ে গেছে নিরুদ্দেশ ;
জ্ঞানের গরিমা, ধ্যানের মহিমা
কিছু নাই অবশেষ ?

যেন হারি' পণে বীর্য্য গেছে বনে
 ধরি' ভিখারীর বেশ ;
 বিলাস এখন করেছে ধারণ
 বৃদ্ধের পলিত কেশ !
 পড়িয়া শ্মশানে অতীতের ধ্যানে
 স্মৃতি শুধু অনিমেঘ !

১৩

এ যদি কালের ধারা,—
 জল-বুদ্বুদের পারা,
 উদয়ে বিলয়, আবার উদয় ;
 • কি ভয়, রে গতিহারা ?
 —কিন্তু, জাতি কত হায়, হ'ল গত,
 দীপ্ত ধূমকেতু পারা !
 কাল-বিবর্তনে কীর্ত্তির গগনে
 আর কি জ্বলিল তা'রা ?
 মরণের পরে নাহি কিরে ঝরে
 নূতন জীবনধারা,—
 স্বর্ণকাঠি লেগে উঠে যাহে জেগে
 দীর্ঘ দিন মৃত যারা ?

আরতি

১৪

এবার আঁকড়ি' ধর,
কোটি হস্তে একত্বর
নির্ভরের মূল, রে সংশয়াকুল,
বিশ্বাসে করিয়া ভর !
প্রকৃত যে জাগে, সে কি কভু মাগে
পরের কৃপালু কর ?
স্বলন পতন না করি' গণন
কীর্তির চূড়ায় চড়্ !
সাফলো না গলি', আবলো না টলি',
হও ধীরে অগ্রসর ;
শিরে নিরঞ্জন ; করুণা-কিরণ
পড়েছে পথের'পর !

সমালোচনার সমালোচন

১

মহাকাব্য লিখতে বলে সমালোচক ;

শুধু কাব্য হয় না তাঁদের মুখরোচক !

প্রাণের খঁটটি হর্ষ, বাথা, প্রেমের লীলা, পুণ্য-কথা,

—এ সব কি আর মহাকাব্যের অনুবাচক ?

মহাকাব্য লিখতে বলে সমালোচক !

লিখতে হবে অলঙ্কারের সূত্র ধরি' ;—

নায়কবর্গ ঘুরবে স্বর্গ পাতাল'পরি !

নব রসের তুফান তুলে' ছন্দ-সাগর উঠবে ছুলে' ;

‘মহা’ নামের অহংটুকু জাহির করি' ;

লিখতে হবে অলঙ্কারের সূত্র ধরি' !

আরতি

ফাঁদতে হবে সরল কথা বক্র ক'রে ;

গাঁথতে হবে রাজ্যের কথা একত্তরে !

গল্প নিতে হবেই টেনে ভাবের পক্ষে, ভাষার ফেনে

সর্গ ক'টা দিতেই হবে ভস্মে ভ'রে

পাত্র-পাত্রীর গোষ্ঠী-গোত্রের শ্রাদ্ধ ক'রে !

থাকবে তাতে হিড়িম্বা কি দুঃশাসন !—

—অসিহারা মসীজীবীর অনুশাসন !

—মলয় পবন হবে তথা কেবল একটা কথার কথা,

ধূলায় লুটবে যতেক ইন্দু-নিভানন ;

ফুটবে তাতে হিড়িম্বা কি দুঃশাসন !

তবেই হ'ত দেশের উদ্ধার কাব্য লিখে',

সবাই হ'ত ধনুর্ধর বা শোলক শিখে' !

কই সে তেজের আনাগোণা ? দুন্দুভি-বোল্‌ যায় না শোনা ;

গলা সাধে এখন কেবল ক'টি পিকে !

—নর-নারী হয় না বীর তাই শোলক শিখে' !

আগের কবি সেরেছেন ও বাজে লিখা !
 পরের কবি, থামো ; নিবাও তোমার শিখা !
 জাগার মধ্যে জাগৃক্ এখন সমালোচক, সমালোচন ;
 চলুক্ কেবল বিষম ভাষ্য, ভীষণ টীকা !
 আগের কবি সেরেই যখন গেছেন লিখা !

৩

কিন্তু, বন্ধু, তুমি যে তা জান বেশ,—
 ভাবের খেলায় নাইক কোথাও বিরাম, শেষ ।
 —তাই ত বাকীর পূরণ লাগি নূতন জীবন উঠে জাগি ;
 কন্ম—যেন অমানিশার নভোদেশ ;
 হাজার তারা উঠলে—তবুও নহে শেষ ।

কেন সেধে করুছ সত্যের অপলাপ ?
 মন্দদিকেই রাখুছ কেন নজর সাফ ?
 অশুদ্ধিটাও দেখো, চেনো,— নইলে, বোঝা-ই বইবে, জেনো ;
 রত্ন কভু মান্বে না ও ছাইয়ের চাপ ;
 তোমায় গিয়েই লাগবে তোমার অভিশাপ !

আরতি

৪

হায় রে বঙ্গ, অনেক রঙ্গ তোমার দেখি,—
উথলে উঠলো হঠাৎ হুজুগ্ আবার এ কি ?
তাই কি কয়েক সমজ্‌দারে কলম চালায় বাণীর দ্বারে ?
তোমার স্নেহে চলে গেছে অনেক মেকি,
মহাকাবোর হঠাৎ হুজুগ্ তাই ত দেখি !

আমাদের কি পোষায় ও সব সখের ভাণ ?
রণের চেয়ে ভাল মনের অভিযান ।
বৈচিত্র্যহীন জীবনভার, ভিক্ষার ঝুলি স্কন্ধে সার ;
সে জাতির কি লড়াইর নামে নাচে প্রাণ ?
রণের চেয়ে ভাল মনের অভিযান ।

৫

রাগ করো না, বলি তোমায়, সমালোচক,
স্পষ্ট কথা হয় না প্রায়ই মুখরোচক !
ঠাঁক্ছ,—একটা লেখ বড় !— পড়ার বেলাই কেবল সর' ;
—এটা কি, ভাই, ভদ্রনৈতির অনুমোদক ?
রাগ করো না, সুধাই তোমায়, সমালোচক !

হোক না ছোট,—কথায় যদি থাকে ওজন,
 মনের গোড়ায় করে সে যে শিকড় স্থাপন !
 গাদা গাদা লেখা ঘেটে' ভাবের জমাট যায় যে কেটে',
 তখন কিন্তু, তুমিই ভোল তোমার শাসন ;
 ছোটরে দাও ডেকে গোপন হৃদয়াসন ।

একটী আস্ত স্বাধীন ভাবের কি সন্ধান !
 প্রাণের মাঝে বিদ্ধ হয় তা বাণের সমান ।
 তবু বল্বে মাথা খুঁড়ে', ভাবগুলি সব দাও ত যুড়ে !
 —লেজুড় হয় ত হবে তাতে পাহাড় সমান ;
 কিন্তু, তা যে পরাণবিহীন নিরেট পাষণ !

এ যুগে, ভাই, অবাস্তবের নাই আদর ;
 ক্ষুদ্র প্রাণের নাই যে বেশী অবসর !
 দেশ-বিদেশে এ ঢেউ লেগে কাব্য শুধু উঠছে জেগে,
 এ যুগে, ভাই, চোস্ত কথার যত আদর,
 ক্ষুদ্র প্রাণের নাই যে বেশী অবসর !

আরতি

গৌরান্ধ

প্রথম সর্গ

সেবক

নবদ্বীপ, নিয়ে তব ন্যায়, স্মৃতি, 'পাতি',
রুক্ষ তর্ক, সূক্ষ্ম জ্ঞান, বিচারাভিমান
আজি কি হইতে ধন্য অবনীমণ্ডলে,
যদি না তোমার বক্ষে,--- ভাগ্যবান্ তুমি !---
তব ধূলিধূসরিত পাণ্ডিত্যের'পরে
কারো পুত পদচিহ্ন না আঁকিত রেখা !
পেয়েছিলে তব গৃহে কোন দেবোপম
আদর্শ-মানবে ! যুগে যুগে এইরূপে
উত্থানের ক্রমগতি রাখিতে সচল,
বিশ্বপতি নির্ব্বাচিত ভূত্যাগণে তাঁর,
অলৌকিক প্রতিভায়, অপার্থিব প্রেমে,
বিচিত্র চরিত্রে আর অপূর্ব্ব গৌরবে
মণ্ডিয়া, রঞ্জিয়া ভাল, দেন পাঠাইয়া

ধরার দুষ্কৃতিভার করিতে লাঘব ;
 পতিতেরে পঙ্ক হ'তে করিতে উদ্ধার !
 বিস্মিত স্তম্ভিত বিশ্ব, অবতার ভাবি'
 লুটাইয়া পড়ে সেই মহত্বের পা'য় ;
 পূজা দেয় সেই সব পুরুষপ্রধানে !
 কে জানিত, নবদ্বীপে আসিবে এমনি
 ভক্তচূড়ামণি কেহ ;—সেই দেবদূত,
 সঙ্গে ল'য়ে ত্রিদিবের শুভ সমাচার,
 ল'য়ে গদগদ ভাষ, অশ্রুজল-বল
 নিখিল করিবে বশ আপনার প্রেমে ;
 হরিনামে মাতাইবে সমস্ত ভারত !

সেই দিন স্মরণীয় সমগ্র বিশ্বের,
 যে দিন নদীয়া মাঝে মিশ্রের ভবনে,
 পিতা জগন্নাথে আর জননী শচীরে
 ভাসায়ে আনন্দনীরে, শুভ লগ্ন জানি'
 জন্মিল সে মহাপ্রাণ বিধির বিধানে ।
 ছোট চারা রোপি' মালী আপন উছানে
 যেমন সতর্কে ত্রাসে আবেগে উল্লাসে
 সংশয়ে চাহিয়া থাকে, যোগায় তাহারে
 নিত্য নব নব সেবা নূতন যতনে,

আরতি

শচীদেবী শিশুপুত্রে তেমনি আগ্রহে
করিতে লাগিলা সিক্ত লালনের রসে !
সেই নবদ্বীপ-শশী লাগিল বাড়িতে
ধীরে ধীরে স্ত্রবিমল স্নেহের আকাশে,
মেঘাচ্ছন্ন জগতের পৃথিমার লাগি !

শুভ অন্নপ্রাশনের দিন এল যবে,
যথাবিধি শিশুমুখে করি' অন্নদান,
কহিলেন জগন্নাথ,—অগ্রজ ইহার,
নাম তার রাখিয়াছি বিশ্বরূপ যবে,
কনিষ্ঠের নাম তবে হোক বিশ্বস্তর ।
শচী কহিলেন, ও কি সৃষ্টিছাড়া নাম ?
আমি ত বাছার নাম রাখি নু নিমাই ।
'নিমাই' রটিল নাম সারা নবদ্বীপে ;
'নিমাই' রটিল নাম ভুবনে ভুবনে !

বাড়িতে লাগিল শিশু স্নেহের ছায়ায়
আনন্দ বর্দ্ধন করি' মিশ্রদম্পতির ।
পাঁচটি বৎসর যবে একে একে আসি
দিয়ে গেল বালকেরে আপন প্রসাদ,
অপরূপ রূপ তার ধরা পড়ে' গেল,—
উন্নত প্রশস্ত ভাল, বিশাল লোচন,

দীর্ঘ বাহু, তীক্ষ্ণ নাশা, স্তূগঠিত তনু,
কাঞ্চনে চম্পকে মেশা অঙ্গের বরণ ;—
কাড়িল সবার মন ! শুনিতেন মাতা,
পুত্রের রূপের খ্যাতি মুগ্ধ কর্ণ পাতি.
নেত্রে উচ্ছলিত ধারা ; অমঙ্গল-ব্রাসে
কখনো উঠিত কাঁপি মায়ের হৃদয় !

এর মাঝে একদিন সবার অজ্ঞাতে,
উদাসীন বিশ্বরূপ নবীন বয়সে
করিলেন গৃহত্যাগ,— হইলা সন্ন্যাসী ।
নদীয়ায় আর কেহ দেখিল না তাঁরে !
পিতা মাতা আর যত পরিজন সনে
ছুধের বালক নিম্নু কেঁদে গড়াগড়ি ;
বড় বাসিতেন ভাল জ্যেষ্ঠ কনিষ্ঠেরে !
যোগ দিল এই শোকে সমস্ত নদীয়া,—
সে প্রিয়দর্শন ছিলা প্রিয় সবাকার ;
পণ্ডিত, বিনয়ী, সাধু, সুধীর কিশোর !
—শচীর এখন ধ্যান শয়নে স্বপনে,—
কেবল নিমাই ! নিমেষ নিমাই হ'লে
চক্ষের আড়াল, তাঁর আঁধার ভুবন !
পুঞ্জীভূত মাতৃস্নেহ একখাতে বহি'

আরতি

উঠিল প্রচণ্ড হ'য়ে, ছাপাইল কুল !

এদিকে ছরস্তুপনা বয়সের সনে
বাড়িতেছে নিমায়ের ; ক্রমে ক্রমে তাহা
গৃহের প্রাচীর ছাড়ি—স্নেহের সীমানা,
ছড়ায়ে পড়িল ভরা-নদীয়ার মাঝে !
অশান্ত চপল শিশু, নাহি মানে কারে,
পিতার ক্রকুটী আর মাতার তর্জ্জন,
পুষ্পবৃষ্টি সম মানে ! নিরুপায় মাতা,
অধিক বলিতে, বাজে আপন হৃদয়ে ;
ভৎসনা করিয়া পুত্রে কাঁদেন আপনি ;
দ্বিগুণ আদরে তারে করেন সান্ত্বনা !
মাঝে মাঝে এ শঙ্কাও দেখা দেয় প্রাণে,—
জ্যেষ্ঠ পাছে কনিষ্ঠেরে স্নেহের আগ্রহে,
ল'য়ে যার উৎপাটিয়া মাতৃবক্ষ হ'তে !
শিহরি উঠেন মাতা স্মরিয়া সে কথা ।
আবার স্নেহের মোহে ভাবেন জননী,—
হেন উন্মাদের শেষে কি হবে উপায় ?
আহা, স্নেহ-বিগলিতা, উপায় ভাবিয়া
যার, হতেছ ব্যাকুল আজি, নাহি জান,
একদা করিবে সে যে বিশ্বের উপায় !

এ মাতুনি,—আজ যারে অবহেলাভরে
ভাবিতেছ খেলা শুধু, নাহি জান, তাই শেষে
আপনার মহাভার ধরিতে না পারি’
ছাড়িয়া ধূলার গণ্ডি ছুটিবে অশ্বরে ;
সমস্ত জগত তাহে হবে আলোড়িত !

হাতে খড়ি দিয়া পুত্রে টোলে ভর্ত্তি করি’
পিতা মাতা ভাবিলেন,— তাঁদের নিমাই
সুনিশ্চিত সভ্যভবা হবে এইবার !
হায় রে রাশির ফের, শচীর দুলাল
কৈশোরে পড়িল, তবু পাঠে নাহি মন :
দুরন্তপনাটি কিন্তু শিশুর অধিক ;
অধ্যাপক সশবাস্ত শিষ্যের জ্বালায় !
কিন্তু, একি কাণ্ড ? তীক্ষ্ণবুদ্ধি সতীর্থেরা
হটিতেছে ক্রমে প্রতিযোগীতার ক্ষেত্রে !
অধীত বিবিধগ্রন্থ এ নব বয়সে ;
গুরু তার প্রশ্ন শুনি’ ভাবেন বিরলে,—
এ নহে সামান্য পাত্র !—শেষে একদিন
জগন্নাথে কহিলেন নিভূতে সে কথা,—
তনয় তোমার নহে সামান্য মানব !
কোনদিন স্থির হয়ে নাহি লয় পাঠ,

আরতি

তবু সহাধ্যায়ীদলে সবার অগ্রণী ;
তনয় তোমার নহে সামান্য মানব !—
জিভ কাটি' কহে মিশ্র,---ছি ছি, হেন কথা
আর আনিও না মুখে, দোষ আছে তাতে ;
সে দীন ব্রাহ্মণবটু, কি আছে তাহার
তোমাদের পদধূলি, আশীর্ব্বাদ ছাড়া ?
শির নাড়ি' কহে বিপ্র,---নহে, তাহা নহে,
তনয় তোমার নহে সামান্য মানব !
সত্য কহিতেছি তোমা,---এমন প্রতিভা,
এমন স্থিরধী, আর তীক্ষ্ণতম মেধা
দেখি নাই আর কারো, দেখিব না বুঝি,
এই বাকী জীবনের অভিজ্ঞতা মাঝে !
রাখিবে অক্ষয় যশ তনয় তোমার ;
উজ্জ্বল করিবে ধরা আপন কিরণে ;
ধন্য তুমি, পিতা তার ; কৃতার্থ নদীয়া ;
গুরু আমি, আপনারে চরিতার্থ মানি !
মিশ্র যবে এ সংবাদ দিলা গৃহিনীরে,
শচীদেবী শিহরিলা অকল্যাণ গণি' ।
বহুদিন বহুলোকে বলেছে এ কথা
নানা অলঙ্কার দিয়া ;—স্নেহ-পাগলিনী

আজ বুঝি সব ধৈর্য্য ফেলিলা হারায়ে !
 পরদিন ডাকাইয়া বিপ্র কয়জনে
 করাইলা ফলাহার তৃপ্তি সহকারে ।
 দীর্ঘ শিখা দোলাইয়া পৈতা ছুঁয়ে ছুঁয়ে
 আশীর্ব্বাদি' দ্বিজগণ গেলা নিজস্থানে,—
 কহিয়া শচীরে,—নিমু নহে সৃষ্টিছাড়া ;
 তোমারি কোলের নিধি, স্নেহের দুলাল !

উৎপীড়িত প্রতিবেশী ; কিন্তু মুখে কারো
 নাহি কভু তিরস্কার ! ভালবাসে সবে
 নিমায়ের স্মিত সৌম্য গৌরমূর্ত্তিখানি ।
 সেই মুখপানে চেয়ে উৎপীড়িত, সেও
 আপন লাঞ্ছনা-জ্বালা ভুলিত নিমেষে !
 পাগল-নিমাই—বলে' ডাকিত সবাই ।
 শেষে, বয়সের সনে এ দৌরাভ্যা-ধুম
 নিমায়ের, সবি শুধু পুরুষের প্রতি
 চলিত সবেগে । জলাতঙ্ক রোগী যথা
 জলের নামটি মাত্রে অজ্ঞান, অস্থির,
 নিমায়েরো সেই দশা কামিনীর নামে !
 যে পথে রমণী হাঁটে, জানিত কিশোর,
 তার চতুঃসীমানায় যাইত না কভু ।

আরতি

বড় ভালবাসে গোরা স্বভাবের শোভা !—
আবেশজড়িত স্বপ্নে চেয়ে থাকে সেই
রূপসী প্রকৃতি পানে । স্ননির্জ্জনে আসি’
রোগ তার, গোধূলির স্বর্ণশোভা দেখা !
অস্তগামী সূর্য্য ধীরে নামিছে পশ্চিমে ;
মেঘের পশ্চাতে মেঘ, তার পরে মেঘ,
তাম্র রক্ত শ্বেত পীত নীরদের মেলা !—
সুবকে সুবকে তারি, কি যেন সন্ধান
মুগ্ধ দুটি আঁখি তার ঘুরিয়া বেড়ায় !
গায়ে লাগে পুষ্পস্পর্শ মেতুর সমীরে ;
আশ্রমঞ্জরীর ঘ্রাণ পশে গিয়া প্রাণে ;
চক্ষে বহে’ যায় ধারা ; রোমাঞ্চিত তনু !
হেনকালে, সেই পথে যদি জলতরে
বধূ কেহ কুস্ত-কাঁখে আসে মৃদুপদে,
চোখে চোখে পড়ে’ যায়,—চক্ষের নিমেষে
সেথা হ’তে উর্দ্ধশ্বাসে পলায় নিমাই ।

এইরূপে কাটে দিন ;— শেষে একদিন
জগন্নাথ পড়িলেন ভয়ঙ্কর জ্বরে ;
বার্দ্ধক্যে দাঁড়াল ব্যাধি সুকঠিন হয়ে ;
জীবনের আশা শেষে হ’ল ক্ষীণতর ।

নিমাই !—বলিয়া বৃদ্ধ ছাড়িলা নিঃশ্বাস !
 পিতার চরণ ধরি' উঠিল কাঁদিয়া
 নিমাই অমনি ! কহিল কম্পিতকণ্ঠে,—
 কার হাতে দিয়ে যাও সন্তানে তোমার ?—
 মুমূর্ষুর আঁখি-প্রান্তে অশ্রু দেখা দিল !
 কহিলা স্নেহে বৃদ্ধ, —বৎস, তাঁর কাছে !
 —যিনি অগতির গতি, জীবের আশ্রয়,
 একাধারে যিনি পিতা, পিতার জনক ;—
 তাঁর কাছে !—জড়ায়ে আসিল কণ্ঠ ; শেষে,
 প্রাণপণে, অন্তিম-উৎসাহে উচ্চারিলা,—
 সঁপিলাম, বৎস, তোরে হরির চরণে !
 বলিতে বলিতে,—যেন নিঃশেষিত দীপ,
 দীপ্ত চক্ষু পড়ে গেল অন্তিম নিমেষ !
 পূর্ণজ্ঞানে জগন্নাথ ত্যজিলেন দেহ !
 দৈববাণী সম বৃদ্ধ বলিলা বচন ;
 দৈববাণী সম তাহা ফলিল অচিরে ।
 বুঝি মৃত্যু ভবিষ্যত দেখাইল তাঁরে !
 পিতার সৎকার করি' জাহ্নবীর তীরে,
 প্রবোধিলা শোকাকুলা জননীরে গোরা ;
 আপনার প্রাণে কিন্তু ঘুচে নাই দাহ !

আরতি

সে অবধি বহুদিন অধ্যয়ন-আদি
রহিল পড়িয়া ; কিছুতে বসে না মন !
প্রথম শোকের বেগ হ'ল যবে হ্রাস,
চিন্তা আসি বাসা নিল উদাস হৃদয়ে !
কোরক-বয়স ; কিন্তু অতুল জীবনে
পরিণত পরিপক্ক উচ্চবৃত্তিগুলি !
ভাবিত কিশোর বসি',—কোথা এবে পিতা ?
—বলে সবে পরলোকে !—কোথা পরলোক ?
সে কি ওই তমাচ্ছন্ন নীলিমার তলে ?
তিনি কি এমনি বসি' দেখিছেন চেয়ে,
পুত্র তাঁর আছে চেয়ে তাঁরি ধ্যানে এরে ?
মিলেছে কি তাঁর সেথা স্তম্ভিগ্ন আশ্রয়
একখানি পাদপদ্মে ?—সে অভয়পদ
জীবিত ও মৃতের বা সাধনা, সম্বল !
পিতার যে গতি, সেই গতি তনয়েরো !
সমস্ত বিশ্বেরো বুঝি সেই এক পথ, —
পরম চরম গতি চরণ-সরোজে !
সংসারের ঝঞ্ঝা-বজ্রে র'বে তাই সাথী ;
মরণে মিলিবে তা-ই অনন্ত বিরামে ?—
সে পদপঙ্কজ ঘিরি' মন-হংস সদা

আনন্দে কাকলি করি' ফিরিবে নাচিয়া ?
 তবে ধরা নহে শুধু দুঃখের, শোকের ;
 ওরে পাপী, ভয় নাই, আছে পরিত্রাণ !
 মঙ্গলে আরম্ভ তার, সত্যে পরিণতি !
 —ভাবিতে ভাবিতে, গোরা গলদশ্ৰুভরে
 ফিরিয়া আসিল গৃহে । কিছু দিন ধরি'
 রহিল সে চিন্তাজাল ভারাক্রান্ত করি'
 সমস্ত হৃদয় তার :—অচিরে মিলাল
 স্নকঠোর অধ্যয়নে, বিতর্ক-বিচারে,
 জ্ঞানের নেশায় আর যশের তৃষায়
 সে চিন্তা-বুদ্বুদ !—কিশোরী যেমন ভোলে
 প্রথম প্রেমের স্বপ্ন নিদ্রা অবসানে !
 তবু কি হৃদয়ে তার নাহি থাকে জাগি',
 কায়াহীন ছায়া-ছায়া মায়ার স্বপন ?
 অজ্ঞাত বেদনা-স্মৃতি, অস্ফুট হৃদয়ে ?
 সে বেদনা, যেন মনে হয়, ধরি ধরি ;
 ধরা তারে নাহি যায় ; জ্বলে শুধু প্রাণ !
 নিমায়ের চিন্তমাঝে তেমনি অজ্ঞাতে
 সে চিন্তা রহিল ছদ্ম ; অগ্নি যথা রহে
 গুপ্ত ভস্ম-আবরণে !—নিমাই নির্জনে

আরতি

একদিন দেখিতেছে ভাগীরথী-লীলা ;—
লহরী চলেছে বয়ে লহরীরে ল'য়ে ;
কাণ পাতি' মুগ্ধ বসি' শুনে কলভাষ,
ভাবে,—ওই কল কল অব্যক্ত নিনাদ
নহে মিথ্যা অর্থহীন জড়ের কাকলি ;
উন্মির সংঘাত বুঝি ভাবের জমাট,
রয়েছে কবাট আঁটি' মানবের কাছে !
যেন প্রতি কলোচ্ছ্বাসে হতেছে ধ্বনিত
কোন সনাতন বাণী,—কিচিৎ কাহারে
ধরা দেয় তাহা, বহু সাধনার ফলে !
—ভাবিতে ভাবিতে, সহসা আবেশ এল,
কি জানি অপূর্ব ভাবে বিহ্বল নিমাই !
এ কি তবে তার নব-বয়সের গুণ ?
একি পুরুষের বয়ঃসন্ধি ?—যবে বাধে
কৈশোরে যৌবনে দ্বন্দ্ব জীবনের'পরে ;
—কৈশোরের স্নিগ্ধ রূপ কান্ত সুকুমার,
ধাজু লঘু সচ্ছন্দতা দেহের, মনের
অকস্মাৎ সে আহবে চূর্ণ হয়ে যায় ;—
নুজ দীর্ঘদেহযষ্টি গাঢ়কণ্ঠ সনে,
ভারাক্রান্ত জীবনের কোমল মহিমা !

এ নহে তা, সেই চিন্তার স্ফুলিঙ্গ এ যে !
 মহাপ্রাণে যাহা জ্বলিলে বারেক, তাহা
 আর নাহি নিভে,—যাবৎ না হয় তাহে
 শুভ সূত্রপাত কোন ! চন্দ্রিকার মত
 তাহা উজ্জ্বল, অপাপবিন্দ !—আলো দেয়,
 দন্ধ নাহি করে কভু বিকারের প্রায় !—

একদিন, বসি' গোরা জাহ্নবীর তীরে
 আপনার ভাবে ভোর ; হেনকালে সেথা
 দেখিলা,—চকিত, ভীত সারমেয় এক
 কাতর চীৎকার তুলি' আসিছে ছুটিয়া,
 পিছে উত্তলিয়া যষ্টি, চণ্ডাল জনেক
 আসিছে তাড়ায়ে !—পড়িলেন মাঝে গিয়া,
 ব্যাঘ্র যথা পড়ে গিয়া শিকারের'পরে !
 কহিলা পুরুষব্যাঘ্র,—কুকুর আমার ;
 কেশ তার স্পর্শ যদি করিস্, পামর,
 পড়িবি বিষম দায়ে, কহিলাম তোরে !
 এত বলি' কোলে তুলি' পথের কুকুরে
 চলিলা গৃহের পানে ।—অবাক্, যাতক !
 তেজঃপুঞ্জ মূর্ত্তিপানে রহিল চাহিয়া ;
 চলে' গেল ধীরে শেষে আপনার পথে ।

আরতি

ভাবিতে লাগিলা গোরা পথে পথে যেতে,—
বিধির বিধান কি এ,—দুর্বলে সবলে
এই হানাহানি ? এই জয়পরাজয় ?
দুর্বল হইছে চূর্ণ ; তাহারি শ্মশানে
প্রবল তুলিছে তার জয়কীর্তিমঠ !—
নহে নহে, কভু নহে ! ঈশ্বর মহান্ !
সমদৃষ্টি সর্ববভূতে, সমান যতন !
ইহা নহে অভিপ্রেত, অনুজ্ঞাত তাঁর !—
কুকুর লইয়া কোলে বাহুজ্ঞানহারা,
একেবারে উপনীত পূজার মন্দিরে ;
যেথা বসি' শচীদেবী পূজিছেন শিবে
সন্তানের শুভ লাগি বিল্লদল দিয়া !
শুচি ! শুচি !—করি' শচী সতত অস্থির !
সর্বত্র গোময়-ছড়া দিতেছেন সদা !
কুকুর দেখিয়া ঘরে,—তনয়ের কোলে,
উঠিলা চীৎকার করি' সহসা সেখানে !
কহিলেন রোষে ক্ষোভে,—বুঝিনু, নিমাই,
তোমা হ'তে ধর্ম্য-কর্ম্ম হবে সব নাশ !—
যতেক তৈজস-পত্র ছিল সেই ঘরে,
একে একে সব লয়ে লাগিলা ফেলিতে

সশব্দে বাহিরে । নিমাই কহিলা,—মাগো,
 ক্ষমা কর্ অপরাধ ! এ কুকুরে আজি
 যাতকের হাত হ'তে করিয়াছি ত্রাণ ;
 পালিব তাহারে যত্নে করিয়াছি মন !
 শুন, মাতা, সার কহি,—ঘৃণা-দ্বेष মিছে,
 সারমেয়ে স্ত্রীত্যাগে মূলে নাই ভেদ ।—
 চমকি উঠিলা শচী, স্নেহের মতন
 শুনিয়া পুত্রের বাণী ! হাসিয়া নিমাই
 কহিলেন,—মা জননী, ভাবিও না কিছু,
 পাবনী জাহ্নবীনাথের ক'রে আসি স্নান !
 সন্তুষ্ট হইলা মাতা ; রহিল কুকুর ।
 আর এক দিন, যবন-ভিখারী এক
 অঙ্গনে দেখিয়া, শচী করিলেন তারে
 নিষ্ঠুর তাড়না !—নিমাই ছিলেন বসি,
 ত্রস্তে উঠি গিয়া যবনেরে দিলা কোল !—
 ছুঁইলি যবন ?—কাঁদিয়া উঠিলা শচী !—
 ভিক্ষুকেরে ভিক্ষা দিয়া সে যাত্রাও গোরা
 গঙ্গাস্নান করি' তবে পাইলা নিষ্কৃতি ।
 —কিন্তু সে অবধি গৃহ ও সংসারে কিছু
 জাগিল বিরাগ ;—মনে হ'ল,—ওরা যেন

আরতি

স্বপথের বাধা ; ত্যাগীর উন্মুক্ত পথ ;
বনের বিহঙ্গ সম মনোরথ-গতি !
তার নাহি পদে পদে দ্বন্দ্ব অহর্নিশ !
হায়, যদি মোর ভাগ্যে ঘটিত সে সুখ !
দাদা, সুখী তুমি, সার্থক জীবন তব !
—আবার মায়ের কথা মনে পড়ে' যায় ;
আঁখি দুটি ভরে' আসে করুণার জলে !

নবযৌবনের সনে প্রতিভার ভাতি
দেখা দিল পরিপূর্ণ পরিণত বেশে !
দেশদেশান্তরে নিমায়ের যশোগাথা
ছড়াইল বিজ্ঞদের ঈর্ষ্যা জাগাইয়া !
নিমায়ের নাই দর্প, শক্তির উত্তাপ,
শুধু যুবা রঙ্গপ্রিয় ; দান্তিকের কাছে
অবাধ্য উদ্ধত জুর ! বিচার-সমরে
নিদারুণ ভয়ঙ্কর ! পরাজিত হ'য়ে
পদানত হ'লে অরি, ক্ষমা নাই তবু ;
চোখা চোখা শ্লেষবাণে বিদ্ধ করি' তারে
আপনি হাসিয়া খুন ! পণ্ডিত কেশব
দিকে দিকে জয়ধ্বজা করি' উত্তোলন,
নবদ্বীপে দিলা হানা ! নিমায়ের যশ

তাঁহারে ব্যথিতেছিল দুষ্করণ সম !
 ‘যুদ্ধম্ দেহি, যুদ্ধম্ দেহি’,—দ্বারে আসি’
 ডাকিতেছে দিগ্বিজয়ী ;—কি করেন গোরা ?
 অগত্যা ভেটিলা তারে হাসিভরা মুখে !
 বাধিল বিচার-রণ ; ভরি’ ছুটি তুণ-
 ব্যাকরণে, অলঙ্কারে, শ্রুতি, স্মৃতি, গ্ৰায়ে,
 আকর্ণ টানিয়া বাণ, পুরিয়া সন্ধান
 দৌঁহে দৌঁহাকার ছিদ্র বেড়াইছে খুঁজি’ !
 কিছুক্ষণে দিগ্বিজয়ী পণ্ডিতপ্রবর
 হইলেন শ্রান্ত, শেষে বিধ্বস্ত, বিক্ষত,
 অপদস্থ পদে পদে । কহিলা নিমাই,—
 মিটিয়াছে যুদ্ধসাধ ?—উত্তরিলা সুধী,—
 অতুল পাণ্ডিত্য তব, বুঝিলাম আজ ।—
 নিমাই কহিলা ধীরে,—মিথ্যা, মিথ্যা সব !
 এই বক্র, সূচীসূক্ষ্ম তর্কযুক্তিজাল
 লাগিছে কিসের কাজে ? বার্থ বুদ্ধজ্ঞান
 ছুটিছে কি কোন বৃহৎ সন্ধানতরে ?
 প্রাণ নাই, প্রেম নাই, আড়ম্বর শুধু !
 পেচকের মত এই গাঙ্গীর্য্যের ভাণ,—
 বিশ্বেরে কি উদ্ধাপনে পারে টানিবারে ?

আরতি

কূট মস্তিষ্কের পাকে পড়ে না জড়ায়ে
উর্গনাভ সম, জালে ?—স্তাবকের মুখে
দিন ক'য় থাকে জাগি' জয়গান তার ;
অনন্ত তিমিরগর্ভে তার অবসান !
চেয়ে দেখ, একবার ওই উর্দ্ধপানে,
কক্ষে কক্ষে, কেন্দ্রে কেন্দ্রে, লোকলোকান্তরে
কি শান্ত সুন্দর সত্য হতেছে রচিত !

—তার নাম শুদ্ধা ভক্তি, অহেতুকী প্রেম !
'সোহং'—মূঢ়ের উক্তি ; ক্ষাপার খেয়াল ;
দাস্তিকতা নাস্তিকতা আছে একাধারে
তার মাঝে লুক্কায়িত ! ক্ষুদ্র কীট মোরা,
অমৃত-সাগরে যদি চাহি সন্তুরিতে,
বিশ্বাসে বাঁধিয়া প্রাণ, নিঃশ্বাস রুধিয়া,
বিস্ময়ে, বিনয়ে, ভয়ে যেতে হবে তবে
সংসার-সীমানা ছাড়ি' অনন্তের দেশে !
নিমায়ের পানে চাহে বিমুক্ত কেশব,
পুত্র যথা অনিমেঘে পিতৃমুখ পানে
বিহ্বল, চাহিয়া থাকে, যবে তাঁর মুখে
উপদেশসুধাধারা রহে ক্ষরিবারে !
গাঢ়স্বরে কহে দিগ্বিজয়ী,—মহাত্মন,

হেন অলৌকিক বাণী শুনি নাই আর ;
 হৃদয়ের ব্যথাহরা, উদাত্ত, উদার হেন
 আশার অভয়বাণী ঘোষে নাই কেহ ;
 শাস্ত্রসিদ্ধি মথি' এতদিন শুধু, হায়,
 নিষ্ফল উপলগুলি করেছি সঞ্চয় !
 কহ, দেব, দর্পাক্ষের কি হবে উপায় ?
 নিমাই কহিলা হাসি', মধুর বচনে,—
 ভকতবৎসল হরি, রেখো এই মনে ;
 অন্তর্যামী তিনি, এই ক্ষুদ্র সভাতলে
 হইয়াছে আবির্ভাব তাঁর, জেনো স্থির !
 উঠিলা কেশব যবে,—ঝরিছে নয়ন !
 উঠিলা নিমাই,—সর্ববাঙ্গে পুলকাভাস,
 চক্ষে দরদর ধারা, গরগর প্রাণ !

তার পরদিন প্রাতে, হইছেন গোরা
 গঙ্গাপার সহাধ্যায়ী রঘুনাথ সনে,
 দিগ্বিজয়ী পণ্ডিতের প্রসঙ্গ লইয়া
 চলেছে দৌহার মাঝে কথোপকথন ;
 হেনকালে নিমায়ের কক্ষচ্যুত হ'য়ে
 একখানি হস্তলিপি পড়িল রাহিরে ;
 রঘু তাহা তুলি' যত্নে করিলেন পাঠ ;

আরতি

কে যেন রঘুর সেই হস্তদীপ্ত মুখে
কালিমা লেপিয়া দিল ! কহিলেন শেষে
দুরাকাজ্ঞ রঘুনাথ সজল নয়নে,—
ধিক্ এ জীবনে মোর ! ব্যর্থ মনস্কাম !—
আমিও যে গায়ভাষ্য করেছি রচনা,
তোমার এ গ্রন্থখানি কত উচ্ছে তার !
অদ্বিতীয় হব আমি,—ছিল এই আশা,
ঘুটিল সে ভ্রম ! নিমাই কহিলা ধীরে,—
আমি নাহি চাহি যশ ; কেন দাঁড়াইব
তোমার যশের পথে কণ্টকের মত ?
এত বলি' খণ্ড খণ্ড করি অকস্মাৎ
বহু যত্নে লিখিত সে শ্রেষ্ঠ গ্রন্থখানি
গঙ্গাজলে দিলা ভাসাইয়া ! রক্তভরে
জল সৈঁচি' সৈঁচি' তারে লাগিলা ডুবাতে ;
সাথে সাথে উচ্চহাস্ত উঠিছে মুখরি' !
নির্বাক নিম্পন্দ রঘু ! — ভিড়িল তরণী ।
দুইজন দুই পথে মোনে গেলা চলি' ।
জীবনের দুই পথে চলিলা দু'জন !

নব পরিণয় সনে, সাজিয়া প্রবীণ,
নিমাই যে টোলে পূর্বের করিতেন পাঠ,

সেই টোলে বসিলেন গুরুর গৌরবে !
 সাধ,—সবে জ্ঞানসুধা করিবেন দান !
 যুটিল অনেক ছাত্র !—অধ্যাপনা-গুণে,
 মিষ্ট শিষ্ট ব্যবহারে মুগ্ধ শিষ্যদল !
 গোরা উদাসীন ! নির্বাপিত জ্ঞানতৃষা ;
 অর্থ সমাগত গৃহে ; যশ পদানত ;
 প্রণয়ের সুবাস বহিতেছে ঘরে !
 চারিধারে সৌভাগ্যেরি শুধু আনাগোনা !
 গোরা তবু উদাসীন !—সে যে হাসে খেলে,—
 কলের পুত্তলী যেন ! চলে যে সবেগে
 সঙ্গে সঙ্গে রস-রঙ্গ, নাই তাতে প্রাণ !
 গোরা কেন উদাসীন ? ভূতান্ত্রিত সম
 চমকি চমকি উঠে কভু অলখিতে ;
 কখনো নয়নে বারে অকারণে ধারা ;
 বাহুজ্ঞান চলে' যায় সংসার ছাড়িয়া !
 এইরূপে পাঠনার ঘটিছে ব্যাঘাত,
 একদিন অনুভব করিলেন গুরু,—
 কর্তব্যে হতেছি ক্রমে স্থলিত পতিত ;
 সেই দিন নিরজনে ডাকি' শিষ্যগণে,
 ভাসি' নয়নের জলে, সকরুণ ভাষে

আরতি

কহিলেন,—প্রিয়গণ, আজ হ’তে শেষ
মোর অধ্যাপনাভার ; আর আমি নহি
তোমাদের অধ্যাপক ; বিদায়, বিদায় !
করিল বিনয় বহু, ছাত্রগণ মিলে’ ;
গোরার সঙ্কল্প কিন্তু, রহিল অটল !
ভাবিলেন,—ভাবিবার হ’ল অবসর !

শেষে, হ’ল ভাবিবার আরো অবসর,—
গৃহের সে আকর্ষণ, গৃহলক্ষ্মী যবে
তাজিলেন ইহলোক কাঁদায়ে পতিরে !
কাটাইলা বহুদিন অথর্বের মত,
নব-বিপত্নীক । কালের প্রলেপ হেথা,
নিঃশব্দে জুড়িতেছিল হৃদয়ের ক্ষত ;
শেষে, শেষ-জ্বালাটুকু নিভুতে অজ্ঞাতে
অবিচ্ছিন্ন হিমস্পর্শে দিল জুড়াইয়া !
শুধু ক্ষতচিহ্ন-ছলে, ভালে আঁকি’ রেখা
সুখীরে করিল শোক গভীর গস্তীর ;
নবীনেরে ক’রে গেল ঈষৎ প্রবীণ !

একদিন, কোন এক বিখ্যাত সভায়,
‘পাত্রাধার তৈল, কিস্বা তৈলাধার পাত্র’
এই ল’য়ে দুই জন কৃতী নৈয়ায়িকে

বেঁধেছে বিষম দ্বন্দ্ব ; বাদ-প্রতিবাদ !
 অনুস্মার-বিসর্গের বহিতেছে ঝড় ;
 উত্তরী পড়িছে খসি', নশ্র উড়িতেছে,
 উর্বর মস্তিষ্ক সনে দীর্ঘ শিখাগুলি
 হইতেছে ঘন ঘন বেগে আন্দোলিত !
 বসিয়া মধ্যাহ্নরূপে নিমাই পণ্ডিত !
 —মন সেথা নাই ; সংসারের কোথা নাই !
 ঘুরিছে তা মেঘে মেঘে গগনে পবনে ;
 ভাবিছেন,—সৃষ্টিতত্ত্ব-রহস্যসাগরে
 তল-অন্বেষণ, লহরীগণনা ছাড়ি',
 বিশ্ব, কবে কূল পেয়ে ধরিবে সে মূল ;
 দাঁড়াইবে ভক্তিবলে তাঁর মুক্তিদ্বারে !
 অনাথ-তরণ সে কমলচরণের
 ভৃঙ্গ হ'য়ে পড়ে' র'বে ; নীরবে নিভূতে
 শুধু মধুপান ; শুধু তারি স্তুতিগান
 গাহিবে নিখিল ! ভাবিতে ভাবিতে, শেষে,
 স্থির হ'ল আঁখিতারা ; বাহজ্ঞানহারা,
 পড়িলা মূর্চ্ছিত হ'য়ে সভার মাঝারে !
 পুনরায় এল সংজ্ঞা ঈষৎ যতনে ;
 সলজ্জ আসিলা ফিরি' আপনার গৃহে ।

আরতি

শচীমাতা শুনি' সব উঠিলেন কাঁদি',
কঠিন ব্যাধির কোন সূচনা ভাবিয়া ;
সাবধান রহিলেন সন্তানের তরে !

সে দিনের সেই মূচ্ছা, মহা-বিহ্বলতা ;
সে চিন্ময়-তন্ময়তা ; প্রকাণ্ড প্রেমের
পুলকসঞ্চারণ, ঘন স্নেদসমাগম ;
সেই অমৃতের স্মৃতি, ভূমার আশ্বাদ
ভুলিলা না কভু গোরা ; রহিল তা গাঁথা
জীবনের পত্রে পত্রে !—এদিকে অমনি
শেষ-তমটুকু নাশি', হৃদয়-আকাশে
প্রজ্জ্বল বিমল জ্যোতি উঠিল জ্বলিয়া !

হায়, শচী, হায় মাতা, পুত্রগরবিনী,
সে দিন অলক্ষ্যে বসি' ঘুরাইল কাল
যে ভাবে নিয়তিচক্র, তাহার ছায়ায়
তোমার স্নেহের শশী হ'ল অন্তর্মিত ;
জগতের ভাগ্য-রবি উদিল নীরবে !

দ্বিতীয় সর্গ

সন্ন্যাসী

প্রজ্ঞা যবে এল প্রাণে, নামগুণগান
 ধ্বনিতে লাগিল বুকে ;—বাহিরিল মুখে,
 আধ-আধ বাধ'-বাধ' !—শিশু-ভৃঙ্গ যেন
 প্রথম গুঞ্জর-স্তব করিছে আলাপ
 মধুর আশ্বাদ লভি' পেলব জীবনে !
 শেষে, তা-ই নিশিদিন হ'ল জপমালা ;
 সে নাম স্মরণে আর সে নাম কথনে,
 সে নাম শ্রবণে,—বিভোর বিহ্বল গোর। ।
 তার পরে তান-লয়ে ছন্দোবদ্ধ হ'য়ে
 একদা বিচিত্র বেশে উদিল সে নাম
 ভক্তের হৃদয়ধাম তরঙ্গিত করি' !
 আপনার ধ্বনি শুনি' মোহিত আপনি,
 করিলেন অনুভব ভাবুকপ্রবর,—
 ভাষারে করিছে সুর মুখর মধুর ;
 প্রাণের নিগূঢ় কথা ধ্বনিহারা হ'য়ে
 এমন সম্পূর্ণভাবে উঠিতে ফুটিতে

আরতি

পারিতেছিল না যেন ; মানিলেন গোরা,—
ভক্তি দ্রব হ'য়ে ধরে স্তম্ভার আকার,
দেবউপহারযোগ্য,—সঙ্গীত পরশে !
সে অবধি ধরিলেন নামসঙ্কীৰ্ত্তন ;
যে শুনিল, সে মজিল, শিষ্য হ'ল তাঁর !
দিন দিন ভক্তসংখ্যা লাগিল বাড়িতে ;
মুকুন্দ, মুরারীগুপ্ত, শ্রীবাস, শ্রীধর,
গদাধর, নরহরি, অদ্বৈতগোঁসাই,
আরো কত কৃতী শিষ্য মিলিল আসিয়া
সেই হরিনামাঙ্কিত পতাকার নীচে !
—মধুর ভাণ্ডার যবে যায় রে খুলিয়া,
দলে দলে অলি যথা যুটে তার পাশে ;
কিন্ধা গোম্পদের মীন নদী পেলে কাছে
ঝাঁকে ঝাঁকে ঝাঁপে যথা গভীর সলিলে !
শ্রীবাস-অঙ্গনে ল'য়ে অন্তরঙ্গগণ
স্বমধুর সঙ্কীৰ্ত্তনে কত দীর্ঘ নিশি
অজ্ঞাতে কাটিয়া যেত !—সংক্রামক সম
হরিনাম ঘরে ঘরে পড়িল ছড়ায়ে !

কীৰ্ত্তনে মাতিয়া গোরা করে অনুভব,—
দেহখানি লঘুপঙ্ক পঙ্কীসম যেন

উধাও উঠিতে চায় ;—যে মধুর ছন্দে
 চলিতেছে বিশ্বনৃত্য নিত্যকাল ধরি',
 গ্রহ-উপগ্রহদল ফিরে নাচি' নাচি',
 তেমনি আগ্রহে যেন সমস্ত হৃদয়
 তালে তালে ছন্দে ছন্দে উঠে রে নাচিয়া
 উৎসুখী, থর থর চরণের সনে !
 —সে অবধি সংকীৰ্তনে নর্তনের নেশা
 করিল প্রবেশ ; শেষে আনিল আবেশ ;
 নর্তনে উঠিল জমি' ভক্তের কীর্তন !
 পুত্রের এ মাতামাতি, রাত্রিজাগরণ,
 রোদে রোদে পথে পথে নৃত্য সারাদিন,
 যদিও মাতার নাহি ছিল মনোমত,
 তবু তিনি নামগানে ছিলেন পাগল !
 যত্ন করি' গৃহে ডাকি' কীর্তনের দল
 মুগ্ধকর্ণে শুনিতেন হরিগুণগান ;
 ভাবিতেন,—বাছা মোর এনেছে কি নাম !
 'তোমার তনয় নহে সামান্য মানব !'
 —বহুদিন চলে গেছে, ভুলেন নি শচী !
 সে কথা ভূতের মত মাঝে মাঝে আসি'
 দিবাস্বপ্নে, নিশার তন্দ্রায় উকি মারে ;

আরতি

শচী তারে বারবার দেন ত খেদায়ে,
সে তবু ছাড়ে না পিছু ; তারি সাথে আসে
ছায়ারূপী বিশ্বরূপ মুণ্ডিতমস্তকে !
লয়ে দণ্ড কমণ্ডলু, গৈরিক কৌপীন ;
ডাকে তাঁরে,--- ভিক্ষা দাও, ভিক্ষা দাও, মা গো
শেষে হাসি' নিমায়েরে ভিক্ষা চাহে যেন !—
বালাই ! বালাই ! বলি' জাগেন জননী ;
কম্পিত সর্ববাঙ্গ আর স্তম্ভিত হৃদয় !
ছুটিয়া আসেন মাতা নিমায়ের কাছে ;
শির চুম্বি' দেহে কর বুলান আদরে !
নিমাই এ কাণ্ড দেখি' হেসে হয় সারা ।
নিমাই পণ্ডিত কিন্তু বাহিরে, সমাজে ;
ঘরে আর মা'র কাছে পাগল নিমাই ;
যদিও নাই সে পূর্ব চপল স্বভাব !

সে অবধি সন্ন্যাসীতে শচীর বিরাগ !
মুণ্ডিত মস্তক আর গৈরিক কৌপীন
চক্ষুশূল তাঁর ! কেশবভারতী নামে
অবধৌত এক অতিথি হইল আসি'
শচীর দুয়ারে ; পরম ধার্মিক সাধু,—
জানিতেন তাঁরে শচী, মানিতেন তাঁরে !

আগ্রহে সে অতিথিরে গৃহে দিলা স্থান ।
 কেটে গেল কয়দিন ; কেশবভারতী
 বিদায় চাহিলে,— গোরা নিব্বন্ধ করিয়া
 রাখে তারে ধরি' । জানিলেন মাতা শেষে,—
 গভীর নিশিতে পুত্র শয়ন ত্যজিয়া
 সারারাত্রি ভোর করে সন্ন্যাসীর সাথে !—
 নিভূতে কেশবে শচী কহিলা,—সন্ন্যাসী,
 মাতৃ-অভিসম্পাতের রাখ না কি ভয় ?
 বাছারে দিতেছ মন্ত্র, ষড়যন্ত্র করি'
 স্নেহ-পাশ হ'তে তারে চাহিছ কাড়িতে !—
 হাসি' উত্তরিল সাধু,— বৃথা গঞ্জ মোরে ;
 তনয় তোমার নহে সামান্য মানব !
 —অনলে পড়িল যেন ঘৃতের আলতি !
 সেই এক কথা শুনিছেন বহুদিন ধরি',
 কেহ ভুলিল না তাহা, ছাড়িল না আজো ?
 —জ্বলিয়া উঠিলা শচী, কহিলেন রোষে,—
 তিলমাত্র ব্যাজ নহে, যাও হেথা হ'তে !—
 নিঃশব্দে বিদায় হ'ল সন্ন্যাসী ঠাকুর !
 গোরা পরে জানিলেন সকল বারতা ।

আর এক দিন মাতা লুকায়ে লুকায়ে

আরতি

হাতে-লেখা গ্রন্থ এক দীপের শিখায়
করিছেন ভস্মসার ; হেনকালে সেথা,
পুত্র আসি' ত্রস্তে তাঁরে ফেলিল ধরিয়া ;
হেন মর্শ্মভেদী দৃষ্টি হানিল মাতারে,
শচী তাহে পরাভূত, অভিভূত হ'য়ে
কহিলেন ভগ্নকণ্ঠে,—ক্ষমা কর, বাছা,
বিশ্বরূপবিরচিত প্রব্রজ্যামহিমা
করিয়াছি তোরি ভয়ে অনলেরে দান !—
গোরা উত্তরিল হাসি,—ক্ষমা নাই এর,
মোর লাগি যদি আজ না কর পায়ের !—
নিঃশ্বাস ফেলিয়া মাতা, উঠিলেন হাসি,
ভাবিলেন,—নিমু মোর এখনো বালক !

ভগিনীরে একদিন কহিছেন শচী
আপনার সুখ দুঃখ ঘরকন্না কথা ;
নিমায়ের কথা এলে, কহিলেন শচী,—
এত বড় ছেলে, তবু এখনো পাগল ;
জ্ঞান নাই, টান নাই তিলেক সংসারে ;
কি উপায় হবে এর, নাহি পাই ভেবে !—
ভগিনী কহিলা হাসি,—ওগো, সে কি কথা ?
একটি রূপসী বউ আন দেখি ঘরে,

দেখি ত নিমুর থাকে ভণ্ডামি কোথায় !
 অঞ্চলের কেনা হয়ে থাকে কি না, দেখো !
 তখন তুমিই, দিদি, জুড়িবে ক্রন্দন,—
 পুত্র মোর পত্নী ছাড়া কিছু নাহি বুঝে !
 সেবারেও পেয়েছিলে তার পরিচয় !
 যদিও নামেই মাত্র ছিল সে বিবাহ ;
 না পাকিতে দম্পতীর মিলন বন্ধন,
 নববধূ না হইতে জীবনসঙ্গিনী,
 সংসারীর শ্রেষ্ঠ সুখ উন্মেষের মুখে,
 কোমল বয়সে, আহা, বাছা বিপত্নীক !
 শচীর মনের মত হ'ল যুক্তি এই ;
 বধূ আনা হ'ল স্থির । দেখিতেন শচী,—
 গঙ্গাস্নানে আসে এক সুন্দরী কিশোরী,
 ভক্তিভরে করে তাঁরে প্রত্যহ প্রণাম ।
 যেমন উজ্জ্বল তার রূপের মাধুরী,
 তেমনি ব্রীড়ায় নম্র মধুর স্বভাব ;
 মোহিত হইলা শচী কণ্ঠারে দেখিয়া ;
 বধূ করিবারে তারে উপজিল সাধ !
 ভাবিলেন,—নারীরূপে মুগ্ধ যদি নারী,
 এ রূপের ক্রীতদাস হবে না পুরুষ ?

আরতি

গৃহধর্ম্মে মতি হবে বাছার এবার !
সোণার শৃঙ্খল শচী করিলা প্রস্তুত
কল্লনায়,—গড়াইলা মায়ার পিঞ্জর,
ধরিতে নিমাই-পাখী স্নেহের বন্ধনে !

বিষ্ণুপ্রিয়া নামে কন্যা,— পিতা সনাতন ;—
শচী, ঘটকের মুখে পাইয়া বারতা
হরষিত,—নিমায়ের যোগ্য বধু বটে !
সে অবধি গঙ্গাস্নান নাহি যেত বাদ ;
দেখিতেন,—প্রতিদিন অখণ্ড নিয়মে
বিষ্ণুপ্রিয়া আসে ঘাটে ; দূর হ'তে তাঁরে
গলবস্ত্রে প্রণমিয়া যায় শেষে ঘরে !
বুঝিতে নারেন শচী,—এ অপরিচিতা
কেন তাঁরে এতদিন গুরুজন সম
করিতেছে সম্ভাষণ !—নাহি জান, মাতা,
তোমার পুত্রের পদে সঁপেছে সে প্রাণ ;
পার্ব্বতী যেমন উদ্দেশে হরের পদে
সঁপেছিল মন ; গুণমুগ্ধা বিষ্ণুপ্রিয়া
মনে মনে নিমায়েরে বরিয়াছে পতি !
কুমারীহৃদয়ে যত্নে লুকায়ে সে প্রেম
বাড়াইছে আশাবারি সিঞ্চি' তার মূলে,

নিমাই-দেবতা গড়ি' হৃদয়-মন্দিরে
কল্পনায় তাঁর গলে দোলায় মালিকা ;
খেলা করে আনমনে দেবতার সনে ;
গান গেয়ে শুনায় তাঁহারে,—সেই গান,
তিনি যা বাসেন ভালো,— নামসঙ্কীৰ্ত্তন !

সনাতন গৌরভক্ত, শুনিলেন যবে
নিমাই হবেন তাঁর নিকট-আত্মীয়,
আনন্দে উঠিলা কাঁদি' স্নপ্সম ভাবি' ;
বিষ্ণুপ্রিয়া পেল হাতে আকাশের চাঁদ !
ছুই পক্ষি কথা শেষে হ'ল পাকাপাকি ;
দিন-ক্ষণ স্থির হ'ল পাঁজী-পুথি খুলি',
এদিকে বিবাহ যার, সে-ই নাহি জানে !
বহু যত্ন করি' মাতা আনন্দ-বারতা
রেখেছেন সঙ্গোপন পুত্রের নিকটে ;
পাছে, সে এ পরিণয়ে নাহি দেয় ধরা !
শেষে একদিন, আহারের কালে শচী
নানা কথাছলে পাড়িলা পুত্রের কাছে
বিবাহের কথা !— ক'নে আর দিন স্থির,
জানাইলা তারে !— চমকি' উঠিলা গোরা !
আবার বিবাহ ?—উচ্চারিলা আনমনে !

আরতি

—মাতারে, না আপনারে, করিলা জিজ্ঞাসা ?-
ধীরে কহিলেন, শেষে,—বৃথা আয়োজন ;
পরিণয়ে ইচ্ছা নাই, জানাই তোমায় !
কাঁদিয়া উঠিলা মাতা,—অশ্রু হ'ল জয়ী !
পুত্র গলি' গেলা তাহে, কহিলেন হাসি,—
তব আজ্ঞা নাহি মানি, সাধ্য হেন নাই ;
যদি সাধ গিয়ে থাকে, আন ঘরে দাসী !
সম্মতি পাইয়া মাতা আনন্দ-আবেগে
সেই দণ্ডে রটাইলা শুভ-সমাচার !
শেষে একদিন, মন্ত্র পড়ি' তনয়েরে
মায়ার স্ববর্ণ-ফাঁসী দিলেন পরায়ে !

ফলিল মাতার সাধ, —দু'দিন না যেতে,
গোরা ধরা দিল দুটি ক্ষুদ্র বাহুপাশে ;
দুর্জয় সৈনিক যেন শেষতক যুঝি'
করিল সম্পূর্ণরূপে আত্মসমর্পণ !
দিনরাত মধুমুখ হ'ল শুধু ধ্যান,
কিশোরী প্রত্যহ শূণ্য-সুধাপাত্র ভরি'
কিশোরে যোগায় ।—আহা, সে সরলা বাল্য
জানে শুধু ভালবাসা, এনেছে সে বহি'
পিতৃগৃহ হ'তে সেই স্মৃতির সম্বল !

যে দেবতা ছিল তার কল্পনা-নন্দনে,
 যদি তিনি মুখ তুলে' চেয়েছেন আজ,
 একান্ত শরণাগত চরণে তাহার,
 সে কেন না দৃঢ় পাশে বাঁধিবে তাঁহারে ?
 আশার অতীত ভাগ্য আয়ত্তে পাইয়া
 চরিতার্থ কৃতার্থ যে মরমে মরমে,
 সে কি পারে স্বেচ্ছায় তা ঠেলিতে চরণে ?
 তার এবে এই ধ্যান, এই শুধু ত্রাস,—
 এ স্বপ্ন যদি রে টুটে, দেবতা পলায় !

গৃহলক্ষ্মী বিষ্ণুপ্রিয়া ;—তাহার যতনে
 অপূর্ব শৃঙ্খলা শোভা আসিয়াছে ঘরে ;
 স্বশ্রদ্ধাগতপ্রাণ বধু,—সহায় তাঁহার
 শত কাজে সেবাময়ী দুহিতার মত ;
 হরিভক্ত বিষ্ণুপ্রিয়া,—শুনিলে কীর্তন,
 ভাবে গদগদ হিয়া, নেত্রে বহে ধারা !
 আনন্দের সীমা নাই শতীর অন্তরে,
 পুত্র হ'তে পুত্রবধু যেন প্রিয় তাঁর !

সুখে কাটিতেছে দিন, হেনকালে এক
 ঘটিল ঘটনা, যাহে মাতার ভরসা,
 প্রিয়ার অতৃপ্ত আশা হ'য়ে এল ক্ষীণ ;

আরতি

প্রেমের নিগড়, বন্দী জানিল শিথিল ;
পিঞ্জরের লৌহদ্বার নিঃশব্দে খুলিয়া
পোষাপাখী নেহারিল আকাশ উদার !
—আপনি জননী তার করিলা উপায় !
—একদিন নিমায়েরে कहিলেন ডাকি',—
গয়াধামে পাদপদ্মে পিতৃপিণ্ডদান,
পুত্রের কর্তব্য কাজ ; আছে আজো বাকী
তোমার সে পিতৃকৃত্য ; এইবেলা গিয়ে
পিণ্ডদান ক'রে এস, বৎস, गयाধামে !—
মাতৃআজ্ঞা শিরে ধরি' পিতৃকৃত্য স্মরি'
করিলেন गयाযাত্রা গোরা শুভক্ষণে ;
যাত্রাকালে বিষ্ণুপ্রিয়া অঙ্গুলিসঙ্কেতে
নিভূতে প্রাণেশে ডাকি', চল চল চোকে
কহিল,—আসিও ত্বর ; রহিল পরাণ,
জানিও, তোমারি ধানে !— কহিলা হাসিয়া
রসিকসাগর গোরা,— পড়ি যদি সেথা
নবপ্রেমপাশে ?—রঙ্গপ্রিয়া বিষ্ণুপ্রিয়া
করিলা উত্তর,—ভাবিও না, আমি তাতে
আছাড়ি' পড়িব ভূমে, 'হা হতোষ্মি' করি'
মূর্ছা যাব এই দণ্ডে ? —কে চাহে তোমারে ?—

ছলভরে কহে গোরা, তবে হো'কু তাই !-
 বলিয়া, উঠিলা চকি' ! গেল ব্যঙ্গভাব ;
 কাঁপিতে লাগিল বক্ষ অকারণ ত্রাসে !
 বিষ্ণুপ্রিয়া সেইক্ষণে মন্মেষে মন্মেষে দহি'
 অসংযত রসনারে করিলা দংশন !
 বিদায় !—বলিতে, গোরা উঠিলা কাঁদিয়া !
 বিষ্ণুপ্রিয়া মুছিলেন নয়ন যখন,
 সজোরে লাগিল গিয়া কঙ্কণ কপালে !
 —এইরূপে দম্পতির হ'ল ছাড়াছাড়ি !

অবশেষে যথাকালে সঙ্গীগণ সনে
 গতি-তীর্থ গয়াধামে উত্তরিল। গোরা !
 কি যেন অভূতপূর্ব আনন্দের রসে
 ভাসিল পরাণ ! এ কি দৃশ্য-দর্শ-সুখ ?
 —গয়ার প্রকৃতি নহে নদীয়ার মত
 তেমন করুণকান্ত ; বহে ফল্লধারা,
 জাহ্নবীর মত সে কি আনন্দবাহিনী ?
 এমন হরিৎ ক্ষেত্র, নিকুঞ্জ শ্যামল,
 সবুজ ভূণের মাঠ, হেন পদ্মদীঘি
 গয়া কোথা পাবে ?—নিমাই প্রফুল্ল তবু !
 গদাধর দরশনে চলিলেন সবে ।

আরতি

তখনি মন্দিরদ্বার খুলেছে কেবল,
পাদপদ্ম দেখা দিল সবার সম্মুখে ;
পাদপদ্ম দেখা দিল নিমায়ের কাছে !
নির্বাক নিষ্পন্দ গোরা ; অনিমেষ আঁখি
নিশ্চল, নিমগ্ন আছে পাদপদ্ম মাঝে !
বহুক্ষণ কেটে গেল এমনি নীরবে !
ভাবিছে গয়ালী,—প্রত্যহ দর্শক কত
আসিছে যাইছে, এমন অদ্ভুত লোক
দেখি নি ত কভু !—‘দেরি দেখি’, রুক্মস্বরে
কহিল সে,—‘মন্ত্র পড়’ আচমন সারি’ ;
আরো বহু যজমান আছে পড়ি’ মোর !
পাষণ-মূর্ত্তিরে যেন কহিল সে ডাকি’ !
—বাহুজ্ঞানহারা গোরা, ঝরিছে নয়ন,
পুলকিত সর্ব অঙ্গ কাঁপিছে সঘনে ;
ধ্যানমগ্ন, ভাবিতেছে,—এই পাদপদ্ম
রহিয়াছে সর্বকাল চরাচর ব্যাপি’,
কোটি কোটি সাধকেরে করিছে আহ্বান !
এই সেই পাদপদ্ম,—পিতার যা গতি,
পুত্রের যা গতি,—গতি যাহা নিখিলের !
এই পাদপদ্ম মোর হৃদিপদ্ম মাঝে

ধরা দিতে দিতে গিয়ে, গেছে শেষে সরি' ।
 মুঢ় আমি, রতনের করি নি যতন !
 তুই মোরে, রে সংসার, ছাইভস্ম দিয়া
 এই পাদপদ্ম হ'তে রেখেছিস্ দূরে ;
 তুই মোরে, রে মায়াবী, প্রলোভন পাতি'
 ধরেছিস্ মায়া-ফাঁদে ; করেছিস্ বশ ;
 অবশেষে নিতেছিস্ অন্ধকূপে টানি' !
 ভেবেছিস্ , এমনই দ্বিধাহীন মনে
 তোর স্তূধা-বিষে সিক্ত রিক্ত-আশীর্ব্বাদ
 নিব মানি' শির পাতি' সারাটা জীবন ?
 —ভাবিতে ভাবিতে, চক্ষে নিভে গেল ধরা,—
 পড়িলা মূর্চ্ছিত হ'য়ে পাদপদ্ম'পরে !
 চীৎকারি' উঠিল সবে ; ধরাধরি করি'
 বাহিরে আনিয়া দেখে,—রক্তাক্ত ললাট,
 সংজ্ঞা আসিতেছে ফিরে ধীরে, অতি ধীরে !
 চেতন পাইয়া গোরা দাঁড়াল চকিতে ;
 শেষে, মুখে হরিবোল্,—নাচিতে লাগিল !
 আহত হয়েছে ভাল, নাহি তাহা জ্ঞান ;
 শোণিতের সনে মিশি' অশ্রু লহরী
 তিতি' অঙ্গ ঝর্ ঝর্ লাগিল ঝরিতে !—

আরতি

ফিরে এল সবে শেষে গয়াধাম হ'তে
বিকল গোরারে ল'য়ে নদীয়ায় যবে,
বিষ্ণুপ্রিয়া শিহরিল। !—জাগিল স্মরণে
পূর্ব কথা,—যাত্রাকালে অশুভ ঘটনা !
শচীমাতা উঠিলেন হাহাকার করি' !
পুত্রের লাগিয়া করাইলা স্বস্ত্যয়ন ;
গ্রহশাস্তি-আদি ; কাঙ্গালীরে দিলা দান !
প্রকৃতিস্থ হ'ল গোরা মাতার যতনে,
প্রেয়সীর শুশ্রুষায়, বন্ধুর সেবায় ।
পূর্বভাব কিন্তু আর আসিল না ফিরে !
শত ছলে স্নকৌশলে জানান সবারে,—
যেমন ছিলাম আমি রয়েছি তেমনি !
—জননী বুঝিয়া তাহা, ফেলেন নিঃশ্বাস ;
প্রিয়া তাহা বুঝি' মুছে নিভূতে নয়ন ;
ভক্তগণ জানি' দেয় অদৃষ্টের দোষ !—
শ্রদ্ধা প্রতিদিন যত্নে শিখান বধূরে
সরমের মাথা খেয়ে প্রেমের মোহিনী !
ছলাকলা নাহি জানে সে সরলা বালা,
যাহা শিখে, সেই দণ্ডে সব ভুলে' যায় ;
অগুণ্ঠিতা হয়ে যায় পতিসন্তাষণে !

কিন্তু সেই অনাবৃত প্রশান্ত সুষমা,
 —গোরা ডরে তারে!—কি মিষ্ট উত্তাপ তার;
 কি মদিরা সেই স্বচ্ছ বিশাল লোচনে;
 সেই মুখে; বাধ'-বাধ' আলজ্জ বাণীতে!
 সে কি ফেলিবার কিছু? পড়িয়া বন্ধনে
 ছট্‌ফট্‌ করে গোরা বিহগের মত,
 ছুটিতে শক্তি নাই, ছাড়াইতে সাধ!
 —কিন্তু, শেষে একদিন,—ঝঙ্কা যথা আসে
 নির্বাত নিষ্কম্প স্তব্ধ আঁধার আলোড়ি'
 পলকে, ক্ষণেক লাগি; কিন্তু রেখে যায়
 বিপ্লব-তরঙ্গকম্প শান্ত ধরাবুকে!
 তেমনি গোরার প্রাণে ঘনায় ঘনায়
 চিন্তার জমাট মেঘ,—ভাঙ্গিয়া গুঁমট
 তুলিল ঝটিকা এক; ফেলিল উলটি'
 স্বচ্ছন্দ জীবনযাত্রা কুসুমিত পথে!
 হেন মানসিক ঝঙ্কা ঘটায় বিপ্লব
 কচিৎ কাহারো প্রাণে, কোন শুভক্ষণে;
 নহে তাহা সকলের, সকল কালের;
 নিমেষের তাহা, কিন্তু করে সে সূচিত
 সে প্রাণের, সে যুগের মহা পরিণাম!

আরতি

কৃষ্ণাচতুর্দশীনিশি উদিল সেদিন
নবদ্বীপে ; উদিল সে শচীর ভবনে !
নিশি দ্বিপ্রহর যবে, হৃদয়ের মাঝে
উঠিল সে ঝঙ্কা,—গোরা জাগিলা চমকি' !
ভ্রমিতে লাগিলা কক্ষে চঞ্চল চরণে ;
বাতায়ন দিয়া দেখা যায় নীলাকাশ ;
নিস্তরু তিমিরে উঠিতেছে বিল্লীধ্বনি ;
শূন্যে যেন কারে চাহি' কহিলা সহসা
মৃদুস্বরে, আনমনে,—এই ত সময় !
নিদ্রা যায় নবদ্বীপ, ঘুমায় ভবন,
নিদ্রামগ্ন শচীদেবী, স্তম্ভ বিষ্ণুপ্রিয়া !—
এই ত সময় !—যেন শুনিলা স্বপনে,
কে কহিল অন্তরীক্ষে,—এই ত সময় !—
চকিতে আসিলা ফিরি' পালঙ্কের পাশে !
সে পর্য্যঙ্ক, সে প্রকোষ্ঠ, হেরিলা কাতরে,—
রহিয়াছে আমোদিত স্মৃতির সৌরভে !
ঘুম যায় বিষ্ণুপ্রিয়া, ম্লান দীপালোকে
ঘুমন্ত মুখের, মরি, হয়েছে কি শোভা !
মুক্তাসম দস্তপাঁতি দেখাবার ছলে
ঈষৎ রয়েছে ভিন্ন স্মিত ওষ্ঠাধর ;

চুস্বনের স্মৃতি বুঝি হাসে সেথা বসি' !
 কাঁপিছে কোমল বক্ষ নিঃশ্বাসের তালে ;
 চঞ্চল কুন্তলরাশি পড়েছে এলায়ে
 স্নন্দর মুখের'পরে, শিথানে, বাহুতে !—
 বহুক্ষণ অনিমেঘে নীরবে চাহিয়া,
 কহিলেন,—আহা, এত রূপ, এত গুণ !
 —হায় পতিব্রতা, হায় প্রেয়সী আমার ! —
 হায় হায় মা আমার, পুত্রপাগলিনী ;
 হা আমার জন্মভূমি, বন্ধু ভক্তগণ !—
 এমন কি হয় আর ? কে পেয়েছে এত,
 এমন নিশ্চল সুখ, শান্তি নিরাময় ?
 —পরদিন সূর্যোদয় সনে কেহ মোর,
 কিছু মোর রহিবে না ?—যাব না, যাব না !
 —গম্ভীর অশ্রুতল ভিন্ন করি' যেন
 হাহা হাহা অটুহাসি উঠিল অমনি !
 গ্রহ হ'তে গ্রহান্তরে পলে পলে তাহা
 লাগিল ঘুরিতে ; নক্ষত্রে নক্ষত্রে তা-ই
 লাগিল কাঁপিতে ; নিশীথ-পবনে ধ্বনি
 লাগিল ভ্রমিতে !—গোরা তাহা শুনিলেন,
 সমস্ত নদীয়া যবে রহিল বধির !

আরতি

—‘শিহরি’ চাহিয়া উর্ধ্বে ছাড়িলা নিঃশ্বাস !
কহিলেন,—আর কেন ? বিদায়, বিদায়,
হে সংসার ! অভাগিনী, হায় মাতা শচী,
বিদায় বিদায় ! অনাথিনী বিষ্ণুপ্রিয়া,
সুখের ভবন, প্রাণপ্রিয় বন্ধুগণ,
প্রিয়তম নবদ্বীপ, বিদায়, বিদায় !
তবে এস, হে নিষ্ঠুর বৈরাগ্য সুন্দর,
এস, এস, নবভাগ্য বিশাল ভীষণ !
এস, এস, হে তাপিত অনন্ত-জগত !
—আর সরিল না কথা ; নিঃশব্দ চরণে
করিলেন মহাযাত্রা ! দ্বারপ্রান্তে গিয়া,
শেষবার নেহারিলা সে স্মৃপ্ত মুখ ;
একটি চুম্বন উঠি’ নিমেষের মাঝে
মিলাইল চিরতরে অব্যক্ত অধরে !—
উদ্দেশে মায়ের পদে করি’ প্রণিপাত
বাহিরিলা পথে !—দেখিলেন,—মহাকাশে
গভীর নিশার তলে, নিবিড় তিমিরে
শুভ ষড়যন্ত্র কার রহিয়াছে ঢাকা
তাঁর নিষ্ক্রমণতরে ! ঘোরা তমসিনী
আবরিয়া দশ দিশি প্রতীক্ষিছে যেন

সেই পুণ্য-পলায়ন, মহান্ প্রয়াণ !
 স্নদূরে নক্ষত্রসারি নিবিছে, দীপিছে ;
 বিধাতার হস্তসম করিছে ইঙ্গিত
 পরম চরম লক্ষ্যে, প্রস্থানের পথে !—
 কম্পিত স্তম্ভিত হিয়া, চলিলা ছুটিয়া
 বন্দী যথা কারা ভাঙ্গি' ধায় উর্দ্ধশ্বাসে !
 নীরবে হইলা পার জাহ্নবী যখন,
 উঠিতেছে ক্ষীণচন্দ্র ; শীর্ণ জ্যোৎস্নালোকে
 পারে দাঁড়াইয়া, শেষবার পরপারে
 নদীয়ার স্তব্ধ-শোভা দেখিলেন চাহি' ;
 ছায়া-ছায়া দেখাইছে সুপ্ত নবদীপ,
 নিভিতেছে দীপগুলি ভবনে ভবনে ;
 উহারি একটি গৃহে, ভাবিলেন গোরা,—
 চিরতরে নিভে গেল দীপ একখানি !
 —পড়িল নিঃশ্বাস ধীরে ; ক্ষিপ্তপ্রায় ফিরে'
 ছুটিলেন কেশবের আশ্রম-উদ্দেশে ।

হেথা শচী দেখিছেন স্বপ্ন ঘুমঘোরে,—
 যেন দূর,—অতি দূর,—দৃষ্টি নাহি চলে—
 সেই উর্দ্ধলোক হ'তে একটি উজ্জ্বল
 আলোর মানুষ তাঁরি অঙ্গনে নামিয়া

আরতি

পশিল সে চোর সম নিমায়ের ঘরে ;
নিমাই যুমায়ে ছিল, জাগায়ে তাহারে,
আকাশে অঙ্গুলি তুলি' করিল ইঙ্গিত !
উঠিল নিমাই ;—শচী ধরিলেন তারে,
মাতৃবন্ধ যত বল ধরে, সেই বলে ;
মাতৃবাহু যত ধরে আকর্ষণ, সেই
আকর্ষণ দিয়া ! কিন্তু, যেন সে মায়াবী
স্নেহগর্ব, মায়া-পাশ চূর্ণ, ছিন্ন করি'
নিমায়েরে কোলে করি' উঠিল আকাশে !
—এইখানে স্পন্দসনে ভেঙ্গে গেল ঘুম !
কাঁপিতে লাগিল মাতা ; আলুথালু বেশে
ছুটিলেন তনয়ের শয়নমন্দিরে,
বৎসহারা গাভী যথা ধায় উভরড়ে
কাতর নিনাদ তুলি' শাবক-সন্ধানে !
—বিষুপ্ৰিয়া সেই শব্দে উঠিলেন জাগি' !
কোথা নাথ ! কোথা নাথ !—বলি' অনাথিনী,
বাত্যাহতা ছিন্নমূল-লতিকার মত
পড়িলা মূর্চ্ছিত হয়ে পালঙ্কের'পরে ।
চীৎকারি' উঠিলা মাতা,—নিমাই ! নিমাই !
—সে করুণ আর্তনাদ করুণার বুকে

নিবিড় তিমির চিরি' বাজিল বা গিয়ে !
 নিমাই ! নিমাই !—আবার আহ্বান সেই !
 —খুঁজিতে লাগিলা মাতা আকুল আগ্রহে
 একি স্থান শতবার করি' ; নাহি শ্রম,
 নাহি ঘুচে ভ্রম । প্রতি কোণ, অন্তরাল
 খুঁজিলেন আঁতি-পাতি ; নাই, কেহ নাই !
 উঠান, উঠান, মাঠ আসিলেন খুঁজি'
 অন্ধকার হাতাড়িয়া, উন্মত্তার মত ;
 নাই, কেহ নাই ! কোথা যেন কিছু নাই !
 আঁধার দেখিলা ধরা,—পড়িলা মূর্চ্ছিয়া !

বাহিরে ডাকিছে কাক, জাগিতেছে আলো ;
 ভক্তগণ বেড়ি' দুটি শোকের প্রতিমা
 বসিয়া রহিল চিত্রপুত্তলীর প্রায় ;
 তিন দিন অন্ন কেহ লইল না মুখে ;
 হায়-হায় হাহাকারে পূরিল নদীয়া ;
 বহুদিন ভুলিল না সেদিনের কথা !

এদিকে কেশবে ডাকি' কহিছেন গোরা,—
 বৈরাগ্যে দীক্ষিত, গুরু, কর আজি মোরে ।
 —সন্ন্যাসীর শুষ্ক নেত্র উঠিল ভরিয়া,
 কহে বাষ্পরুদ্ধকণ্ঠে,—ক্ষেপেছ নিমাই ?

আরতি

ঘরে যশস্বিনী মাতা, মনস্বিনী প্রিয়া,
সেই প্রেমে পূণ্যে ভরা সোণার সংসার !
গিয়াছ কি ভুলে' সব ?—ক্ষেপেছ, নিমাই !
এখনো রয়েছে নিশি ;—দুঃস্বপন বলি'
আজিকার কথা দৌহে রাখিব স্মরণ ;
কেহ জানিবে না কিছু,—হে বিশ্বাসঘাতী,
ফিরে যাও অনাহত পুরাতন প্রেমে ;
প্রব্রজ্যা তোমারে নাহি সাজে, হে যুবক !—
উত্তর করিলা গোরা,—তেমন সতেজ
কণ্ঠ শুনেনি সন্ন্যাসী,—চিনিবু তোমায়,
যাও ভণ্ড, ভেক ছাড়ি' করগে সংসার ! ,
তুমি কি ভেবেছ মোরে ক্ষুদ্র ভেকধারী ?
এসেছি সাধিতে কৃচ্ছ্র তুচ্ছ মুক্তিতরে
স্নেহেরে করিয়া দীন, প্রেমেরে মলিন,
পৌরুষে করিতে হ্রাস, সেবারে উদাস ?
আমি কি জানি না সেই নিরপরাধিনী,
প্রাণাধিকা সরলারে ; আর পুত্রপ্রাণা
সে দেবীরে !—যে ছেড়েছে এত, তারে মিছে
বৈরাগ্যের বিভীষিকা দেখাও, ঠাকুর !
জান না ত, কোন্ লোভে হয়েছি বাহির ;

সে যে নিখিলবাহিত ধন, অতুলন
 একখানি পাদপদ্ম ! তা-ই ভিক্ষা মাগি'
 পথে পথে বেড়াইব কান্দালের মত !
 —বলিতে বলিতে কথা, আসিল আবেশ ;
 নেত্রে দর দর ধারা, থর থর তনু !—
 নতজানু হ'য়ে কহে কেশবভারতী,—
 নয়নে বহিছে নীর,—গুরুদেব, আজি
 মোরে মোহপঙ্ক হ'তে করিলে উদ্ধার ;
 দীক্ষা-ভিক্ষা মোর কাছে,—করুণা তোমার !

তার পরে ধীরে ধীরে মুণ্ডিতমস্তকে,
 গৈরিক কৌপীন পরি', অঙ্গে ভস্ম লেপি',
 উপবীত সনে তাজি' ব্রহ্মণ্য-বড়াই,
 দাঁড়াইলা গৌরচন্দ্র, পূর্ণচন্দ্র যেন !
 রমণীয় কমণীয় কান্ত মূর্তিখানি
 অপার্থিব মহিমায় উঠেছে জ্বলিয়া !

আরতি

তৃতীয় সর্গ

সাধক

টলমল নবদ্বীপ ভাবের তুফানে ;
শান্তিপূর ভেসে যায় প্রেমের প্লাবনে ;
ডেকেছে হৃদয়-বন্না, উঠেছে জোয়ার ;
সাধন-অমিয় মাঝে আকণ্ঠমগন ;
সরস মধুররসে হিয়া ভরপুর !
বাজে খোল করতাল মৃদঙ্গ মাদল ;
উড়িতেছে নামাবলী কাতারে কাতারে ;
পথে পথে সংস্কীৰ্ত্তন, নৰ্ত্তনের ধুম ;
হরিনাম-সুধা পিয়ে মাতাল সবাই ;
মুকুলিত মুখরিত শত শত প্রাণ !
—কে আনিল সুপ্ত বঙ্গে এ মত্ত উচ্ছ্বাস ;
নদেবাসী উভরড়ে কোথা ছুটে' যায় !
ফিরে কি আসিল আজ নদীয়ার শশী,
জাগিয়া উঠেছে তাই মৃত নবদ্বীপ ?
ধায় যত নদেবাসী গৌরসম্ভাষণে !
ছলুস্বল পড়ে' গেছে পাড়ায় পাড়ায় ;
গোরা এসেছে গো ফিরে !—সকলের মুখে

এই কথা ; তরঙ্গিত হৃদয় সবার ;
 কি নিধি এনেছে যেন কি অমূল্য ধন,
 তারি লোভে ছুটিছে বা কাঙ্গালীর দল !
 কেহ চাঁদমুখখানি সজল নয়নে
 হেরিতেছে, রাজগ্রন্থ ; শ্রী-অঙ্গের পানে
 চাহিতে পারে না কেহ, ভস্মমাখা দেখি' !
 শোকাবুল ভক্তগণ ; হাসিছেন গোরা !

যেদিন লইলা দীক্ষা কেশবের কাছে,
 সেই দিন গুরুপদে লইয়া বিদায়
 চলিলেন দ্রুতপদে নবীন সন্ন্যাসী ;
 ছাড়ি' ঘন লোকালয় পশিলা ক্রমশঃ
 গ্রামের নিস্তব্ধ প্রান্তে ;—হেরিলা অদূরে,
 কলস্বনা ভাগীরথী যাইছে বহিয়া ;
 বিজন পুলিনে সুরভিত স্নশোভিত
 শ্রেণীবদ্ধ নানাজাতি বিটপীর সারি ;
 সেই তটতরুরাজি দীর্ঘশাখা নাড়ি'
 ডাকিতেছে যেন নব নর-অভাগতে !
 বুরু বুরু বহিতেছে দক্ষিণা বাতাস ;
 গাহিছে একটি পিক বসন্তের গান ।
 প্রাণ ভরি' পান করি' জাহ্নবী-জীবন,

আরতি

বসি' স্নিগ্ধচ্ছায়াতলে শ্যামভূগাসনে
সেদিনের মত গোরা লভিলা বিশ্রাম !

ব্রাহ্মমূর্ত্তেতে উঠি' পরদিন প্রাতে,
প্রাত-স্নাত, শুদ্ধ-দেহ, প্রফুল্ল-মানস,
বসিলেন ছায়াস্নিগ্ধ শেফালির মূলে,
সাধন-সমাধি মাঝে পদ্মাসন করি' ;
স্তিমিত মিলিত নেত্র, অন্তঃপ্রসারিত,
শান্ত সমাহিত চিত্ত, নির্লিপ্ত নিকাম,
কঠিন সংযমে আর নিষ্ঠায় নিয়মে,
ঐকান্তিকী শ্রদ্ধা ল'য়ে, মগ্ন মৌনী হ'য়ে
সপ্তদিবানিশি গোরা রহিলেন ধ্যানে !
মিতাহার ফলমূলে, নিদ্রাহারা আঁখি
নাহি হেরে জনপ্রাণী, প্রকৃতির মুখ ।
সপ্তদিন চৈত্র-নভে উদিল না মেঘ,
রহিল প্রসন্ন, স্নিগ্ধ বিমুক্ত-প্রকৃতি,
বহিল বসন্তবায়ু পরিমল মাখি',
জাহ্নবী ধরিল কাছে স্নগস্তীর তান,
ঝরিতে লাগিল শিরে শেফালিকারশি
দেবতার আশীর্ববাদী নিৰ্ম্মাল্যের মত !
সর্বশেষদিন গোরা বুঝিলেন,—যেন

কোন অখণ্ডিত-সত্য, গুহ-তত্ত্ব-বীজ
উপ্ত হ'য়ে গেল হৃদে ; অঙ্কুরিত হ'ল ;
ধীরে ধীরে ফলফুলে হ'ল বিকশিত ;
প্রকট হইল শেষে হৃদয়ের পটে !
ভক্তি তার ভর-ভিত্তি ; প্রেম তার প্রাণ !

মানসকমলাসনে বসিয়া কে যেন
ঘোষিলা আদেশবাণী,—সাজ্জ তোর কাজ !—
সেইক্ষণে চক্ষু মেলি', ত্যজি' যোগাসন
অতিমধুপানে অন্ধ, মুগ্ধ ভৃঙ্গসম
গুঞ্জনে অঙ্কম, কিন্তু হৃদি তরঙ্গিত,
ঘুরিতে লাগিলা গোরা সমাধির পাশে
বিব্রত, বিহ্বল ; শেষে উৎসাহে অধীর,
উঠিলা ডাকিয়া সেই নিস্তব্ধ নির্জনে,
কহিলা ডাকিয়া যেন তুষিত নিখিলে,—
পাইয়াছি ! পাইয়াছি ! সাধনের ধন
পাইয়াছি ! প্রতিধ্বনি উঠিল ডাকিয়া,—
পাইয়াছি ! মনে হ'ল, জাহ্নবী-জীবনে
সেই ধ্বনি ফুটিল অক্ষুণ্ণে,—পাইয়াছি !
—বাহিরিলা গৌরচন্দ্র ;—সন্ধ্যার আকাশে
উঠিতেছে পূর্ণচন্দ্র ; বাসন্তী পূর্ণিমা

আরতি

তরল লাবণ্যরাশি শ্যামল প্রান্তরে,
তরুশিরে, কাণ্ডে, পত্রে, স্তবকে স্তবকে,
জাহ্নবীর প্রত্যেক উন্মির স্তরে স্তরে
ঢালিছে নীরবে ! মৃদুমন্দ মিষ্ট বায়ু
বেড়ায় কাকলি করি' শিহরি' শিহরি' !
ভাবোন্মত্ত কহিলেন চাহি' উদ্ধপানে
করযোড়ে সম্বোধিয়া পূর্ণিমা-ঈশ্বরে,—
ধন্য ধন্য, তুমি সুধাকর, এত সুধা
পাইয়াছ আপনার পুণ্য-অধিকারে,
কিন্তু তব নাই গর্ব, নাই রূপণতা,
বিলায়ে দিতেছ তাহা অকুণ্ঠিত মনে
জলে স্থলে, চরাচরে, আঁধারে পাথারে ।
পাত্রাপাত্র নাই ভেদ, উদার বিচার !
আপনারে রাখ নাই রুদ্ধ ক্ষুদ্র করি'
আপনারি সুমধুর সমস্তাগের মাঝে !
আজি মোরে, তুমি দেব, কর আশীর্ব্বাদ,
হৃদয়-সাগরে মোর যে বণ্ণা ডেকেছে,
যে তুফান উঠিয়াছে, যে মত্ত বেজেছে,—
সে সুধাতরঙ্গভঙ্গ পারি যেন ধরি'
প্রতি হৃদয়ের খাতে বহাইয়া দিতে ;

কূলে কূলে টলমল পরিপূর্ণ করি',
 প্রাণ ভরে' পারি যেন করিবারে দান !
 হাসিতে লাগিল চাঁদ ; ছুটিলেন গোরা
 লোকালয়-অন্বেষণে ; নীড়হারা পাখী
 ছুটে যথা সন্ধ্যা হেরি' কূলায়-উদ্দেশে !

গ্রাম হ'তে গ্রামান্তরে ফিরিছেন গোরা
 ভাবতত্ত্ব প্রচারিয়া ঘরে ঘরে ঘুরি' !

—অনুভব করে সবে,—পশিয়া কে যেন
 মরমের মর্মে, মুছি' গোপন দীনতা ;
 নিভৃতে নিগূঢ় ব্যথা দিতেছে জুড়ায়ে ;
 হৃদয়ের গুহ্য কথা বলিছে ডাকিয়া ;
 দ্রব করিতেছে প্রাণ যেন কোন্ রসে !
 —মজিতেছে ভক্তগণ, হ'তেছে দীক্ষিত
 যুগবিবর্তনকারী নবধর্ম্মে আসি' ;
 ভক্তি যার ভর-ভিত্তি ; প্রেম যার প্রাণ !

উঠিতেছে মহাবাগী গম্ভীর নির্ঘোষে,—
 ভক্তিছাড়া, প্রেমহারা,—তপস্যা মলিন ;
 গৃহীর গার্হস্থ্য পণ্ড ; বীরের বিক্রম,
 ধনীর ঐশ্বর্য্য খর্ব্ব ; গুণীর প্রতিভা,
 স্বদেশবাৎসল্য ব্যর্থ ; ভক্তি-ভিত্তিহীন

আরতি

জ্ঞানমার্গ, উন্মার্গের মত ; প্রেম-প্রাণ
হারা হ'লে, কস্ম্যযোগ, মিথ্যা কোলাহল !
—সূক্ষ্ম সত্য প্রচারিয়া ফিরিছেন গোরা,
প্রাণে প্রাণে বিঁধিছে তা অঙ্কুশের মত !
একে একে ফিরিতেছে ভ্রষ্টপথ হ'তে ;
হরিনাম-রসায়ন দিতেছেন সবে !

হেনকালে একদিন, দৈবের ঘটন,
নিতাই মিলিল আসি' নিমায়ের সাথে !
মেঘাচ্ছন্ন ছদ্ম দিব্য জ্যোতিঃপুঞ্জ হেন,
হেরিলেন গৌরচন্দ্রে, বিমুগ্ধ নিতাই !
ভস্মাবৃত বহ্নি যেন চাহিছে ইন্ধন,—
নিত্যানন্দে হেরি' গোরা বিচারিলা মনে !
প্রথম দর্শনে প্রেম জাগিল দৌহার ;
অবিলম্বে দৃঢ়বদ্ধ আলিঙ্গন-পাশে ;
আলোকে অনলে যেন হ'ল সন্মিলন !
পুরাতন আত্মীয়তা যেন পরস্পরে ;
পলকে পড়িলা দৌহে চিরপ্রেম-পাশে !
দৌহার নয়নজলে ভিজেন দু'জনে,
হৃদয় ভিজিয়া গেছে করুণার জলে !
নিমাই নিতায়ে শেষে কহিলা একদা,—

গুহ্য কথা কহি তোমা ;—সাধনার পথ
 পাইয়াছে এ মোহান্ন বহু ভাগ্যফলে ;
 হে মোর দক্ষিণ বাহু, হে মোর নিতাই,
 সেই ধর্ম্মে দীক্ষা নিতে হবে তব আজি !
 সেই ধর্ম্মে দীক্ষা তব দিতে হবে সবে !
 এত বলি', বীজমন্ত্র দিলেন নিভূতে ;
 বাত্মকর যেন তার দণ্ড ঠেকাইল !
 —নিতাই দাঁড়াল উঠি', মুখে হরিবোল ;
 অঝোরে ঝরিছে ধারা কপোল বাহিয়া ;
 কহিছে,—দয়াল, মোরে কি সুখা পিয়া'লে !
 সন্মাসীর শুক প্রাণে কি ধারা বহা'লে !
 যুচে' গেল সর্ব্ব গ্লানি, সকল সংশয় ;
 এ অমৃত মাঝে, সাধ,—মজে' মরে' থাকি !
 উত্তরিল গোরা,—তৃপ্তি নহে এইখানে ;
 হে সাধক, ভেবে দেখ সমাপ্তি এ নহে !
 সাধকের ধর্ম্ম নহে তত্ত্বধন ল'য়ে
 গুপ্ত হ'য়ে আত্মমাঝে তৃপ্ত-মনোরথে,
 অলসে, হরষে, রসে শুধু তারি ধ্যান ।
 সে যে ঘোর দৈত্য ; সে যে স্থগ্য কৃপণতা !
 প্রকৃষ্ট কর্তব্য,—তত্ত্ব সর্ব্বত্র প্রচার ;

আরতি

প্রধান সাধন-অঙ্গ,—পতিত-উদ্ধার ।
ছার শুষ্ক উপদেশ ; দূর প্রাণগুলি
আপনার প্রাণ দিয়ে তবে ধরা যায় !
—সেই ব্রত উদযাপনে হইয়াছে সাধ ;
হে সন্ন্যাসী, তপোবল আছে তব যত,
হে বীর, সংযম-ফল আছে যা সম্বল,
সব লয়ে হও মোর সঙ্কল্পে সহায় !
নদীয়ায় নিতে হবে আশু এ উদ্দেশ্যগ ;
সে যে মোর মাতৃভূমি ! প্রবাসী পুত্রের
ব্রতের প্রথম ফল প্রাপ্য আগে তার ;
নহে শুধু তাই,—সেথা পড়ে' আছে মোর
ছিন্ন-ভিন্ন সেনাদল,—অর্ধ বাহুবল
এ সাধন-সমরের । মিলিত-উদ্যমে
ভাসাইতে হবে ধরা হরিনামস্তোত্রে !

তার পরে এক দিন গাহিতে গাহিতে
বাহু তুলি' নাচি' নাচি', নামসংস্কীৰ্ত্তন,
সঙ্গে ল'য়ে ভক্তবৃন্দ উত্তরিলা গোরা
অবসন্ন নদীয়ায় বহুদিন পরে ।
তাই নদীয়ায় ওই হর্ষ-কোলাহল !
একে একে, দশে দশে পড়সীরা সবে

বলে,—শচী, নিমু তোর এসেছে ফিরিয়া ;
 ওঠ, অভাগিনী, তোর দুখ-নিশি ভোর !
 বয়স্কারা রঙ্গভরে বিস্মুপ্রিয়া পাশে
 বহিয়া আনিল এই সুখ-সমাচার !
 শ্রদ্ধা বধু জাগিলেন পুলকে সে প্রাতে,
 ভাবিলেন, নিশাশেষে ঘুমঘোরে বুঝি
 দুঃস্বপন দেখেছেন দৌহে একসাথে !
 —হায় তেজস্বিনী মাতা, তপস্বিনী বধু,
 আহা বৎসহারা, আহা প্রিয়-বিরহিনী,
 এ যদি হইত স্বপ্ন, তাও ছিল ভালো !
 স্বপ্ন চিরদিন ভালো বাস্তবের চেয়ে !
 এতই কি হয় উগ্র নিরাশার তাপ,
 আশা যদি মাঝে মাঝে না দেয় ইন্ধন ?—
 নাহি জান, তোমাদের নিমাই,—সন্ন্যাসী ;
 জীবিতে সে মৃত আজ সংসারের কাছে !
 আর কি পারিবে তারে ফিরাতে বন্ধনে ?
 সে নিমাই আর কি গো আছে তোমাদের ?
 আজি সে যে নদীয়ার ;—সমস্ত বিশ্বের !
 নাই স্নেহ-পঙ্কপাত, মোহ-দুর্বলতা ;
 ঘর, পর তার কাছে তুল্য মূল্যহীন !

আরতি

শুনিলেন যবে দৌঁহে সে দারুণ কথা,
বজ্রাঘাত হ'ল শিরে ; হাসির বিজলী
নিমেষে ঢাকিয়া গেল বিষাদের মেঘে ;
আবার সে ধূলিশয্যা হ'ল শুধু সার !

ব্রহ্মচারী গৌরচন্দ্র ; তাঁর পক্ষে এবে
নারীমুখ দরশন, বিষম পাতক !

কিন্তু জননীর বেলা নহে সেই বিধি ;
জননী—জননী ; নন সামান্য রমণী !
মাতারে ভেটিতে গোরা করিলেন মন ;
মাতৃসন্তাষণে সৌম্য চলিলা একক ।

তখন প্রভাতসূর্য্য হয়েছে প্রকাশ ;
বহিছে শীতল বায়ু ; গাহিছে পাপিয়া ;
বাঁশবনে উঠিয়াছে মধুর মর্ম্মর !—

অস্থিচর্ম্মসার, যেন প্রেতাত্মা শচীর
অঙ্গনে বসিয়া আছে, হাতে জপমালা !

সব গেছে ; এইটুকু ঘুচে নাই আজো ;
দুই বেলা হরিণাম, তবে অগ্র কাজ !

—কোন্ কাজ ?—শুধু চিন্তা, কেবল রোদন !
হেনকালে কে শুনাল,—প্রতিবেশীগৃহে
এসেছেন গোরাচাঁদ ভেটিতে তোমারে !

ছুটিলেন সেইক্ষণে, আলুথালু বেশে
 পুত্রবিরহিনী !—জননীরে প্রণমিয়া
 দাঁড়াইলা নতমুখে নবীন সন্ন্যাসী !
 দেখিয়া বিদরি' গেল জননীর বুক !
 বহু যত্নে অশ্রুজল মানিল বারণ ;
 আশীর্ব্বাদ করি' পুত্রে, সবলে সাহসে
 টলমল মাতৃহিয়া বাঁধিলেন শচী ;
 স্নেহদুর্গ রাখিলেন সুরক্ষিত করি' !
 সুধাইলা গাঢ়স্বরে অভিমানী মাতা,—
 নিমাই, কি ধন ল'য়ে ফিরিয়াছ দেশে ?—
 'ঘরে' বলিবার তাঁর কোন্ অধিকার ?
 তাই, 'দেশে' এ কথাটি অনেক আয়াসে
 উচ্চারিলা স্থির স্বরে ! প্রথম সেদিন
 মা'র কাছে পরাভূত হইলা নিমাই ;
 সেই প্রথম বাধিল কণ্ঠ ; উত্তরিলা
 জড়িত স্থলিত স্বরে,—কই, কিছু নহে !
 মায়ের নিব্বন্ধে, শেষে করিলা ব্যাখ্যান
 ভাবতত্ত্ব ।—ক্ষণকাল রহিয়া নীরব,
 কহিলেন,—প্রচারের তরে বহুদূর
 যেতে হবে ; অল্পদিন আছি নদীয়ায় ;

আরতি

তাই আসিয়াছি ছুটি' চরণ-দর্শনে !—
ক্ষণকাল নীরব উভয়ে । দৃঢ়স্বর
শুনি' মাতা বুঝিলেন, অটল সে পণ !
রহিলেন স্তব্ধ হ'য়ে মাতৃ-অভিমানে ।
পুত্র ভাবিলেন,—তুচ্ছ সান্ত্বনার কথা !
তাই ছুটি ছল্ ছল্ বিশাল লোচনে
ক্ষুদ্র অপরাধী সম রহিলেন চাহি'
সেই স্নেহক্ষমাময় মাতৃমুখ পানে ।
তবু টলিলা না মাতা ; মনে এল তাঁর
অতীতের কত কথা !— বহুদিন গত,
তখন নিমাই শিশু : একান্ত নির্ভরে
কেমনে আঁকড়ি' ছিল মাতৃবক্ষে মোর !
মনে হ'ল,—কেমনে তখন স্নেহে মোহে
লালনে আচ্ছন্ন করি' রেখেছিলাম তাকে !
—সে গোরা আমার ছিল ; নিতান্ত আমারি !
নিমাই দেবতা আজি ; পূজ্য ঘরে ঘরে !
যুটিয়াছে সহচর, অনুচরদল ;
নবধর্মপ্রচারক ; উন্নত-মস্তক !
—এ গোরা ত মোর নহে !—সেই স্নেহ-পাশ
যে ছিঁড়িল অনায়াসে ; সেই স্তম্ভ-ঋণ ?

যে শোধিল এইরূপে, হেন নিঃসংশয়ে !
 —সে গোরা ত মোর নহে !—আছতি পড়িল
 অভিমানে ; কহিলেন পুত্র পানে চাহি,—
 বৎস মোর, বজ্রমন্ড্রে কি ঘোষিলে তুমি ?
 লাগিল পরাণে মাত্র ছন্দটুকু তার ;
 সংসার সীমার প্রান্তে যে বারতা আছে,
 তারি মত ভয়ঙ্কর, অদ্ভুত, বিশাল ;
 মূঢ় নারী বুঝে তাহা, শক্তি কত তার ?
 উঠে যবে নীলাম্বরে গম্ভীর নির্ঘোষ,
 মর্ত্যবাসী চেয়ে থাকে চকিত, স্তম্ভিত,
 শুধু শূন্য পানে ; নাহি বুঝে কি সে বাণী,
 কি অর্থ তাহার ; শুধু সতয়ে সন্ত্রমে
 অভ্রভেদী সে নিনাদে স্তব্ধ হয়ে থাকে !
 তাই আজ প্রত্যুত্তরে সংসার সীমার
 ক্ষুদ্র সুখ-দুঃখ কথা হইবে শুনিতে !
 বলিতে পাব না আর, রবে না সময় !
 —বহু আশা করেছিল অভাগিনী শচী ;
 এক আশা ছিল তার, সিংহাসন পাতি’
 বক্ষোমাঝে ; ভেবেছিল,—পুত্রের সন্তানে
 পুত্রাধিক স্নেহে যত্নে আপনার হাতে

আরতি

তুলিবে মানুষ করি' ; শিখাবে তাহারে
কত কথা, কত খেলা নিভূতে বসিয়া ;
সেই শিশু হবে তার বার্কক্যের সাথী !
শিশুহাস্তমুখরিত আনন্দ ভবনে
তার শেষ-দিনগুলি দিবে কাটাইয়া !
কিন্তু বিধি পুত্রগর্বেব ধন্য করি' তারে,
অভাগীর পৌত্র-ভাগ্য করিলা হরণ !
নিমাই রে, সেই সাধ পূর্ণ হ'ত যদি !
তার মুখে তোরে হেরি এই পুত্রহারা
প্রবোধ পেত না কিছু ? থাকিত না বাঁচি',
আঁকড়ি' তাহারে এই শূন্য বক্ষমাঝে
জুড়াইতে দীর্ঘ দগ্ধ প্রাণ ? কিন্তু, বৎস,
চেয়ে ছাখ, কোথা মোর কিছু নাই আজ ;
অন্ধকার বর্তমান ; শূন্য ভবিষ্যৎ !
.....ভাঙ্গিল ধৈর্যের বাঁধ, টুটিল বিশ্বাস ;
ত্রস্তে মাতা গৃহে পশি' রুধি' দিলা দ্বার !
দেবতা-নিমাই পড়ি' রহিল বাহিরে ;
ছুলাল-নিমাই চাপি' বসিল অন্তরে !
বারেক কি স্নেহমোহে ভাবেন নি মাতা ?—
পুত্র তাঁর কোন ক্ষণে রুদ্ধ দ্বার ঠেলি'

দাঁড়াবে সহসা, কাঁদিয়া সাধিবে তাঁরে,—
 মা জননী, ডেকে লও ছুলালে তোমার ;
 সন্ন্যাস রহিল পড়ি' এ জন্মের মত ;
 নিমাই আবার তোর হইল সংসারী !
 ---বারেক কি দ্বার পানে চান নি কুহকে,
 উৎসুক নয়নে, মাতা, উন্মুখ শ্রবণে ?
 গুরু গুরু বহে শ্বাস, দুরু দুরু বুক !

উঠিলেন গোরা, বক্ষে বেজেছে আঘাত ;
 মহা ঝঞ্ঝা ব'য়ে গেল মাথার উপরে !
 কিস্তু যদি একবার নব বনম্পতি
 ভূমিতলে করি' বসে শিকড় স্থাপন,
 সে যেমন রহে স্থির ঘোর বাত্যাঘাতে,
 তেমনি রহিলা গোরা স্থির এ আহবে !
 করুণা রাখিল তাঁরে নিকরুণ করি' ;
 বিশ্বাস করিল তাঁরে বিশ্বাসঘাতক !
 পতিতের আর্তনাদ লাগিল ধ্বনিতে
 বক্ষপুটে ; পাদপদ্ম পড়িল স্মরণে !
 বাহিরি' আসিলা চুপে স্নেহদুর্গ হ'তে !
 ধরিল সকলে,—অভাগিনী বিষ্ণুপ্রিয়া,
 একবার শেষ-দেখা দিয়ে যাও তারে !—

আরতি

কহিলা নিমাই,—ভাবিও না, বঙ্কুগণ,
এই হৃদয়েরে মোর আছে অবিশ্বাস !
সত্যভ্রষ্ট হব তাতে, এই শুধু ডরি' ।
বুঝিয়া নীরব হ'ল অন্তরঙ্গগণ ।
আর নাহি দেখা হ'ল প্রেয়সীর সনে !
বিষুপ্রিয়া এই বার্তা পাইলেন যবে,
কহিলা পতিরে চাহি',—আমি ত জানি না,
প্রাণনাথ, এত উচ্ছে তুমি ! ক্ষুদ্র ওরা,
তোমাতে নিন্দিলে তাই !—বন্ধুর মতন,
নিন্দুকেরা বৃহত্তর সঙ্গী চিরদিন !
কীর্তিরে করিতে দীপ্ত, কুৎসা জ্বলি' উঠে
বিষ যথা জরি' জ্বলি' বাড়ায় অজ্ঞাতে
নীলকণ্ঠ-কণ্ঠের গৌরব !—আমি জানি,
ভালবাস তুমি মোরে, কিন্তু, সত্য আজ
প্রিয়তর তোমার নিকটে ; তাই আজ
দেখা দিলে মহিমায় জয়যুক্ত হ'য়ে
দীনার নিকটে ! এতদিনে বুঝিলাম,
গৃহে গৃহে কেন পূজে তোমাতে, দেবতা !
ধূলির অধম আমি, বাসনা-বাতাসে,
নির্বাক করিতে চাই তব পুণ্যাশিখা ?

তোমারে পাইতে চাই ক্ষুদ্র তৃপ্তি মাঝে ?
 থাক তুমি আপনার উত্তুঙ্গ শিখরে
 শত শত হৃদিপদ্মে সিংহাসন পাতি' !
 কে আমি, তোমার পদে কুশাক্ষর সম
 বিঁধিয়া রহিব সাথে ; করিব পৌড়ন ?
 তুচ্ছ করে' যাও মোরে, নাহি দুঃখ তাতে !
 চাহি না তোমারে আর ; এই ভাগ্যবতী,
 পতি-ভাবে পাইয়াছে তোমারে, সুন্দর,
 জীবন-মরণে ! ধন্য আমি, তৃপ্ত আমি
 এই ভাবি',—পেয়েছিছু তোমারে একদা,
 হে দেবতা, এই ছুটি রিক্ত-বাহুপাশে ;
 দিয়েছিছু মুগ্ধ করি' সর্ব-সমর্পণে
 দুর্জয় হৃদয় ! খেলেছিছু হেলাভরে
 তব স্নেহ মোহ দৈন্য দুর্বলতা ল'য়ে !
 আজ সেই বিস্ময়প্রিয়া পতি-গরবিনী ;
 নহে পতি-সোহাগিনী সামান্য রমণী !
 -- আর না সরিল কথা ; পড়িল লুটিয়া
 বিটপীবিচ্যুতা লতা ধূলিশয্যামাঝে !
 সে অবধি, পতিব্রতা লুকায়ে লুকায়ে
 ব্রহ্মচর্য আরম্ভিল নিষ্ঠায় নিয়মে ।

আরতি

চতুর্থ সর্গ

সিদ্ধ

ভক্তি যার ভর-ভিত্তি, প্রেম যার প্রাণ,
অশ্রু যাহে শুদ্ধিজল, নামে মোক্ষ যাহে,
সে সত্য কি রহে ছদ্ম ; হয় অনাদৃত ?
সহজ-সাধনমার্গ, সরল-বিশ্বাস,
নব নব আনন্দের আবির্ভাব ধ্যানে,
ধারণায় স্নিগ্ধ-শান্তি, কন্ঠে ভরা ক্ষেম,
জীবে দয়া, বিশ্বে প্রেম, পতিতে করুণা,
যে তত্ত্বে নিহিত,—তা কি বার্থ হইবার ?
তুষিত তাপিত বিশ্ব মহাপ্রস্থানের
অনায়াসে লভে যাহে দুর্লভ পাথের,—
প্রভঞ্জনপ্রবাহিত অগ্নি-উল্কা সম
সে ধর্ম ছড়ায়ে গেল দেখিতে দেখিতে ;
ভক্তি তার ভর-ভিত্তি, প্রেম তার প্রাণ !

শ্রীবাসের আজিনায় চলেছে কীর্তন,
দিনরাত বহিতেছে ভাবের জোয়ার ;
এত ঢালে, প্রেম-পাত্র তবু না ফুরায় ;

আরো লও, আরো ঢাল,— এই শুধু বুলি !

গোরা লক্ষ্য করিছেন,—যুবা একজন
প্রতিদিন সসঙ্কোচে বহু দূরে বসি’
বহুক্ষণ একমনে শুনে সংস্কীৰ্ত্তন ;
ঝর্ ঝর্ ঝরে ধারা তার ছনয়নে !
চেয়ে থাকে অনিমেঘে কভু তাঁরি পানে
ছল্ ছল্ আঁখি তুলি’ ঢল্ ঢল্ মুখে !—
ভাবিলেন গৌরচন্দ্র,—তবে বুঝি এর
কোন কথা আছে বলিবার, কোন ব্যথা
আছে জুড়াবার !— তবে ত এ বন্ধু মোর !
একদিন একেবারে ছুটে’ গিয়ে তারে
দিলা কোল !—সবিস্ময়ে চাহে ভক্তগণ !—
যুবা কহে,— সাধুস্পর্শে কণ্টকিত তনু,—
কৃপাময়, এত দয়া অধমের প্রতি ?
বলি তবে তব কাছে মোর ইতিহাস,
কৌতূহলভরে একদিন নামগান
এলাম শুনিতে ; ভাবিলাম, কৌতুকের
হইবে সঞ্চয় ; শেষে দেখি, প্রাণ মোর
কি যেন অপূর্ব রসে ডুবিল তা শুনি’ ;
জুড়াল হৃদয় ! সে অবধি, গৃহ ত্যজি’

আরতি

ফিরি তব পাছে পাছে তুষায় নেশায় ;
দেখি চেয়ে ওই তব মোহন মূরতি ;
চকোর যেমন চেয়ে থাকে চন্দ্র পানে !
কিন্তু মোর কি শক্তি, কি সাহসবলে
যাইব নিকটে আরো ;—হ'ব অধিকারী
হরিনামামৃত পানে সকলের সাথে !
আজ যদি অনুকম্পা করিয়াছ দীনে,
করিব না চলনা তোমারে ; সত্য কহি,
আমি নহি যোগ্য তব অতুল দয়ার ;
ভাগ্যদোষে ম্লেচ্ছ আমি ; জানাই চরণে !—
আলিঙ্গন দৃঢ় করি' কহিলেন গোরা,—
ত্যজ শঙ্কা, প্রিয়তম ; যবনে ব্রাহ্মণে
নাহি কোন ভেদ সেই প্রভুর চরণে !
মোরা ত দাসানুদাস !—সে কি কোন কথা,
প্রভু যারে কাছে টানে, ভূত্য তারে ঠেলে ?
হরি ডাকিছেন তোমা বলুদিন হ'তে ;
তাই ত এসেছ, বন্ধু, ধরা দিতে আজ ;
আজ হ'তে নাম তব হ'ল হরিদাস !—
সে অবধি, সাথে সাথে রাখে তারে গোরা ;
সবে যারে অবহেলা, উপেক্ষায় হেরে,

তারি প্রতি গৌরচন্দ্র অধিক সদয় !
 নদীয়ার কাজী 'শুনি' এ অপূর্ব কথা,
 হইলেন ক্ষুব্ধ, ক্রুদ্ধ !—প্রহরী পাঠায়ে
 আনিলেন হরিদাসে বিচার-মণ্ডপে :
 কহিলেন কাজী তারে,—ওরে কুলাঙ্গার,
 পবিত্র ইসলাম-ধর্ম্য করি' বিসর্জন,
 পিতৃপিতামহ-কূলে মাখাইয়া কালী
 আজ বুঝি কাফেরের হয়েছ নফর ?
 এই দণ্ডে পূর্ব-ধর্ম্য নাহি নিস্ যদি,
 প্রাণদণ্ড দিব তোরে ! কে আছে এখানে ?
 ডাকু শীঘ্র মোল্লা এক ; আন ত কোরাণ !
 কহিলেন হরিদাস বিনয়ে নির্ভয়ে,—
 যাক্ প্রাণ, হরিণাম ছাড়িব না কভু ।
 জুলিয়া উঠিলা কাজী ; হাঁকিলা,—জল্লাদ,
 এই দণ্ডে এ কাফেরে লহ বধ্যভূমে ;
 দেখি, ওরে হরি আজ রাখে কি প্রকারে !—
 হেনকালে আচম্বিতে, চক্ষের নিমেষে
 অগণ্য ভক্তের দল 'হরি হরি' ডাকি'
 পঙ্গপাল সম এসে পড়িল সেথায় ;
 করিল না কারো প্রতি কোন অত্যাচার ;

আরতি

কেবল শে'নের মত তুলে' ল'য়ে বেগে
বন্দীকৃত হরিদাসে, হরিধ্বনি করি'
চক্ষের নিমেষে পুন হ'ল অন্তর্দান !
কেবল দাঁড়ায়ে সেথা প্রশান্ত, অটল,
হেরিছেন একদৃষ্টে নিমাই কাজীরে !
চাহি' সেই তেজোময় আননের পানে
ফেলিল নিমেষ কাজী, যেন মন্ত্রবলে !
অভিভূত, পরাভূত, অবনত হ'ল ;
গলিল, মজিল, শেষে বন্দী হ'ল প্রেমে !

জগাই মাধাই দৌঁহে নগরকোটাল,
গোঁয়ার, মূর্খের শেষ, লম্পট, মাতাল ; ,
ছু'জনার অত্যাচারে বিব্রত নদীয়া !
ভাতৃদ্বয় খড়্গহস্ত কীর্তনের নামে ;
দেখিলে ভক্তের দল, শুনিলে কীর্তন,
কটু বলি' যষ্টি তুলি' যায় তাড়াইয়া !
এক দিন চলেছেন সঙ্কীর্্তন করি'
নিমাই নিতাই আর যত ভক্তগণ
জগাই-মাধাইদের গৃহপাশ দিয়া ;
হেনকালে ভাতৃদ্বয় বেগে বাহিরিয়া,
আঙুলি' দাঁড়াল পথ, মুখে রুক্ষ ভাষা ।

একেবারে ছুটে' গিয়ে নিতাই অমনি
 জগাইরে বক্ষে টানি' কহিলেন,—ভাই,
 পাপে পরিত্রাণ কিসে ভেবেছিস্ তা কি ?
 হরিনাম বিনা তোর গতি নাই যে রে !
 এমন করুণ কণ্ঠ স্রুত, ভীষণ,
 শুনে নি পাপিষ্ঠ আগে ; দমিল জগাই,
 বংশীরবে বশ যথা মানে অজগর !
 মাধাই তা দেখি' নিত্যানন্দে লক্ষ্য করি'
 ভগ্ন-কলসীর কানা হানিল সবেগে ;
 —ফাটিল ললাট ; নামিল রুধিরধারা !
 ভক্তের লাঞ্ছনা দেখি' কাতর নিমাই ;
 জাগিছে প্রচণ্ড রোষ পাষাণের প্রতি,
 হেনকালে মুকুনেত্রে দেখিলেন চাহি'—
 মাধাইর গলা ধরি' নাচিছে নিতাই ;
 মুখে শুধু হরিবোল্ বলিছে সঘনে,
 বহিছে রুধিরে মিশি' অশ্রুর লহরী !
 নিত্যানন্দে কোল দিয়া কহিলা নিমাই,—
 পদধূলি দেহ মোরে, ওহে ক্ষমাবীর,
 তব গুণে আজ দেখ অনুতাপ-বলে
 পুরাতন পাপীদয় হইল উদ্ধার ।

আরতি

অবতার ! অবতার !—নদীয়ার মাঝে ;
ভগবান অবতীর্ণ গৌরচন্দ্ররূপে ;
পড়ে' গেছে এই রব দূর দূরান্তরে !
দলে দলে কত লোক ল'য়ে রোগ শোক
হত্যা দিত দ্বারে আসি' ; কহিত,—ঠাকুর,
তুমি পূর্ণব্রহ্মরূপে, করুণা-নিলয়,
দয়া কর এই সব কাঙ্গালের প্রতি !—
যথাসাধ্য সেবা করি' রোগী-দুঃখীদলে
কহিতেন গোরা,— বন্ধুগণ, ভ্রাতৃগণ,
আমি শুধু তাঁর এক তুচ্ছতম দাস ;
সে রাজা-চরণ শুধু দীনের শরণ !—
এ প্রবোধে অবোধেরা শাস্ত নাহি হ'ত ;
বিদায়ের কালে, সহসা পদান্তে পড়ি'
অঙ্গুলি চুম্বিয়া পদধূলি শিরে দিত ।
সশব্যস্তে গোরা সবে করি' নিবারণ
উদ্দেশে তাদের পদে করিতা প্রণাম ।
বিনয়ের অবতার, অবতার-গোরা !
একদিন প্রিয়তম শিষ্য একজন
গোরার চরণে পড়ি' গদ গদ ভাষে
'পূর্ণব্রহ্ম' বলি' তাঁরে আরম্ভিল স্তুতি ;

চমকি' উঠিল গোরা ! তীব্র তিরস্কারে
 ব্যথিয়া তাহারে, কহিলেন,—অজ্ঞানেরা
 যাহা বলে, ধৈর্য্য ধরি' হাসিয়া উড়াই ;
 তোমার ত ক্ষমা নাই এই অপরাধে ।
 ত্যাজ্য তুমি মোর !—করিল মিনতি সবে,
 গোরা তার মুখ আর হেরিলা না কভু ।

আর একদিন কৌতূহলী শিষ্য এক
 নিকটের কোন এক ধনীর ভবনে,
 আশ্বিনের সপ্তমীতে ছদ্মবেশ ধরি'
 গিয়াছিল দেখিবারে বলিদানঘটা !—
 হেনকালে প্রভঞ্জনবেগে গোরা আসি'
 উপস্থিত সেথা । ক্ষিপ্তবৎ ক্ষিপ্ৰকরে
 উৎসর্গিত ছাগে স্তম্ভমৃত্যু-পাশ হ'তে
 মুক্ত করি', যূপকাষ্ঠে রাখি' নিজ শির,
 কহিলা,—ঘাতক, বধ কর আগে মোরে !—
 খাঁড়াতীর হাত হ'তে খড়্গ প'ল খসি',
 বিপ্র ফেলি' দিল কোশী পূতোদক সনে ;
 থামিল বলির বাহু ; জনতার মাঝে
 উঠিল অব্যক্ত রোল ! নিমিলিত-আঁখি,
 গলবস্ত্রে করঘোড়ে, গৃহকর্ত্তা ছিল।

আরতি

ভবানীর ধ্যানে মগ্ন ; গোলযোগ শুনি'
জাগিয়া, উঠিলা গর্জি' ! তখন নিমাই
দিব্যবিভাদীপ্ত আশ্র উন্মোলিয়া ধীরে
কহিলেন মেঘমন্দ্রে গৃহস্থে,—নিষ্ঠুর,
এ নিরীহ ছাগশিশু কি করেছে তব ?
বলিতে পারে না কথা,—ভাবিয়াছ তাই,
বক্ষে তার নাহি বাজে অস্ত্রের আঘাত !
অসহায় নিরুপায় জানি', ভেবেছ কি,
ঘাতকের হিংস্র-হস্তে প্রাণদান ছাড়া
বিশ্বে ওর নাই মূল্য, নাই মুক্তি গতি ?
একবার জ্ঞান-নেত্র করি' উন্মীলন
প্রতিমার মুখপানে দেখ দেখি চেয়ে,—
কি বিষাদে ছেয়ে গেছে মৌনমুখশশী !
প্রসন্ন আগ্রহে দেবী লইবেন তুলে',—
এই পৈশাচিক অর্ঘ্য নিবেদন-ছলে ?
সন্তানের রক্তে আজ করিবেন স্নান
দয়াময়ী বিশ্বমাতা ? ধিক্ !—তুমি ধনী ;
তুমি মানী ; নিজে উঠি', উদ্ধার' সকলে ;
দিও না চলিতে পাপ দেবতার নামে !—
চাহিয়া রহিল ধনী জড়মূর্ত্তি যেন !

পড়িল লুটায়ে শেষে মহাত্মার পদে ।
 সত্ত্ব অনুতপ্তে গোরা ধরিলেন বুকে ;
 যত্নে প্রবোধিয়া, হরিনাম-স্পর্শমণি
 ছোঁয়াইলা প্রাণে তার ; দিলেন আশ্রয়
 হিংসাদেষবিরহিত মহাধর্ম্যে তারে !
 এতক্ষণ সেই শিষ্য হতবুদ্ধি হ'য়ে
 দেখিতেছিল এ দৃশ্য ;—শেষে পারিল না
 বিশ্বাসঘাতক সম আপনারে আর
 রাখিতে গোপন ; অকস্মাৎ বাহিরিয়া
 গোরার চরণে পড়ি' করিল প্রকাশ
 অকপটে সব কাঁদি' ! করিলা গ্রহণ
 ব্রতভ্রষ্টে গোরা দীর্ঘপরীক্ষার পরে ।

নবীন-বয়সে হেন তপস্তার ক্লেশ
 সহিছেন গৌরচন্দ্র,—ভক্তগণে তাহা
 বিঁধিতেছে শেলসম । শ্রদ্ধায় যতনে
 গুরু লাগি' শিষ্যগণ গোপনে যোগায়
 আরামের শত ক্ষুদ্র মিষ্ট উপচার,
 এড়াতে পারে না কিছু গোরার নয়নে ;
 কখনো অজ্ঞাতে, কভু সবার সম্মুখে
 বিলাইয়া দেন তাহা দীন-দরিদ্রে।

আরতি

কভু রুষ্ট হ'য়ে সবে করেন ভৎসনা
এই সব সেবা যত্ন আড়ম্বর দেখি' ;
কখনো বলেন হাসি' পরিহাস-বশে,----
তোমরা কি গোরে শেষে বানা'বে নবাব !—
বুঝিয়া, থামিল সবে । সংসারে মিশিয়া
ব্রহ্মচারী ব্রহ্মচর্য্যে রহিলা অটল !

প্রচারের তরে শেষে হইলা ব্যাকুল
গৌরচন্দ্র,—নবদ্বীপে নাহি বসে মন ।
দিকে দিকে যেন দীনের ক্রন্দন-ধ্বনি
হতেছে ধ্বনিত ! নিত্যানন্দে পাঠাইলা
গৌড়ের বিজয়ে ; হরিনামাঙ্কিত ধ্বজা
দিয়ে তাঁর হাতে, কহিলেন,—হে নিতাই,
প্রেমে বন্দী করে' আন পলাতক সবে !—
অদ্বৈতগোসাই-আদি কৃতী শিষ্যগণে
পাঠাইলা দিগ্বিদিকে । সর্বত্র অচিরে
হয়েছিল জয়যুক্ত ধর্ম্ম-অভিযান ;
ধরা দিয়েছিল সেধে বিদ্রোহীর দল !
ভক্তবৃন্দ সঙ্গে ল'য়ে লীলা-রঙ্গে মাতি'
নীলাচল-অভিमुखে চলিলা আপনি ।
পথক্লেশ তুচ্ছ করি', আইলা ছুটিয়া

প্রসিদ্ধ ভুবনেশ্বরে ।—দেখা দিল দূরে
 ভুবনমোহন দৃশ্য, মন্দিরের মেলা, ---
 ডাকিতেছে আগন্তুকে বিচিত্র ইঙ্গিতে ।
 স্থাপিত ‘ভুবনেশ্বর’ সর্বোচ্চ মণ্ডপে,
 তাহারে ঘিরিয়া, ঘন বিটপীতে ঘেরা
 নিভৃত প্রদেশে, অভিরাম ছোট বড়
 দেবগৃহসারি । তপোবন মাঝে যেন
 গুরুরে বেড়িয়া অবস্থিত, অবহিত
 মৌন শিষ্যদল !—করিতেছে তক্ তক্
 মনোহর বিন্দুসরোবর, বক্ষে ধরি’
 চুরু কারুচিত্রলেখা মন্দির একটি ;
 কাঁপিছে তাহার ছায়া স্বচ্ছ জলতলে ;
 সলিলবিহারশ্রান্ত বলাকার কাঁক
 বসিয়াছে থাকে থাকে সে দেউল ছেয়ে ;
 কেহ স্থির, গাত্রকণ্ঠে রত কেহ ;
 তাহাদেরো বহুরূপী প্রতিবিশ্ব পড়ি’
 নাচিছে হিল্লোলে ধীরে তালে তালে তালে
 শুভ্রতোয়া সরসীরে শুভ্রতর করি’ ;
 খেলিছে মরালযুথ, ভাসিছে সারস ।
 হরষে ভাসিলা গোরা হেরিয়া সে সব ;

আরতি

ভুলিয়া যাত্রীর ভিড় স্থলিঙ্গ আশ্রমে
রহিল সে ভোলা প্রাণ ভাবে ভোর হ'য়ে !
উত্তরি' পুরুষোত্তমে, রথযাত্রাদিনে,
নামসংস্কীৰ্ত্তন করি' করিলা স্তম্ভিত
জল-সমুদ্রের পারে কলকল্লোলিত
সে জন-সমুদ্র !—সবে ঠাকুর ভুলিয়া
হরি নামে মত্ত হ'ল, বিকাইল প্রাণ !
আপনি প্রতাপরুদ্র, পুরী-অধিপতি,
মাতিলেন নামগানে ! ভেটিলা গোরারে
বহুমূল্য ভেট ল'য়ে । গৌরচন্দ্র হাসি',
বিলায়ে দিলেন সব কাঙ্গালীর দলে ;
হইলেন অপ্রসন্ন প্রতাপের প্রতি !
কাতরে দাঁড়া'ল ভূপ ক্ষমাভিক্ষা মাগি' ।
দীন-ভাব এল যবে রাজার অন্তরে,
করিলেন ভাবধর্ম্যে দীক্ষিত তাহারে ।
গদগদ-প্রাণ নৃপ ; সরে না বচন,—
বিনামূলে বিকাইল গোরার চরণে !
সমগ্র উৎকলে এল প্রেমের প্লাবন !
গেলা শেষে পুণ্যক্ষেত্র বারাণসীধামে ।
রহি' সেথা, কাশীবাসী বহু অজ্ঞানের,

শুষ্ক তর্কিকের, আর দস্তী নাস্তিকের
ফুটায়ে নয়ন ; বহু ভক্ত-চাতকের
মিটায়ে পিপাসা,—দর্পহীন জয় বহি’
হইলেন অগ্রসর প্রয়াগের পথে ।

গঙ্গাযমুনা-সঙ্গমে শোভিছে প্রয়াগ,
দেবহীন তীর্থরাজ !—আপন গৌরবে
চিরদিন আকর্ষিছে অনুরক্তদলে !
তখন কুন্তের মেলা ;—কাতারে কাতারে
ভাসিতেছে তরীশ্রেণী, উড়িছে নিশান,
দেখাদেখি একে একে উঠিতেছে বাজি’
সারিবদ্ধ তরী হ’তে ডঙ্কা থাকি’ থাকি’ ।
যেথা হরি-হর সম, নীলে মিশি’ শ্বেত,—
যুগল সলিলী-আত্মা গলাগলি ধরি’
(অন্তঃনীর স্বরস্বতী বহিছে মিশিয়া
ভক্তের বিশ্বাস-তট অভিষিক্ত করি’ !)
চলেছে কাকলি করি’,—তরী আরোহিয়া
দলে দলে যাত্রীদল সে সঙ্গমে গিয়া
ফিরিছে করিয়া স্নান ; উঠিছে সঘনে
নারীকণ্ঠে হুলহুলি, বাজিতেছে শাঁখ ;
ফুলে ফুলে ঢাকিয়াছে নদীজল ;—যেন

আরতি

সুবিস্তীর্ণ ভাসমান পুষ্প-আস্তরণ,
মায়াদেশে অজ্ঞাত হস্তের বিরচিত,
চলেছিল নিরুদ্দেশে বিচিত্র কুহকে,
এবে থামি' ক্ষণকাল দীর্ঘযাত্রা-পথে
সাধবস-কম্পিত, রহি' ত্রিবেণীসঙ্গমে
পুণ্যস্পর্শ লইতেছে প্রাণ পূর্ণ করি' !
তারি সাথে মিশা নভ-প্রতিবিশ্ব, না ও
অভ্র-আস্তরণ ?—কোথা পুষ্পাচ্ছাদ ঠেলি'
দীপক নভের খণ্ড উঠে হাসি' ভাসি' ।
বক্ষে ধরি' ঝলকিত রজত-তপন
নাচে রে তরল নীলে অচপল নীল !
এদিকে অঘাটে, ঘাটে আসিছে, যাইছে
কত যে স্নানার্গী, তার নাহি লেখা-জোখা !
আবক্ষ নিমজ্জি' নীরে কেহ মগ্ন ধ্যানে ;
কেহ ভাগীরথী-স্তব পড়ে তারসরে ;
'ববম্ ববম্ বম্' গালবাছু করি'
কেহ পূজিতেছে হরে । চলিছে সবেগে
তীরে তীরে যাত্রীদের দানধ্যান-ঘটা ;
কোথাও সন্ন্যাসী সব বসি' ভস্ম মাখি' ;
কোথা উর্দ্ধবাহুগণ আছে দাঁড়াইয়া ;

কোথা দণ্ডী, প্রতি অগ্র-গমনের বেলা
 দণ্ডবৎ পড়ি' ভূমে, যত্নে চুমি' ধূলি,
 করিয়াছে দীর্ঘযাত্রা ভূমি মাপি' মাপি' ;
 কোথা অন্ধ-আতুরেরা ভিক্ষা মাগিতেছে
 করুণ কাহিনী কহি' । রাজপথ পাশে
 বসেছে বিপণিশ্রেণী ; লেগেছে বাজার ;
 শিশু নারী যুবা বৃদ্ধ ক্রেতা দলে দলে
 হাসিছে, ঘুরিছে স্রুখে কোলাহল করি' ।
 'আতসে', 'ফানুসে', চিত্রে ছেয়ে গেছে মেলা
 সঙ্ক, রঙ্ক, তামাসার চলিতেছে ধুম ;
 ঝাচিছে নর্তকী ; কোথা গাইছে গায়ক ;
 কোথাও বা যাদুকর ভেকী দেখাইছে ;
 কোথা বা দৈবজ্ঞ ঘিরি' কৌতূহলী দল
 গণাইছে ভাগ্যফল ; ছলিতেছে কেহ
 হিন্দোলায়, কেহ দোলাইছে ;—দেখিতেছে
 কেহ ; কদাচিৎ কেহ বা পড়িছে ছুটি'
 দোলা হতে — দর্শকের হাস্য জাগাইয়া ।
 ধাইছে বৃষভ-রথ পট্টবস্ত্রে সাজি'
 ঘন ঘণ্টাধ্বনি করি' বিমুক্ত দর্শকে
 আপনার আগমন ঘোষিয়া গরবে !

আরতি

নগরের শান্তিহীন কলরব ছাড়ি'
ওপারে ঝুঁসির মঠে উত্তরিলো গোরা ।
পাহাড়ের গা'য়, হেরিলেন সারি সারি
তাপসের গুহা-গৃহ রয়েছে খোদিত ;
শুনিলেন মুগ্ধকর্ণে, স্তব্ধতারে চিরি'
উঠিতেছে নানা কণ্ঠে বিভূগুণগান !
মহতের সহবাসে মহৎ-অন্তর,
আশ্রমের দ্বারপাল বিটপীর দল
কেহ ফলে, কেহ ফুলে, কেহ বা পল্লবে
উপহার বিরচিয়া, নীরবে নির্জ্জনে,
দীর্ঘছায়া বাড়াইয়া, নতনয়নশিরে
করিল তাঁহারে যবে দ্বারে সম্ভাষণ,
আনন্দে মগন হ'ল প্রশান্ত হৃদয় !
সাধুসঙ্গ লভি' শেষে পুলকিত মন,
সদালাপে হইলেন গোরা মাতোয়ারা ।
কথাছলে ভাবধর্ম্য করিলা ব্যাখ্যান :
স্থলগে সে কথামৃত সবার পরানে
মৃতসঞ্জীবনী সম করিল প্রবেশ !
বহু সন্ন্যাসীর চক্ষু খুলে গেল তাহে,
অশ্রুজলে ধুয়ে গেল সংশয়ের মলা !

তারপরে সেই সব মহাত্মারে ল'য়ে
ঘরে ঘরে অকাতরে ফিরিলা প্রচারি'
স্বর্গবার্তা !—জুড়াইল শত শত প্রাণ !—
কাঁদায়ে প্রয়াগীগণে ছাড়িলা প্রয়াগ ।

ব্রজপানে ফুল্লপ্রাণে চলিলেন ধ্যেয়ে ;
গোকুলের নামে গোরা উন্মত্ত, আকুল !
—সেই আদি সনাতন লীলা-নিকেতন ;
প্রেমের জাগ্রত তীর্থ স্বর্গের, মর্ত্যের ;
বিদ্যাপতি, চণ্ডীদাস ভক্ত-কবি যার ;
অক্লুর উদ্ধব-আদি ভাবুক যাহার ;
'মাধুর্য্য রসের সার'—তত্ত্ব যেখানের !
সেইখানে চলেছেন,—ভেবে আত্মহারা ;
পুলকসঞ্চার দেহে ! সে চির-ঈঙ্গিত
বৃন্দাবনে উত্তরিলা, গদগদ প্রাণ ;
বহে বেগে ঘনশ্বাস, স্বেদসিক্ত তনু,
ঝর্ ঝর্ দু'নয়নে ঝরে প্রেমবারি !—
বহিছে কালিন্দী সেই কুলু কুলু গাহি' ;
মুঞ্জরিছে নীপকুঞ্জ ; ডাকিছে কোকিলা
নিধুবনে !—শুনিলেন মুগ্ধকর্ণ পাতি'
ব্রজের বালকদল গাহিছে মধুরে,—

আরতি

‘রাধাকুণ্ড শ্যামকুণ্ড গিরিগোবর্দ্ধন ;
মধুর্ মধুর্ বংশী বাজে এই ত বৃন্দাবন !’
—সত্য সত্য, কাণে যেন এল বংশীধ্বনি ;
ব্রজরাখালের সেই হাস্যকলরব ;
বনমালিকার ঘ্রাণ এল সাথে বহি’ !
মনে হ’ল,—যেন সেথা দোলের উৎসব !—
হইতেছে হানাহানি প্রেম-পিচ্কারী ;
লালে লাল পথ-ঘাট আবিরে আবিরে ;
লালে লাল সে লীলায় যমুনার জল !
সাক্ষসে রভসে হৃষ্ট তনুমনপ্রাণ,
নাচিতে লাগিলা গোরা উন্মত্তের মত,
উর্দ্ধমুখে বাহু তুলি’, ঘুরি ঘুরি ঘুরি ।
শঙ্কাকুল ভক্তগণ সে নৃত্য দেখিয়া,
ভাবিতেছে, প্রাণপাখী এ মহা উচ্ছ্বাসে
এখনি বা ভূমানন্দে অনন্তে পলায় !
থামিল নর্ত্তন যবে,—শ্রী-অঙ্গ অবশ,
পড়িলা মূর্চ্ছিত হ’য়ে ভক্তবাহুপাশে ।
বহুক্ষণে এল সংজ্ঞা ; যুড়িল কীর্ত্তন
ভক্তগণ ; যোগ দিলা গোরা নামগানে ;
ভাবে ভোর ব্রজবাসী ধেয়ে এল সবে ;

সমস্ত মথুরা ভাঙ্গি' আসিল সে হাটে !
 বিকায় মধুর রস আনন্দবাজারে ;
 দলে দলে ক্রেতা আসি' লইতেছে লুঠি',
 অক্ষয়-ভাণ্ডার হ'তে সুধা রাশি রাশি !
 এইরূপে কিছুদিন যাপি' ব্রজপুরে,
 সজল নয়নে লয়ে নীরব বিদায়
 দারকার অভিমুখে করিলা প্রয়াণ ।

দেশ হ'তে দেশান্তরে ছুটিছেন গোরা !
 মঙ্গল-ভৎসনাভরা, সাবধান-করা
 বিধাতৃপ্রেরিত জাগরণী প্রচারিয়া,
 ক্ষিপ্ত ধূর্জটীর মত ভাবের তাণ্ডবে
 প্রমত্ত প্রচণ্ড হয়ে, হরিনামে সাধা
 যুগান্তের বিজ্ঞাপক বিষণ্ণ বাজায়ে,
 গৈরিকনিঃশব্দ সম জ্বলন্ত তরল
 উদগ্র উৎসাহধারা ছড়ায়ে ছিটায়,
 কৰ্ম্মযোগী গৌরচন্দ্র যেথা যেথা গেলা,
 যাহাদের সহবাসে বারেকের তরে,
 আগুন জ্বলিল সেথা, বহিল তুফান,
 টলিল, গলিল সব ভজিল, মজিল ;
 সাধনার নবযুগে জাগিল শিহরি' ;

আরতি

করিল মহান্ যাত্রা নূতন ভুবনে !
ফিরিতে লাগিলা গোরা অতৃপ্ত হৃদয়ে
পরমার্থ বিলাইয়া ।—ভাবিতেন গোরা,—
ব্রত মোর উদযাপন হইল না বুঝি ;
এ জীবন, এ জনম গেল রে বুথায় !
সত্যই কি হয় নাই ব্রত উদযাপিত ?
ঐশকার্য্য হয় নাই পূর্ণ সমাপন ?
কে বুঝে রহস্য তার !—কি প্রকাণ্ড তৃষা
বৃহত্তের—কর্তব্য কি কঠিন, অশেষ !
কে করিবে পরিমাণ সেই অতলের ?
চিরদিন মহাজন আপনাবিস্মৃত ;
যত করে, যত ভরে,—ভাবে সবি বাকী !
শেষদিনে সাক্ষ হয় প্রাণের উদ্ভাপ !
কিন্তু ইহা স্মৃতিশ্রুতি,—কৃতার্থ হ'য়েছে
ধরা পেয়ে গৌরচন্দ্রে, পূর্ণচন্দ্রে হেন ;
আর তাঁর প্রবর্তিত ভাবধর্ম্ম লভি,—
ভক্তি যার ভর-ভিত্তি, প্রেম যার প্রাণ !

